

駱丞集註

一之二




					漢書門
				一〇二	
				七二	
				四〇	
				二一	
				冊	類

					漢書
				一〇二	
				七二	
				四〇	
				二一	
				冊	類

別集

内閣文庫	
番號	漢 10120
冊數	2 (1)
函號	314 181

314-181



綴じ部(喉部分)の文字など開きが不鮮明な箇所あり

刻陳省公增註
駉賓王全集

本堂藏
紙不許
翻刻

駉至一集增刻百家未取書魚珠堪掩鼻
是刻西經校註鴻重藝林罕有

駉侍御文集

補注文庫

波以管于戴于一時字性走離靈

之技也款款善必有淳本其存史

人毛髮灑然而標友亦奮足

而拊心也者唐故多事以所練

四傑身駘傳法在言其文辭美百
宣宣高而和重石為延禮諸
公知之古今眩矣之矣及一坏六尺
兩涘雖激孝民怒而終以反心至
是而孝民去傳法也當是時人

皆稱快則當時知侍御也於今
讀之極者無不挹其生象則于
今生傳法也知侍御者固在此不
在彼已余嗜傳法有日從後給諫
新公齋所見傳法案卷為舒


陳君注而給諫補之均之不款朽
估而也了日顏伯子抱某志藁而
厲余敘曰駘古始以倡義獲延
政以智適多子生忠憤所為也先
大人自建長忤 旨未悔嘗

強多文于松風涓水之宿茲不思敬
帙置之付梓烏乞先生教其至
去傳唐一代作者其風節去給諫
照同而伯子考衆志篤之嘉也乃
不能為伯子請人謂傳高主傳不

調者十成繼又負既遊法海承
久人亦遇大率然也信由之復以臨
海而益彰運何窮乎信由且久人
之不遇而功業在成敗之智者一
信由之年特惜言求文之語亦遲之

乎信由之過中宗之知信由也
夫

睡菴居士湯宥甲敘



記駱賓王遺事

駱賓王婺州義烏人七歲能屬文高宗朝與盧楊王
文詞齊名海內稱焉號為四傑仕至侍御史以天后
卽位頻貢章疏諷諫得罪左遷臨海丞文明中與敬
業舉義廣陵事不捷逃遁文集舉散失中宗朝降敕
搜訪賓王詩筆今雲卿集焉所載者卽當時之遺漏
凡中十卷此集並是家藏者亦足傳諸好事

右魯國郟雲卿

宋考功之問以事累貶黜后放還至江南遊靈隱寺

夜月極明長廊吟行且爲詩曰鷺嶺鬱岩堯龍宮隱
寂寥第二聯搜奇思終不如意有老僧點長明燈坐
大禪床問曰少年夜久不寐而吟諷甚苦何耶之問
答曰弟子業詩偶欲題此寺而興思不屬僧曰試吟
上聯卽吟與之再三吟諷因曰何不云樓觀滄海日
門聽淞江潮之問愕然訝其適麗又續終篇曰桂子
月中落天香雲外飄捫蘿登塔遠剝木取泉遙霜薄
花更發水輕葉互凋夙疑尚遐異搜對滌沈煩囂待
入天臺路看予渡石橋僧所贈句乃爲一篇之警策

遲明更訪之則不復見矣寺僧有知者曰此駱賓王
也之問詰之曰當敬業之敗與賓王俱逃將帥慮失
大魁得不測罪時死者數萬因求戮類二人者函首
以獻后雖知不死不敢捕送故敬業得爲衡山僧年
九十餘乃卒賓王亦落髮遍遊名山至廣隱以周歲
卒當時雖敗具以匡復爲名故人多護脫之

靈隱寺在武林山晉咸和初建寺有觀風虛白
候仙冷泉五亭寺外夾道有九里松唐郡守袁
仁敬所植鷺鳥名靈鷺山胡語曰耆闍崛山山
是青石頭似鷺鳥佛嘗居此中號鷺嶺匈奴傳
或說王根曰匈奴有斗入濮地直張掖生奇材
木箭鷺羽註鷺大鷗也羽可爲箭翎龍宮蓮華

經有大海娑竭羅龍宮自然湧出桂子劉績霏
雪綠載杭州靈隱寺月中隊桂子按本草圖經
江東多下衢路拾桂子破之辛香古老相傳是
月中下也不知當地何意獨無寧非月路耶余
杭靈隱寺僧云種得一株近代詩人多所論述
漢武洞冥記云有遠飛雞朝往夕還常銜桂實
歸于南土所以北方無之南方月路固宜有也
月路之說尤異白樂天詩偃蹇月中桂結根依
青天風繞月起吹于下人間自註云杭州天
竺寺有月中桂子天台山頂兩山相峙中有石
橋橫過對山有方廣寺世傳有人至此乃五百
羅漢成道之所今橋斷不可度即橋下為方廣
寺也

右孟啓所著孟啓唐人當得多寶

以上二條具載古今詩話靈隱或作天台寺然賓王

已丞臨海則密邇天台矣集中又有贈之問詩似於
宋爲宿論人不應脫爾然遲明卽避亦似有之近時
渠魁往往稱已得其人又有復見之者賓王有匡復
名未死宜矣又見下文

新唐書駱賓王傳

賓王義烏人七歲能賦詩初爲道王府屬嘗使自言
所能賓王不答歷武功主簿裴行儉總管洮州表掌
書奏不應調主簿長安武后時數上疏言事下除臨
海縣丞鞅鞅不得志棄官去徐敬業舉義署賓王府

屬爲敬業傳檄天下斥武后罪后見檄問誰爲之或以賓王對后曰宰相安得失此人敬業敗賓王亡命不知所之中宗時詔求其文得數百篇

宋劉定之先生云徐敬業與駱賓王兵敗賓王亡命爲僧往來靈隱寺宋之間夜吟不屬賓王隔壁朗吟以終其篇之問大駭質明求見則遁矣敬業亦爲僧衡山黃巢敗亦脫身爲僧依張全義于洛陽曾繪已像題詩云記得當年草上飛鐵衣着盡着僧衣天津橋上無人識獨倚欄干看落暉人見其像識其爲巢

古今若此脫身者多矣史豈盡得其實也

唐詩紀事云世稱王楊盧駱楊盈川之爲文好以古今姓名連用如張平子之畧談陸士龍之所記潘安仁直其陋矣仲長統何足知之號爲點鬼簿賓王文好以數對如秦地重關一百二漢家離宮三十六人號爲筭博七帝京篇云倏忽搏風生羽翼頃與失浪委泥沙賓王後與敬業興兵揚州大敗逃死此其識也

本朝新都楊升菴云孔北海大志直節東漢名流而與建安七子並稱駱賓王勁詞忠憤唐之義士而與垂拱

四傑爲列以文章之末技而掩其立身之大閑可惜也
君子當表而出之

本朝華亭徐獻忠云世傳賓王以文藝被誅傷哉其
言之也夫舍宮爵徵文士之長擊節書空恒人所畧
以賓王才美之士逍蕩柳之下豈不暢咏精神而
數上書言事武后乃以爲徐敬業傳檄天下悲夫
循性而動不顧諱忘雖古之狂狷何以加之哉或曰
樓觀滄海日門聽浙江潮賓王尚作老僧語殊非
誅死也

本朝太倉王鳳洲云盧駱王楊號稱四傑詞旨華靡
固沿陳隋之遺骨氣翻二意象老境超然勝之五言
遂爲律家正始而子安稍近樂府楊盧尚宗漢魏質
王長歌雖極浮靡而綴錦貫珠滔二洪遠故是千秋
絕藝蕩子從軍獻吉改爲歌行遂成雅什子安諸賦
皆歌行也爲歌行則佳爲賦則醜

新刊駱丞集註目錄

卷一

頌

靈泉頌

賦

蕩子從軍賦

螢火賦 有序

五言古詩

詠懷古上裴侍郎

駱丞集註

目錄

夏日遊德州贈高四詩 右序

在江南贈宋五之問

五言律詩

於紫雲觀贈道士 有序

在獄詠蟬 有序

途中有懷

出石門

至分陝

至分水戍

北眺春陵

望鄉夕泛

久客臨海有懷

遊兗部孔君自衛來欣然相遇若舊

西京守歲

白雲抱幽石

春雲處處生

同辛簿簡仰酬思玄上人林泉 四首

秋日送陳文林陸道士 有序

秋日送尹大赴京 有引

秋夜送閻五還潤洲 有引

初秋登司馬樓宴 有引

初秋於竇六郎宅宴 有引

送鄭少府入遼

送費六還蜀

秋月送侯四

送王明府上京參選

秋日送別

別李嶠得勝字

在兗州餞宋五

遊靈公觀

夏日遊山家同夏少府

夏日遊目聊作

同崔駙馬曉初登樓思京

春夜韋明府宅宴

冬日宴

鏤雞子

詠雲酒

詠美人在天津橋

憲臺出紮寒夜有懷

月夜有懷簡諸同僚

送郭少府探得憂字

送弟王之間得涼字

冬日過故人任處士書齋

詠塵灰

秋晨同淄州毛司馬秋九詠

秋雲

秋蟬

秋露

秋月

秋水

詠水

秋螢

秋雁

詠雁

秋菊

詠雪

餞駱四得鍾字

渡瓜步

王昭君

挽詩

樂大夫挽詩 五首

丹陽刺史挽詩 三首

卷二

五言排律

浮查詩 有序

春霽早行

秋日山行簡梁大官

晚度天山有懷京邑

晚泊河曲

晚泊蒲類

晚渡黃河

早發淮口望盱眙

遠使海曲春夜多懷

晚泊江鎮

早發諸暨

晚憩田家

宿山庄山在對京邑

過張平子墓采大旨

海曲書情

邊城落日

蓬萊鎮

宿溫城望軍營

和孫長史秋日臥病

四月八日題七級

早秋出塞寄東臺詳政學士

鄭安陽入蜀

在軍中贈先還知己

夏日憶張二

和李明府

望月有所思

寓居洛濱對雪憶謝二

西行別東臺詳政學士

送吳七遊蜀

春晚從李長史遊開道林故山

和王記室從趙王春日遊陁山寺

冬日野望

夕次舊吳

臺露薄暮濕征衣

過故宋

十詠懷

邊夜有懷

久戍邊城有懷京邑

幽繫書情通簡知己

寒夜獨坐遊子多懷簡知己

敘寄員半千

行

棹歌行

正傷祝阿王明府

有序

五言絕句

在軍登城樓

於易水送人一絕

挑燈杖

詠塵

翫初月

詠照

詠鵝雜言

七言古風

上吏部侍郎帝京篇有啓

疇昔篇

行軍軍中行路難

艷情代郭氏答盧照鄰

代女道士王靈妃贈道士李榮

憶蜀地佳人

卷三

表

為齊州父老請陪封禪表

對策文

表一道

卷三二道

三道

啓

和學士閨情詩

上司刑太常伯

上李少常

上兗州

上兗州崔長史

上齊州張司馬

上廉使

上瑕丘韋明府

上郭贊府

上梁明府

書

上吏部裴侍郎

與程將軍

馬和集詩 目錄
答員半千

與博昌父老

與親情

卷四

序

秋日於益州李長史宅宴

冒雨尋菊

晦日楚國寺宴

餞宋三之豐城

初春邗嶺送益府參軍

秋日餞麴錄事使西州

贈李八騎曹詩

揚州看競渡

秋日與群公宴

雜著

妣州道破逆賊諾波浪楊處柳等露布

又破設蒙儉露布

代李敬業討武氏檄

應誥

自敘狀

祭趙鄆將文

祭日與魏公宴

祭趙鄆將文

類選註釋駱丞全集卷之一

上海顧從敬類選

雲間陳繼儒註釋

吳郡陳仁錫叅訂

頌

靈泉頌

按新唐書宋思禮事繼母徐以孝聞補蕭縣士簿會大旱井池涸母羸疾非泉水不適口思禮憂懼且禱忽有泉水出諸庭味甘寒日不乏汲縣人異之尉柳晃為刻石頌其感見孝友傳

聞夫玄功幽贊靈心以有德是親至道冥符篤行以通仁為本

玄功猶玄德也老子能為章生而不有為而不恃
長而不宰是謂玄德幽贊本易繫辭幽贊於神明
而生著書皇天無親克敬惟親又皇天無親惟德
是輔孝經先王有至德要道論語孝弟為仁之本
此數句
皆用之

若乃天經地義色養叶於因心夏靖冬温愛敬弘於

錫類下逮六幽之奧上洞三光之精不有至誠孰云

斯感

孝經夫孝天之經也地之義也民之行也曲禮孝
子之有深愛者必有和氣存和氣者必有愉色存
愉色者必有婉容故曰色養晉書王延字延元九
歲喪母泣血三年每至忌日則悲泣三旬事親色
養王導子悅弱冠有高名事親色養詩皇矣篇圖
心則友註因其心之自然也禮記冬温而夏

温以禦其寒靖以致其涼詩既醉篇孝子不
錫爾類註孝子誠而不竭則神錫之以善也漢章
帝章和元年詔光熙六幽班固典引光被六幽註
六合幽遠之地六合天地四方也三光日月星也

有廣平宋思禮字過庭皇朝永州刺史昉之適孫戶

部員外順之長子幼丁偏罰早喪慈親永懷鞠養之

恩長增思慕之痛弱不好弄長而能賢趨庭聞詩禮

之風亢宗勗曾閔之行

廣平漢初國名唐天總初為廣平郡后為洛州今
廣平府也少昊金天氏名摯字青陽此有字之始
偏罰指喪母謂雙親不全也詩毋忝鞠我註亦養
也左傳卻芮對秦伯曰夷吾弱不好弄註夷吾晉
惠公也弄戲也又宋穆公疾召孔父屬殤公焉曰
先君以寡人為賢使主社稷若棄德不讓是廢先

君之舉也
豈曰能賢

事後母徐以至孝聞北面與悲泣高堂而咎已東遊

下位歡微祿以逮親

韓詩外傳曾子曰往而不返者親也故孝欲養而親不待是故推牛而葬不如雞豚之逮親存也初吾為吏祿不及金尚欣欣而喜者非以為多也樂其逮親也既浚之后吾嘗南遊於楚得尊官焉堂高九尺傳嘗百乘然猶北向而涕泣者非為賤也悲不逮親也故家貧親老不擇官而仕

調露二年來佐百里俯就微班之列將申返哺之情

敬立身其若斯於從政乎何遠

古未有年號始於漢文帝感方士新垣平玉杯之詐政后元元年武帝因之始建元元元年調露高

宗年號也鵲鳥行有次序齊整故朝班謂之班鳥鳥小者能返哺其母大而項白者不能微班指鵲返哺指鳥也孔子曰身也者親之枝也敢不敬與

時歲亢旱金石行銷遠近川原殆將堙絕澹井皆為

湯谷通波盡化汚池

楚詞招魂篇十日代出流金燦石步註東方有扶桑之木十日並在其上以次更行其熱酷烈金石皆銷釋也湯谷楚詞作暘谷亦讀作湯註日之所出也或言谷熱如湯張平子南都賦湯谷漏其出清水盪其胷註盛弘之荊州記南陽郡城北有紫山紫山之東有一水無所會通冬夏嘗溫因名湯谷通波通流之水也汚池汚下之地水所聚也

大夫人在遲暮之年有溫勞之疾非濫漿不可以適

口非源泉不可以蠲疴色養既虧憂惶靡訴

遲暮年老也潘岳閒居賦曰方今俊乂在官百工
惟時拙者可以絕意于寵榮之事矣大夫人在掌
有羸老之疾尚何能違膝下色養而屑屑從斗筲
之役乎列子流水之潘為淵監禮內則篇黍醴漿
水醴濫註漿醋水也醴梅漿也濫雜糗飲之屬和
水也蠲除疾病也三秦記始皇至驪山與神女遊
忤其旨唾之生瘡始皇怖謝神女
為出溫泉洗除之即蠲疴之意

俄而廳堦之下忽清泉而自生因疏導其源遂流注
不竭味甘若醴氣冷如冰

六帖君乘上而王其致太平則醴泉出黃帝時以
醴泉為漿堯之時德茂清平則醴泉出夏后書俊
又在官則醴泉出漢光武中元二年京師醴泉出
飲者痼疾皆愈味甘如醴故曰醴泉醴酒一六成

也

此邑城控剡山地連禹穴基址多石崗阜無津爰自
興建以來久微穿汲之利非精誠貫於有道純志浹
於無私孰能洽冥貺以通幽導靈泉而致養者也

剡山地名唐初於此置嵯州取四山為嵯之義并
析置剡縣宋改嵯縣今因之禹穴按一統志禹穴
在會稽山龍瑞宮側此宮乃唐所建道家謂黃帝
嘗建候神館于此有龍瑞壇呂東萊云大石中斷
成罅殊不古司馬遷自叙上會稽探禹穴此殆非
子長所探也王十朋詩好古貪奇司馬遷曾中史
記越山川如今禹穴無尋處洞鎖陽明石一拳又
穴石舊經云禹葬會稽山取此石為窆上有石隸
不可讀今以亭覆之了翁詩禹穴原從一罅通禹
陵原在亂山中飲泉窆石皆如此誤却東遊史太

公水經云會稽山南有礪去禹廟七里謂之禹井
卽禹穴也張晏亦曰禹至會稽崩而葬焉上有孔
穴或云禹入此石穴故子長上會稽探之此說俱
非是楊升菴云此乃子長自言徧遊萬里之日總
吳越及巴蜀也按蜀之石泉禹生之地謂之禹穴
其石穴深人跡不到巡撫儀封劉遠夫修蜀志搜
訪古牌刻有禹穴二字乃李白所書始知禹穴
在會稽之誤此蕭縣乃言會稽地者借用之也

昔漢臣忠烈窮井飛於一言姜婦孝思潛波移於七
里靜惟陳迹彼亦何人

後漢書耿恭爲戊巳校尉以疎勒城旁有澗水可
固引兵據其地匈奴來攻絕其汲道恭穿井城中
十五丈不得水嘆曰昔貳師拔刀刺山而泉湧乃
整衣拜井水泉奔出揚以示虜驚以爲神遂引去
姜詩至孝妻龐盛之女母嗜魚鱸夫婦嘗力作供
膾母性又不能獨食呼隣母共之母好飲水去

舍六七里妻泝流而汲值風雪不時至詩責遣之
妻依鄰母紡績市珍味潛遺姑詩聞追還妻舍側
忽有涌泉味如江水旦復出
二鯉以供二母陳迹舊迹也

蕭縣尉柳冕耿介之士也道合則金蘭若膠漆情異
則軒冕猶埃塵片善可嘉朝聞其於夕死一諾猶重
黃金賤於白圭

蕭古國名唐爲蕭縣屬徐州今因之楚辭九辨負
左右之耿介朱子註耿介剛勇之意離騷彼堯舜
之耿介兮况遵道而得路董子士不遇賦末俗以
辨詐而期通兮貞士耿介而自束文選序耿介之
意旣傷註忠烈也易曰二人同心其利斷金同心
之言其臭如蘭蔡邕郭有道碑師友之義穆如金
蘭後漢雷義字仲公陳重字景公相與爲友順帝
時義舉茂才讓於重刺史不聽義遂佯狂不應命

後同舉孝廉俱拜尚書郎時人為之語曰膠漆雖堅不如雷與陳史記曹丘生揖季布曰楚人得黃金百斤不如得季布一諾是下何以得此聲於梁楚間哉梁劉孝綽侍安成王曲水宴詩一言白璧輕片諾黃金賤

以為執友素交豈輕肥利祿之謂也賞音達禮非鍾

鼓玉帛之云乎所耻者没而無稱所貴者存而不朽

徒懷美志未遇良材

禮記曲禮篇執友稱其仁也註同師之友其執志同呂氏春秋子期死伯牙破琴絕絃終身不鼓以為世無賞音者曹植求自試表有賞音而識道也潘岳誄夏侯湛雖實唱高猶賞爾音宋書惠連龍文靈運嘉賞之禮仲尼燕居篇達於禮而不達於樂謂之素達於樂而不達於禮謂之偏左傳膠漆叔

白豹聞之太上立德其次立功其次立言雖久不廢謂之不朽

東出贊荒隅塗經勝壤三隴客恨長懷宋玉之悲一

面交歡暫雪桓譚之涕

宋玉憫其師屈原放逐作九辨歌云悲哉秋之為氣也蕭瑟兮草木搖落而變衰僚慄兮若在遠行登山臨水兮送將歸言世亂賢者欲去也漢應奉善識人訪友不遇有造車匠自門間半面窺之後路識而呼之謂之半面之識一面亦謂初面相識也齊景公游牛山流涕晏子獨笑於旁公雪涕而顧

覩斯水之清泚感若人之精誠見賢思齊仰圭璋而

有地揮毫興頌鏤琬琰之無慚乃作頌曰

此解明也詩如圭如璋言德之純潔也揮毫舉筆也書灑命弘璧琬琰在東序註琬琰王叔也鏤刻也

粵若稽古厥初生民其誰不孝獨我難倫義不悖道
仁不遺親愛敬盡力孝弟通神

孝經曰孝弟之至通于神明

顧我罔極因心感至冥契動天甘泉涌地泠泠無竭
蒸蒸不匱曾是我私永錫爾顛

詩昊天罔極言父母之恩如天無窮不知所以為報也因心見上文茫子夫列子御風而行泠然善也註泠然輕涼之貌書烝烝又人格姦言舜使父母及象皆進以善自治不至大惡也不匱錫類俱

見上文又左傳穎考叔純孝也愛其母施及莊公詩曰孝子不匱永錫爾類其是之謂乎此意與朱傳小異賦意似用之故上文云曾是我私

爰有芳人景行芳塵事諧則感道洽斯親孝為禮主
名為實賓倘斯文之不隊知盛德之有隣

詩高山仰止景行行止言善行也芳塵前人所行足為後人之法如塵之芳後趙石虎以沈香為塵令美人行而播之謂之芳塵此字義也莊子名者實之賓也

賦

蕩子從軍賦

漢孝惠六年使樂府令備簫管故有樂府詞其詞云青青河畔草鬱鬱園中柳盈盈樓上女皎

皎當懸牖峩峩紅粉粧纖纖出素手昔為倡家女今為宕子婦蕩子行不歸空牀難獨守上山採蘼蕪下山逢故夫新人復何如長跪問故天新人雖云好未若故人殊其色似相類手瓜不相如新人從門入故人從閣去新人工織縑故人工織素織縑日一匹織素五丈餘織縑將比素新人不如故此宕子曲所自始也賦中言蘼蕪曲即此

胡兵十萬起妖氛漢騎三千掃陣雲隱隱地中鳴戰鼓迢迢天上出將軍邊沙遠離風塵氣塞草長萎霜露文

露文

妖氣曰氛胡人謂中國皆曰漢雖元人語猶然也十萬三千舉成數而言其多未必實有此數也兵陣如雲合故曰陣雲又風後八陣有天地風雲虎蛇龍鳥之象隱隱鼓聲也與殷其雷之殷同易地

中有水師君子以容民蓄衆迢迢遠也史記亞夫傳趙涉遮說亞夫曰將軍何不右去藍田走武關直入武庫吳楚聞之以為將軍從天而下也周弘正入武關詩將軍天上落童子棄繻來邊塞地多風塵離如離寒暑之離秋初草葉萎歿青黃間離如文

毛居正六經正誤云谷風萬音蔓作万非盖万本音墨萬侯姓也俗借作草書方字經典豈應用之

蕩子辛苦十年行回首關山萬里情遠天橫劍氣邊北聚茄聲鐵騎朝常警銅焦夜不鳴抗左賢而列陣比右校以疏營滄波積凍連蒲海雨雪凝寒遍柳城

十年言其久萬里言其遠也庾信蕩子賦蕩子辛苦遂征行直守長城千里城隴水恒水合關山推明月鄭玄曰關境上門也月令章句云關在境所以察出禦入也漢書天文兩河間有天關梁周禮

司關掌國貨之節以聽關市故有關市之賦春秋
時騎境皆有關門以察行李江淹恨賦明妃去時
仰天大息紫臺稍遠關山無極宋玉見楚王王曰
能為大言乎曰鸞弓掛扶桑仗劍倚天外王大奇
之笳李伯陽入西戎所作傳玄笳聽序曰改葉為
聲說文作葭胡人捲葭葉而吹之胡笳所由名也
杜摯有笳賦蔡琰胡笳十八拍李陵答蘇武書胡
笳互動皆邊比聚笳也鐵騎馬被鐵甲也銅焦以
銅作譙罷受一斗晝炊飲夜擊巡營亦名刁斗
左賢右校俱番官名漢書匈奴至冒頓前強大置
左右賢王司馬遷所謂悉徵其左右賢王舉引弓
之人共攻圍之是也李陵降匈奴以為右校王貴
幸用事疏營開營也如疏九河之疏蒲顛海也在
大州之士魯番西南又名婆悉海周四伯里葱嶺
于闐以東之水皆註于此漢章帝詔班超有擊石
池破白山臨蒲類取車師柳城漢縣名屬遼西郡
晉廢唐復置營州于此宋省之故城在永平府城
西二十里唐太宗伐高麗命李世勣軍發柳城即

此阮籍大人先生歌曰陽和微
弱陰氣竭海凍不流綿絮折

若乃地分玄微路指青波邊城煖氣從來少關塞玄
雲本自多巖風凜凜將軍樹苦霧蒼蒼大史河

張揖曰微塞也以木柵水為夷狄之界也音叫又
曰境也以木石水而為界也或曰叫號巡警之謂
或曰繞也所以繞遮蠻夷不得通中國也義可互
發比邊謂之玄微南邊謂之丹微因其方色名之
耳青波水也秦滅義渠始於隴西北地上郡築長
城以拒胡趙武靈王北破林胡樓煩築長城自代
並陰山下至高闕為塞此邊城關塞所起也玄雲
黑色也將雪之候如此漢馮異不伐每克敵諸將
論功異獨屏樹下軍中號大樹將軍苦霧猶毒霧
也太史河在并邊非九河之太史河也蓋九河按
禹貢交州之境

各志卷之三

既拔距而從軍且揚麾而挑戰征旆凌沙漠戎衣犯
霜霰樓船一舉爭沸騰烽火四連相隱見戈文耿耿
懸落星馬足駸駸擁飛電終取俊而先鳴豈論功而

後殿

漢書其延壽投石跋距出於等倫註跋距即超距
謂距地向前超過物也詳見後卷露布投石超距
註書牧誓武王左仗黃鉞右秉白髦以麾詩麾之
以肱皆招義史記李左車曰不十日而兩將之頭
可致麾下麾旗也項羽謂漢王曰願與王挑戰註
招兩人對戰也北邊皆飛沙之地故云沙漠詩如
彼雨雪先集維霰註將大雨雪必先微溫雪白上
下遇溫氣而搏謂之霰久而寒勝則大雪矣樓船
船之有樓臺者漢武伐南越造樓船以路博德為
樓船將軍詩百川沸騰此以人衆言之也周幽王

以褒姒不好笑萬方故不笑王與諸侯約有故舉
烽火則遣兵來援既而無故舉烽火諸侯皆至褒
姒大笑註烽火今煙墩也草雜狼糞燒之風吹不
斜見者知有寇警故又曰狼烟詩載驟駸駸註驟
貌王褒聖主得賢臣頌追奔電遂遺風言馬之疾
也欣育訟陳湯曰國家既無文帝豐年節儉之畜
又無武帝薦延梟俊禽敵之臣獨有一湯註梟俊
取敵之魁首也湯嘗斬郅支單于楚詞恐鷓鴣之
先鳴兮百草為之不芳殿見論語

征夫行樂踐榆溪倡婦衙怨坐空閨
蕪蕪曲終難
藥新詩豈易題池前怯對鴛鴦伴
庭際羞看桃李
蹊花有情而獨笑鳥無情而恒啼

揚惲報孫會宗詩曰人生行樂耳須富貴何時寄
青傳西定河南地案榆溪舊塞註上郡北有榆次

山東經榆林為榆溪倡婦見本題註曹子建釋詩
 妾身守空閨良人行從軍楚詞秋蘭兮薜蘿生
 今堂下綠葉兮襲子謝玄暉和王主簿怨情詩相
 逢詠薜蘿辭寵悲班扇註失寵者相逢咏此詩鄭
 風漆洧篇維士與女伊其將謀贈之以芍藥江淹
 恨賦下有芍藥之詩佳人之歌鴛鴦水中匹鳥婦
 人獨處故怯對之詳見下文翡翠註史記李廣贊
 將軍相侷如鄙人口不能道詞及死之日知與不
 知皆為盡哀彼其忠實心誠信於
 士夫也嗔曰桃李不言下自成蹊

蕩子別來年月久賤妾空閨更難守鳳凰樓上罷吹

簫鸚鵡林下臨勸酒

蕩子二句見本題下秦簫史風神超邁善吹簫作
 鳳聲能致孔雀白鶴穆公有女名弄玉亦好吹簫
 公遂以妻焉乃教玉作鳳鳴居十餘年鳳凰止其
 屋公為作鳳凰樓夫婦止其上一旦史乘龍玉乘

鳳升天而去鸚鵡螺
 出外國可磨為杯

同道書來一鴈飛此時緘怨下鳴機裁鴛帖夜被薰

麝染春衣屏風宛轉蓮花帳夜月聆隴翡翠帷箇日

新粧始復罷祇應含笑待君歸

匈奴留蘇武北海上每誑漢使以武已歿武官屬
 常惠私教使者言天子射上林得鴈足有帛書言
 武在某澤中匈奴驚以為神遂遺歸後世鴈傳書
 始此下機用蘇秦事曹植閨情詩西北有織婦綺
 綺何續紛明晨秉機杼日晏不成文太息終長夜
 悲嘯入青雲妾身守空房良人從行軍梁武陵王
 蕭妃夜夢詩昨夜夢君歸賤妾下鳴機極知意氣
 薄不着舊時衣故言如夢裏賴我鴈書飛古樂府
 文彩雙鴛鴦為合歡被着以長相思緣以結不
 解麝獸名食柏膺有香即麝香也楚詞招魂篇紫

莖屏風文綠波夢註屏風水葵也又名鳧葵又名
防風卽荇菜也生水中莖紫色文綠波言葵之文
采風起水動卽綠波而生也此卽宛轉之意又梁
簡文曉思詩晨禽爭學轉朝花亂欲開爐煙入斗
帳屏風隱鏡臺紅粧幾盡淚蕩子何當來蓮花帳
因其色也或曰帳所以屏風對下夜月則宛轉當
屬蓮花楚詞註又云屏音丙謂以葉障風正與綠
波相對前見工緻更詳之聆聽月色也楚詞翡翠
翠帳飾高堂夢又翡翠珠被爛齊光夢註翡翠羽
雀翠青羽雀以翡翠爲錦也異物志翠形似燕出
交趾黃山谷濤山溪詞鴛鴦黃翠小小思珍偶註
鴛鴦翡翠皆成雙之物李華長門怨亦云弱體鴛
鴦席啼粧翡翠林亦取成雙之意如上文云怯對
此云裁鴛鴦皆有取也便信蕩子賦逆想行人至迎
前舍
笑來

螢火賦有序

據云卿所言此乃上疏下獄時所賦然螢火有二
種有草螢有水螢唐李子卿水螢賦云水螢爲更
卿蟲能天彼何爲而化草此何事而居泉腹可自
持故無恥於蟬足能自運亦何憐於蚘色動波間
獨珠還于合浦影懸潭下若星聚
于穎川觀此則此賦有欠分處

余猥以明時久遭幽繫見一葉之已落知四運之將

終悽然客之爲心乎悲哉秋之爲氣也

張華鷓鴣賦屈穉志以服養塊幽繫於九重淮南
子曰見一葉落而知歲之將暮四運春夏秋冬也
末句見
震泉頌

光陰無幾時事如何大塊是勞生之機小智非周身
之務

莊子齊物論夫大塊噫氣其名爲風大宗師篇大塊
載我以形勞我以生息我以死註大塊或以爲無
或以爲元氣或以爲
混成或以爲天地

嗟乎裊袍匪舊白首如新誰明公治之非孰辨臧倉
之愬

史記范雎事魏須賈爲昭王使齊雎從齊襄王聞
睢辨口使賜金牛酒雎辭謝賈大怒以雎持國陰
事告還語魏相齊齊大怒擊雎折脅擢齒置廁中
使醉客更溺之齊醉雎佯死賈守者亡出鄆安平
操雎更名張祿因秦使王稽得入秦昭王以爲相
既而須賈使秦雎微行見賈賈笑曰范叔固無恙
乎愬其寒取裊袍賜之因問秦相張君知之乎今
吾事之去留在孺子豈有客習於相君者哉雎曰
主人翁習知之唯雎亦得謁請爲君見乃爲賈備
大車與御至相府望見者皆避匿賈怪之至相府

門雎請先入通待良久不出賈問曰范叔久不出
何也門下曰無范叔向者吾相張君也賈大驚乃
膝行肉袒因門下謝罪頃首曰賈不意君自致青
雲之上不敢復讀天下書不敢復與天下事賈有
湯鑊之罪請自屏於胡貉之地唯君生歿之雎曰
汝罪有幾曰擢髮未足雎數其罪曰汝之得不死
者以裊袍戀戀有故人之意耳乃言王罷歸賈大
懼會諸侯使坐賈堂下莖豆兩黥徒夾兩馬食之
數曰語魏王急持魏齊頭來不然且屠大梁齊恐
定趙虞卿解相印與逃魏信陵君難見之齊怒自
到趙取齊頭與秦乃出平原君平原前爲雎詒人
秦矣鄒陽諫吳王書曰有白頭如新傾蓋如故何
者知與不知也公洽長非其罪世傳公洽長能通
鳥語不見于書但唐沈佺期詩不如黃雀語能免
洽長災白樂天鳥鶴贈答詩序云余非洽長不能
通其意似實有其事或在十逸書中如街波傳象
定公記之類
今無所考耳

是用中宵而作達且不眠覩茲流螢之自明哀此覆盆之難照

王充論衡天下與地無異若覆盆之狀司馬遷云戴盆何以望天

夫顛同而心異者龍蹲歸而宋樹伐質殊而聲合者魚形出而吳石鳴苟有會於精靈夫何患於異顛

孔子至宋與弟子習禮於大樹下桓魋伐其樹孔子入表坐如龍蹲吳郡臨平岸崩出一石鼓打之無聲張華曰蜀有桐樹如魚形者出擊之有聲矣後果然然今杭州府城東北五十里有桐扣山山下有石鼓疑即此

况乘時而變含氣而生雖造化之不殊亦昆蟲之一

物

后漢馮衍論與時變化

應節不憊信也與物不競仁也逢昏不昧智也避日不明義也臨危不懼勇也

禮記月令季夏之月腐草為螢故云應節憊差也詩不憊不賊競爭也后漢卓茂傳與物無競郭璞江賦瓊蚪歸躍以瑩珠石蚌應節而揚葩註石蛙形如龜脚春生花冬死故曰應節

事有沿情而動與因物而多懷感而賦之聊以自廣云耳伊玄功之播氣有丹鳥之賦象順陰陽而亭毒資變化而含養每寒潛而暑至若知來而藏往既發

揮以外融亦含光而內朗

玄功見靈泉頌大戴記丹鳥羞白鳥註丹鳥螢也
白鳥蚊也羞如養羞之羞食也如此則有競矣或
曰羞進也有螢即有蚊也孝標辨命論生之無亭
毒之心歿之豈復劉之意註引老子亭之毒之蓋
之覆之王弼註曰亭謂品其形毒謂成其質易乾
道變化各正性命朱子本義變者化之漸化者變
之成又繫詞神以知來知以藏往融明之盛也
朗亦明也詩小雅既醉篇昭明有融高朗令終

若夫小暑南收大火西流林塘改夏雲物迎秋

月令季夏之月小暑至南收謂暑退也大火心星
也以六月之昏加於地之南方至七月之昏則下
而西流矣詩幽風七月篇七月流火塘隄岸也亦
作塘謝靈運詩池塘生春草園林變夏禽即林塘
改夏之意周禮保章氏以五色云物辨吉凶之禘
象青雲在日旁主虫白主兵赤主旱黑主水黃主

豐又左傳分至啓閉必書云物遂登觀臺以望春
秋感精符云冬至有云迎送日者來歲美後世獨
用冬至至書
云者非也

忽臨虛而赴遠乍排叢而出幽如火齊之宵映如夜

光之暗投逝將歸而未返忽欲去而中留

叢草木叢聚也南史天竺出火齊珠狀如云母色
如紫金列之則如蟬翬積之則如紗縠之重沓鄒
陽上吳王書曰明月之珠夜光之璧以暗投人於
道路無不按劍相盼者何則無因至前也曹子建
七啓若將飛而未
逝若舉翬而中留

入槐榆而熠燿若改燧而環周繞堂皇而影泛疑秉

燭以嬉遊點綴懸珠之網隱映落星之樓

魏榆鑽之皆有火如乃焚大槐春取榆柳之類是也謂螢入槐榆若鑽燧改火之周編帝孟諷諫詩四氣鱗吹寒暑環周皇寢門闕在門兩旁左傳宋人殺申舟楚子投袂而起屨及於室皇文字書室無四壁曰皇泛影不定貌古詩晝短苦夜長何不秉燭遊懸珠網謂簷非也謝希逸咏月詩網軒映珠綴應門照綠苔齊詩香風入珠網註網絡也漢武造甲乙帳絡以隋珠和璧謝靈運直中書省詩玲瓏結綺錢深沈映珠網又江淹凝袁淑詩云旆象漢徒宸網凝星懸劉良註謂天子車上珠網如天星之懸此又以車網為珠網也左思吳都賦饗戎旅于落星之樓在今應天府東北四十里吳大帝於落星山創三層樓山以星隕得名

乍滅乍興或聚或散居無定所習無常翫曳影周流飄光凌亂泛艷乎池沼徘徊乎林岸狀火井之沈熒

似明珠之出漢值衝颺之不烈逢淫雨而逾煥

六朝魏瓘搗衣賦夜如何其秋今已半曳魯縞攘皓腕始于搖拂終于凌亂蜀都賦火井沈熒於幽泉註火井在臨邛縣西南欲出其火先以家火投之少頃隆隆如雷聲焰出通天光輝十里以筒盛之接其光而無炭一統志遙火山西有火井深不可見底為氣上升常若微雷以草爨之煙騰火發名熒臺即臨邛地按火井在今犍為以火投之則火起而油出舟人取以燃火諸改者俱不及此未親履故也明珠出漢舊引韓詩外傳鄭交甫過漢皋遇二女祆服佩兩珠交甫曰願請子之佩二女解佩與之去十步探之則亡矣迴顧二女亦不見但梁蕭和熒火賦顙乾沙之飛火若清漢之流星則漢天河也晉權翼曰每遇風颺之會爾雅恭風從下上曰颺梁元帝咏螢著人疑不熱集草訝無烟到來燈下暗翻在雨中然離騷衝颺起兮水揚波盧諶與劉琨詩操彼織質承此衝颺

炤灼兮若湛盧之夜飛灼爍兮像招搖之夕爛與庭
燎面相炫然重陰於已昏共燭火而齊息避太陽於
始旦

吳越春秋歐冶子為越王允常鑄五劍召薛燭示
之豪曹巨闕魚腸純鈞矣又示之湛盧燭曰善哉
嘶金鐵之美吐銀錫之精可以折衝伐敵人君有
逆謀則去之他國允常以湛盧獻吳吳公子光弑
吳王僚湛盧夜飛如楚楚昭寤而得之問風胡子
曰此劍直幾何對曰赤堇之山已合若耶之溪深
而不測羣神上天歐冶已歿雖傾城量金珠玉滯
河不借一觀况駿馬萬戶之都乎招搖北十也禮
記招搖在上詩小雅庭燎篇庭燎之光周禮諸侯
將朝則司烜以物百枚并而束之設於門內潘岳
熒火賦翔太陰之玄昧抱夜光以清遊類若飛燄
之宵逝葦如星移之云留動集測陽灼如隋珠習

燭熒熒若丹熒之照葩飄飄類類若貪流之在沙
至夫重陰之夕風雨晦冥萬物眩惑翩翩獨征奇
姿燎朗在陰益榮堯讓天下於許由曰日月
月出矣而燭火不息其於光也不亦難乎

爾其光不周物明足自資偶僂鼠而伺夜對飛蛾之
赴嬉顛君子之有道入暗室而不欺同至人之無迹
懷明義以應時

蝙蝠五伯年者色白名為仙鼠食之成仙左傳齊
莊公與臧紇言伐晉之功對曰多則多矣抑君似
鼠夫鼠晝伏夜動不穴於寢廟畏人故也今君伐
晉亂寧將事之非鼠何如宋少帝失德傳亮內懷
憂懼直宿禁中睹夜蛾赴燭作感物詩以寓意
潘岳螢火賦猶賢哲之處時時昏昧而道明

處幽不昧居照斯晦隨隱顯而動息侯昏明以進退

委性命兮幽玄任物理兮推遷化腐木而含彩集枯
草而藏燿不貪熱以苟進每和光而曲全豈如鎔金
而自鑠寧膏火之相煎陋蟬蜩之習蛻休螻蟻之慕
臙匪傷蜉蝣之夕不羨龜鶴之年搶榆飛而控地搏
扶起而垂天雖小大之殊品豈逍遙之異筌夫何化
之斯化無使然而自然

化腐集枯義見上文梁沈旋詠螢火詩火中變朽
草明滅靡栢調兩隊弗虧光陽昇反奪照泊樹類
奔星集草疑余燎望之如可灼攬之徒有耀郭璞
螢火贊熠燿宵行蟲之微么出自腐草燿若散漂
物之相包孰知其陶老子無源章和其光同其塵
註韜吾光明混彼晦濁同其塵垢鎔鑠皆以火銷

金也莊子人間世篇山木自寇也膏火自煎也詳
見后程將軍篇王充論衡蟬蛻化爲腹育育化爲
蟬生兩翌其殼曰蛻今蟬蛻是也蜩亦蟬也莊子
羊肉不慕蟻蟻慕羊肉膾也蜉蝣朝生暮死不能
久存龜鶴壽皆千歲搶突也榆木名搏拊翌徘徊
而上也扶搖風也莊子逍遙篇北溟有魚曰鯢鯢
之大不知其幾千里也化而爲鵬鵬之背不知其
幾千里也怒而飛其翌若垂天之雲又曰鵬之徒
於南溟也水擊三千里搏扶搖而上者九萬里蜩
與鷲鳩笑之曰我決起而飛搶榆枋時則不至而
控於地而已矣奚以之九萬里而南爲郭象註小
大雖殊而放於自得之場則物任其性事穢其能
各當其分逍遙一也列子曰有生不生有
化不化不生者能生生不化者能化化

乃若有來斯通無往不至排朱門而獨遠昇青雲而
自致匪偷光於鄰壁寧假燿於陽燧終徇已以致能

靡因人而成事物有感而情動迹或均而心異響必
應之於同聲道固從之於同類殆未明於趨舍庸詎
識其旨意子尚不知魚之為樂吾又安能知螢之為
利

青雲自致見上文縹袍匪舊註楊雄當途者昇青
雲史記伯夷贊非附青雲之士後世據此皆稱仕
路為青雲但高方易占書青雲所覆其下有賢人
隱逸民傳嵇康早有青雲之志南史陶弘景年十
四五歲見葛洪方書便有養生之志曰仰青雲觀
白日不為遠矣宋書劉瑀答何偃云一歲直造青
雲晉書劉元海人傑必致青雲之上南史齊衡陽
王鈞謂孔稚圭曰身處朱門而情遊滄海形入紫
闥而意在青雲袁彖贈隱士庾易詩白日清明青
雲瞭亮阮籍詩抗身青雲中網羅孰能施李太白

詩所以青雲人高歌在岩戶○王勃不隊青雲之
志卽浮雲之旨宋人始用青雲字於登科遂讓至
今本范曄楊子雲傳誤用之耳匡衡好書家貧無
油鄰家有火鑿壁以偷其光陽燧火鏡也周禮陽
燧以取火於日方諸以取水於月言以陽燧照日
而得火以方諸照月而得水毛遂傳曰公等碌碌
所謂因人成事者也易同聲相應同氣相求莊子
與惠子遊於濠梁之上莊子曰儵魚出遊從容是
魚樂也惠子曰子非魚安知魚之樂
莊子曰子非我安知我不知魚之樂

高明兮有融遷變兮無窮牛哀倏而化虎羽泉忽兮
生熊血三年而藏碧竟一變而成虹知戰場之有燐
悟冤獄之為蟲彼翮飛之質弱尚矯翼而凌空何微
生之多躋獨宛頸以觸籠異壁光之照廡同劍影之

埋豐覲道迷而可復庶幽鑿而或通

淮南子牛哀病七日化為虎其兄啓戶而入搃殺之方其為虎也不知其嘗為人也不知其將為虎也乎子思攻賦牛哀病而成虎兮雖逢昆而必噬左傳晉侯夢黃熊入于寢門韓宣子問子產對曰堯殛鯀于羽山其神化為黃熊入于羽淵實為夏郊三代祀之晉為盟主或者未之祀也乎如其言有間賜子產莒之二方鼎周襄弘死於蜀燕其血三年化為碧戰國策曰聶政刺韓相刺軻刺秦王並白虹貫日燐鬼火也螢火亦一名燐戰場有燐天陰則見漢武幸甘泉至長平坂道中有虫盤而覆地赤如生肝頭目口齒悉具問東方朔對曰此為憤氣必秦獄處也始皇拘殺無辜憤氣所生土按地而果然問何以去之曰有憂者得酒而忘以酒灑之遂消楚詞東君篇翺飛兮翠曾註翺小飛輕揚之貌曾舉也言巫舞輕揚之舉揚雄解嘲得士者富失士者貧矯翬厲翮恣意所

存張華鷓鴣賦彼晨鳥與歸屬尚矯翬而增逝曹植惡鳥論荆之梟將巢於吳鳩遇之曰何去荆而巢吳乎梟曰荆人惡予之聲鳩曰子如不能革子之音則吳楚之民不異情也為子計者宛頸戢翼勿復鳴可也左思咏史習習籠中鳥舉翮觸四隅落落窮巷上抱影守窮廬又張華鷓鴣賦蒼鷹鷲而受繫鸚鵡慧而入籠皆受制不得出也尹文子魏田父野得玉徑尺弗知隣人詐之曰怪石也畜之弗利田父雖疑猶留廡下其夜明照一室其家大怖遽棄之野隣人盜之獻王立賜獻者千金長食大夫祿楚莊夫人夏抱鐵柱納涼心動有娠產下二鐵命匠者夫婦干將莫耶鑄劍二千將匿其一以獻嘗在匣悲鳴王以問伍舉對曰此劍必有雌雄不相得故鳴王召評干將乃出其一王怒殺干將夫婦以釁因以名劍至西晉牛斗間嘗有紫氣張華聞雷煥妙達象緯問之曰此何得有王氣曰此劍氣也在豫章豐城華即補煥豐城令至掘獄基四丈餘得石函光氣非常中有二劍以南昌

西山土杖之光芒熠發送一與張留一自佩華報
 曰此干將也莫耶何為不至然天生神物終當合
 耳以華陰土杖劍勝南昌西山乃以一斤遺煥煥
 子華見書勸父并送之煥曰我夜觀乾象晉室將
 亂張公當受其禍此劍亦不久在人間終當化去
 及華少難劍不知所在煥子華後為延平從事渡
 延平津劍忽從腰間躍入水使沒水求之見兩龍
 熒然嘆曰先君化去之言張公終合之論豈虛語
 哉按一統志古豐城在今豐城縣西南三十一里
 劍池池前有一石函長踰六尺廣半之土座其半
 俗呼石門

覽光華以自照顧形影以相弔感穉夕以殷憂嘆宵

行以熠燿

堯時卿士歌曰卿雲爛兮雨漫漫兮日月光華且
 復旦兮相如長門賦懸明月以自照兮徂清夜於

洞房王符潛夫論蓬中擢自照謂螢火也李密陳
 情表形影相弔曹植責躬應詔詩形影相弔玉情
 愧根張華勵志詩星火既夕忽焉素秋涼風振落
 熠燿宵流吉士思秋實感物化日與月與荏苒代
 謝燿燿宵行呂氏讀詩記云本草熠燿一名熒火
 陳思王熒火論曰秋陰沈數兩螢火夜飛時故云
 宵行與今朱傳意異潘岳螢火賦嘉熠燿之精將
 與衆類乎超殊東山感而增歎行士慨而懷憂亦
 指熠燿為螢也

熠燿飛兮絕復連殷憂積兮明且煎見流光之不息

愴驚魂之屢遷如過隙之已矣同奔雷兮忽焉儻余

光之可照庶寒灰之重燃

傳咸螢火賦潛空館之寂寂兮意遙遙而靡寧夜
 耿耿而不寐兮憂悄悄而多傷哀斯火之烟滅兮

馬之集言
近腐草而化生感詩人之悠讓今覽熠燿於前庭
不以資質之鄙薄兮欲增輝乎泰情雖無補於日
月兮期自照於陋形謝玄暉郡內夙望詩悵望心
已極倘恍魂屢遷莊子人生天地之間如白駒之
過隙忽然而已李斯傳人生如騁白駒過決隙註
白駒日影也班固西都賦震震輪輪雷奔電激郭
璞遊仙詩登山撫龍駟迅駕乘奔雷其茂奔秦之
齊遇蘇代使秦謂曰臣聞貧富女會績貧女曰我
無以買燭而子之燭光華有餘可分我餘光無損
子明而得一便焉今臣困而君方便秦茂之妻子
在焉願以餘光賑之代遂為言於秦復召茂韓宣
坐事下獄獄吏田甲辱之安國曰死灰乃不復然
乎曰然即溺之後安國復為內
史甲亡走安國追還善遇之

五言古詩

詠懷古意上裴侍郎

按唐書裴行儉字守約澤州聞喜人仁基子也
父被世克害謚曰忠蔭補弘文生舉明經調左
屯衛舍曹叅軍與長孫無忌議武昭儀事左除
西州都督長史后擢吏部侍郎與李敬玄馬載
同典選時號裴馬以擒都支功拜禮部尚書兼
檢校右衛大將軍又降突厥伏念裴炎害其功
封聞喜
縣公卒

三十二餘罷鬢是潘安仁四十九仍入年非朱買臣
縱橫愁繫越坎壈倦遊秦出籠窮短翮委轍涸枯鱗
磨鉛不需用彈鋏欲誰申天子未驅策歲月幾沈淪
輕生長慷慨效死獨殷勤徒歌易水客空老渭川人
一得視邊塞萬里可苦辛劍匣胡霜影方開漢月輪

金方動秋色鐵騎拍風塵為國堅誠歎捐軀志賤貧
勒功思比憲策策暗欺陳若不犯霜雪虛擲玉京春

潘岳字安仁三十二歲罷官作秋興賦序曰晉某
年余春秋三十二始見二毛朱買臣家貧賣薪給
食束薪且行誦書妻負載相隨止買臣母行歌道
中買臣愈疾歌妻羞求去買臣笑曰吾年五十當
富貴今已四十餘矣汝苦日久待富貴報汝妻恙
曰如公終餓死買臣不能止聽去後買臣守會稽
迎妻與后夫置館中供具之妻慙自經蘇秦事鬼
谷先生學為縱橫之術又合從連衡事見蘇秦張
儀傳繫越見後送之間篇秦聲註坎壈字出楚詞
志不平也遊秦見下贈高四篇沈休文詩揆余發
皇鑒短翮屢飛翻註翻鳥翮勁羽也吉業對趙簡
子鴻鵠高飛所恃者六翮也揚子法言鷦鷯冲天
不在六翮乎莊子貸粟監河侯侯曰我將得邑金
貸子三百金可乎周曰昨見中道而呼者周顧視

車轍中有鮒魚焉曰我東海之波臣也若豈有升
斗之水活我哉周曰我且說吳楚之王激西江水
迎子可乎魚曰吾升斗水活耳君乃言此不如早
索我於枯魚之肆賈誼弟屈原賦莫邪為鈍今鉛
刀為銛班固幽通賦擗朽磨鈍鉛刀背能一斷班
超在西域上書曰臣奉大漢之威而無鉛刀一割
之用馮驩聞田文好客躡蹻見之張鋏而歌曰長
鋏歸來乎食無魚遷之幸舍食有魚矣又歌曰長
鋏歸來乎出無輿遷之傳舍出有輿矣又歌曰長
鋏歸來乎無以為家孟嘗君不悅既而代文收債
會負者焚其券文怒驩曰令薛民親君而彰君善
聲也文謝之后文以諛廢驩為行秦反間復文位
荆軻為燕太子丹刺秦王太子賓客知其事者皆
白衣冠以送之至易水上高漸離擊筑荆軻和而
歌為變徵之聲士皆垂淚涕泣又復為羽聲慷慨
士皆瞑目髮盡上指冠於是軻就車去終已不顧
渭川人謂太公也韓信傳廣武君曰臣聞知者千
慮必有一失愚者千慮必有一得後漢書匹夫傳

西羌人性堅剛勇猛得西方金行之氣焉漢章帝
實后和帝特臨朝后弟憲侍中刺殺都鄉侯暢太
后怒閉憲南宮憲懼求擊匈奴自效遂破單于稽
落山降二十餘萬出塞三千餘里登燕然山命中
護軍班固刻石勒功紀漢威德而
還陳平從漢高征伐凡六出奇計

夏日遊德州贈高四詩

有序

德州秦為齊郡地漢析置平原郡治平原縣東
漢魏晉俱為平原國后魏改為郡又置安德郡
隋置德州復為平原郡唐置德州尋改平原郡
顏真卿起兵拒安祿山於此乾元初復為德州
治安德縣五代晉移治長河縣宋復移治安德
元因之本朝初省安德縣入州尋改舊治為陵
縣徙州治陵縣
城隸濟南府

夫在心為志發言為詩詩有不得盡言言有不得盡

意

易繫辭子曰書不盡言言不盡意然則聖人之意
其不可見乎書舜典詩言志盧湛與劉琨書易曰
云云然則書非盡言之器言非盡意之具矣况言
言有不得至於盡意書有不得至於盡言者耶

僕少負不羈長逾虛誕讀書頗存涉獵學劍不待窮
工進不能矯翰龍雲退不能棲神豹霧撫循諸已深

覺勞生

鄒陽上吳王書曰使不羈之士與牛驥同阜謂才
行高遠不可羈縻也司馬遷報任少卿書僕少負
不羈之行長無鄉曲之譽則似為不檢束之義史
記賈山涉獵書記不能為醇儒漢書班超有口辨
而涉獵書傳三國志孫權謂呂蒙曰孤豈欲治經
為博士耶但涉獵見往事耳註獵獸涉水不詳得

之謂也史記項籍學書不成去學劍又不成易曰雲從龍風從虎聖人作而萬物視矯舉翰翬也即從龍之意列女傳陶荅子為大夫名譽不與家富三倍其妻謂之曰南山有文豹霧雨七日而不下食欲以澤其衣毛而成其文章故藏身以遠害今君與此背不無後患乎史記燕昭王日夜撫循其人勞生見螢火簪

而太夫人在堂義須奉檄固仰長安而就日赴帝鄉

以望雲雖史闕三冬而書勞十上

漢書張奉侯毛義坐定府以義守安陽令檄至義奉之喜動顏色奉心賤之後義母歿徵辟皆不就奉乃嘆曰賢者固不可測往日之喜為親屈也晉書明帝幼聰慧嘗侍元帝適長安使來上問之曰長安近日近對曰長安近日何以知之曰曾聞人從長安來不聞人從日邊來他日帝與侍臣復問之對曰日近上愕然曰何異向者之言曰舉頭見

日不見長安帝大奇之華封人謂堯曰乘彼白雲至于帝鄉又陸機思親賦指南云以高欽望歸風而效誠陸云九愍眷南云以興悲蒙東雨而涕零狄公望雲皆想此語觸日激中也漢書東方朔上書曰臣年十二學書三冬文史足用蘇秦說秦王之絕去秦而歸羸勝履躋負書擔橐形容枯槁面色黧黑歸家妻不下機嫂不為炊嘆曰妻不以我為夫嫂不以我為叔父不以我為子

長安古地名漢都關中始置為縣屬京兆尹王莽改長安東漢復舊隋遷都始徙縣治于此唐因之五代梁改大安縣後唐復曰長安至今因之屬西安府隸陝西省下

嗟乎入門自媚誰相謂言致使君門隔於九重中堂

遠於千里

無名氏飲馬長城窟行入門各自媚誰肯相為言
顏延年樂府枯葉知天風海水知天寒入門各自
媚誰肯相謂言論食祿者自保不薦引也袁淑効
曹子建樂府五侯競書幣群公亟為言楚詞豈不
鬱陶而思君兮君之門以九重註天子之門有九
重關門遠郊門近郊門城門皋門庫門雉門應門
路門言其遠不可至也管子曰堂上遠
於百里堂下遠於千里門庭遠於萬里

既而交非得兔路是下羊華堂敬上弊廬竭來初服
遂得載披玉葉欵洽金蘭傾意氣於一言締風期於

千祀

莊子外物篇筌者所以在魚得魚而忘筌蹄者所
以在兔得兔而忘蹄註筌香草也可以餌魚蹄兔
蹄也係其足故曰蹄也列子說符楊子之隣下羊
既率共黨又請楊子之豎追之楊子曰憶亡一羊

何追之者衆曰多岐路既返問追獲羊乎曰亡之
岐路之中又有岐路吾不知其所之也楊子戚然
變容不言者移時不笑者竟日陸士龍被命詩王
在華堂式宴嘉令呂氏春秋膠鬲曰西伯竭去母
欺我也武王曰不女欺將伐殷也膠鬲曰竭至曰
將以甲子日至註竭何也劉向七言竭來歸伊永
自踈顏延年秋胡妻詩竭來空復辭楚詞車既駕
今竭而歸皆盡義相如大人賦圓事竭來今絕道
不同乎子思玄賦圓志竭來今猶玄謀陸士衡弔
魏武咏歸途以及旆登滄渾而竭來似與庶士有
竭之義同武貌初服隱居初衣之服也楚詞進不
入以離尤今退將復脩吾初服曹子建啓願反初
服從士而歸列子說符宋人有為其君以玉為楮
葉者三年而成鋒殺莖柯毫芒繁澤亂之楮葉中
而不可別也此人遂以巧食宋國列子聞之曰使
天地之生物三年而成一葉則物之有葉者寡矣
金蘭見靈泉頌慕容寶言於父曰願不以意氣
微恩忘社稷之重唐太宗謂尉遲敬德曰大丈夫

意氣相期勿
以小嫌介意

雖交因意合資得意以敦交道契言忘少寄言而荃道

荃見
上文

是以輕投木李以代踈麻章句繁蕪心神媿慙度弘
雅韻竚辱報章則覬燿連星開龍文於劍匣素輝虧
月頻驪領於珠胎云耳

詩國風木瓜篇投我以木李報之以瓊玖言投之
以微物而報之以重寶也楚詞大司命篇析疏麻
今瑤華將以遺兮離居註疏麻神麻不言何物按
南越志載踈麻大二圍高數丈四時結實無衰落

乃佳果也宋謝靈運詩握蘭勤徒結折麻心莫展
註云皆香草也或謂麻為紙如白麻黃麻之類東
觀記曰蔡倫典上方作紙用故麻倣者謂之麻紙
用木皮倣者謂之穀紙用故魚網者謂之網紙唐
時嘗言麻紙恐此指紙為言借楚詞字用之書庶
草繁蕪字作蕪義皆豐茂也平子思玄賦寶號行
於代路今後膺祚而繁蕪慙亦媿也詩雖則七襄
不成報章言織女星每日度更七次不能成報我
之文章覬當作磴枚乘七發白刃磴磴牙戟交錯
註引六韜書刀銘曰刀利磴磴連星龍文見螢火
篇劍影埋豐註墨子楚之明月生於蚌蜃其腹謂
之珠胎淮南子珠胎與日盈虧又月死而螺蚌焦
左太冲吳都賦蚌蛤珠胎與月虧全註蚌老者有
珠其光上應月明隨月虧缺莊子列禦寇篇人有
見宋王錫車十乘以驕揮莊子莊子曰河上有家
貧恃緯蕭而食者其子沒於淵得千金之珠其父
謂其子曰夫珠在九重之淵而驪龍領下子能得
珠者必遭其蹇也使寤子尚奚微之有哉今宋國

非直九重之淵也宋王非直驪龍也
也得車必遭其睡寤子為華粉矣

日觀隣全趙星臨俯舊吳隔津開巨浸稽阜鎮名都

紫電浮劍匣青山孕寶符封疆恢霸道問鼎競雄畷

祁光包四大皇威震八區風燿通地軸星象正天樞

泰山東南有峰名曰觀雞一鳴見日出已長三丈
星臨用張華識劍事見螢火篇兩津九河之一周

官雍州其浸渭洛稽阜稽山之阜也吳有白虹紫
電辟邪流星青冥百里六劍勝王閣序紫電青霜

是也趙簡子謂諸子曰吾藏寶符於恒山往得者
為後諸子競往無所得無恤曰恒山臨代代可取

也簡子曰是知符矣遂立之楚子伐陸渾之戎觀
兵周郊王使王孫滿勞之問鼎之大小輕重焉滿

曰在德不在鼎成王定鼎子邾鄆十世三十年歷
七伯周德雖衰天命未改鼎之輕重未可問也老

子象元篇道大天大地大王亦大域中有四大而
王居其一焉八區八方也或云區別為八州博物

志地祇之位起形於崑崙崑崙東北地轉下三千
六百里有八玄幽都下有四柱柱在廣十萬里地有

三千六伯軸互相牽制也天文志北斗第一星為
天樞此北斗非俗所云北斗乃俗所謂子午星者

也○此節皆言德州○趙古國名漢治邯鄲縣晉
初移治房子後魏廢國為趙郡治平棘北齊置趙

州隋置欒州後改趙州大業初改趙郡仍治平棘
唐復為趙州治栢鄉尋復治平棘天寶初改趙郡

後復為趙州宋置慶源軍宣和初升慶源府金改
趙州後改沃州元復為趙州屬真定路本朝以平

棘縣省入屬真定府吳地廣星臨
指豐城見後錢宋三之豐城序

天樞限南北地軸殊鄉國闢門通郊賓比屋封堯德

言謝番鈎隱來參負鼎職天子不見知羣公詎相識

未展從東駿空戢圖南翼時命欲何言撫膺長嘆息

天有北極南極北極半入地中南極皆在地上以
天樞為界魏主丕欲伐吳臨江見波濤洶湧歎曰
固天之所以限南北也舜典賓于四門四門穆穆
註四方之門古者以賓禮親邦國諸侯各以其方
至而使主焉故曰賓穆穆和之至也左氏所謂無
凶人也此蓋又兼四岳之官也又曰諭于四岳闢
四門言舜既即位乃謀四岳之官闢四方之門以
來天下之賢王莽傳堯舜之時北屋可封皆德化
所及也垂鈞即垂鈞也王仲宣從軍詩竊慕負鼎
翁願厲朽鈍資不能效沮溺相隨把犁鋤註負鼎
翁伊尹也劉備以龐統守萊陽令政事不理魯肅
遣備書曰士元非百里才徙治中別駕之任始得
展其驥足耳棗臺彥荅杜育詩矯矯駿足繁纓未
就陸韓卿詩駿足思長坂柴車畏危轍莊子逍遙
遊篇鵬云九萬里絕云氣負青天然後置南且
適南溟也斥鷃笑之曰彼且奚適也我騰躍而上

不過數仞而下翱翔蓬蒿之間此亦飛
之至也而彼且奚適也詳見螢火賦

歎息將如何遊人意氣多白雲梁山曲寒風易水歌

泣魏傷吳起思趙切廉頗淒斷韓王劍生死翟公羅

穆天子傳穆王宴西王母於瑤池西王母歌曰白
云在天山陵自出道理悠遠山川間之將子無死
尚能復來陶弘景詩山中何所有嶺上多白雲易
水事見上裴侍郎詩歌曰風蕭蕭今易水寒壯士
一去兮不復還吳起為魏將有功及公叔相害吳
起公叔之僕以起節廉喜名公叔尚魏公主合說
武侯以公主延起無留心則必辭起見公主賤魏
相果辭武侯武侯疑起不欲留起懼得罪遂去之
楚廉頗為趙名將以讒奔楚為將無功曰我思用
趙人又漢文帝拊髀歎曰嗟乎朕獨不得廉頗李
牧之為將也蘇秦說韓王曰諺云寧為雞口毋為
牛後今西面交臂而事秦何異於牛後乎於是韓

王勃然作色攘臂瞋目按劍仰天大息曰寡人雖不肖不能事秦今主君詔以趙王之教敬奉社稷以從翟公為廷尉賓客滿門及罷門可張雀羅後復為廷尉賓客復往翟公書其門曰一灰一生乃見交情一貧一富乃見交態一貴一賤交態乃見易水在保定府安州城北源自府境曹徐石橋河一畝泉等河至北合流為易水又至雄縣南為瓦濟河過直沽入海

羅羅翟公意劔負韓王氣驕餌去易論忌途良可畏

夙昔懷江海平生混涇渭千載契風雲一言忌賤貴

漢書班嗣報栢譚曰不結聖人之網不躡驕君之餌任昉到大司馬記室牋雖情謬先覺而迹論驕餌註爵祿君所以制使其臣猶釣魚之餌也莊子達生篇夫畏途者十殺一人則父子兄弟相戒必盛卒徒而後敢出又就藪澤處閒曠此江海之士避世之人也又讓王篇中山公子顧謂瞻子曰身

在江海之上心居乎魏闕之下沈休文詩細蟲垂戶織夕鳥傍欄飛纓佩空為忝江海事多違詩涇以渭濁註涇水出原州百泉縣笄頭山東南至永興軍高陵入渭渭水出渭州渭源縣鳥鼠山至同州馮翊縣入河涇濁渭清二水合而清濁益分故言清濁有辨者曰胷中涇渭甚明混則和光同塵之謂也風云見上文龍云註王褒聖主得賢臣頌龍嘘而致云虎嘯而風冽亦本易之意

去去訪林泉空谷有遺賢言投爵里刺來泛野人船

締交君贈縞投分我忘荃成風郢匠斲流水伯牙絃

林泉隱者也詩皎皎白駒在彼空谷註賢者必去而不可留矣於是嘆其乘白駒入空谷晉書夏侯榮聰慧七歲為文誦書日千言過日輒識文帝聞而請焉賓客百餘人人奏一刺悉書其鄉邑名氏世所謂爵里刺也容示之寓日遍談不謬一人帝深奇之漢中之敗十三成父難晉郭翻乘小船歸



武昌庾翼造之欲引大船翻曰使君不以微賤而辱臨野人之舟也翼俯屈入其中終日不去左傳吳季札以編帶贈子產子產獻紵衣焉千字文交友投分志莖見上文莊子過惠子之墓顧謂從者曰郢人聖慢其鼻端若蝇翼使匠石斲之匠石運斤成風聽而斲之盡聖而鼻不傷郢人立不失容宋元君聞之召匠石口試為寡人為之匠石曰臣則嘗能斲之雖然臣之質死久矣自夫子之歿也吾無以為質矣吾無以言之矣列子陽問篇伯牙志在流水鍾子期曰善哉洋洋兮若江河伯牙遊於泰山之陰卒逢暴雨止於岩下心悲乃援琴而鼓之初為霖雨之操更崩山之音曲每奏子期輒窮其趣伯牙乃舍琴而嘆曰善哉善哉想像猶吾吾心也吾於何逃聲哉又見靈泉頌賞音註內

牙絃忘道術漳濱恣閑逸聊安張蔚廬詎掃陳蕃室

莊子魚相忘於江湖者也人相忘於道術者也漳濱指高四所居也天下水以漳名者尤多趙晉間有清漳濁漳當陽有漳水灑上有漳水鄆郡有漳江亳州有漳水安州有漳水漳州有漳水考其義清濁相睽為漳漳者文章也別也清漳濁漳合于上黨當陽即沮漳合流灑上即漳潁合流鄆郡即西江合流毫漳即漳渦合流雲夢即漳鄭合流漳州古治在雲霄之北即西林之水與東江合流如半圭曰漳亦取判合為義德州在河北去臨清三百里臨清開下西來水名漳御河疑即上黨來者為障濱也又見下篇漳水濱註張仲蔚平陵人隱居不仕所居蓬蒿没人唯開一逕陳蕃閑居庭宇荒穢父友薛勤往視之曰何不掃除以待賓客蕃曰大丈夫出處當掃除天下安事一室乎

虛室狎招尋敬愛混浮沈一諾黃金信三復白圭心

霜松貞雅節月桂朗中襟靈臺萬頃濬學府九流深

譚玄明毀壁拾紫陋籬金鷺濤開碧海鳳彩綴詞林

莊子人間世篇瞻彼闕者乘虛生白註喻心能空
虛則純白獨生也招尋招來賓客也浮沉謂隱顯
之士也所以敬愛之如一不分浮沉之異也司馬
遷曰直從俗浮沉與時俯仰與此浮沉字不類一
諾二句俱見靈泉頌魏劉公幹咏松亭亭山上松
瑟瑟谷中風風聲一何盛松枝一何勁風霜正慘
悽終歲常端正豈不罹雪霜松栢有本性西陽雜
俎月桂高五伯丈吳剛學儒有過謫令伐之樹創
隨所隨合朗中襟言襟懷明朗如月也莊子達生
篇靈臺一而不桎註靈臺心也南史王蕙恬靜若
萬頃波司馬遷曰諸子十家其可觀者九家而已
謂儒家道家陰陽家法名家墨家雜家縱橫家
農家晉書嵇康阮籍之徒善談玄理上慕效之註
玄謂老莊之說莊子庚市子之毀玉也淮南子註
庚市子聖人無欲者人有爭財相鬪庚市子毀玉
於其間闕者遂止註意言譚不以壁為寶也漢夏

侯勝為太子太傅每講授常謂諸生曰士病不明
經術經術苟明取青紫如拾芥耳常賢長子方山
為高寢令次子弘東海太守少子玄成復以明經
歷位丞相故鄒魯諺曰遺子黃金滿籬不如教子
一經枚乘七發波湧而濤起其始起也洪淋淋焉
若白鷺之下翔水經東海登岸萬里東有碧海廣
狹浩汗與東海等水不盪若正作
碧色其香味美扶桑在碧海中

林虛星華映水徹霞光淨霞水兩分紅川源四望通

霧卷天山靜煙銷太史空鳥聲流迥簿蝶影亂芳叢

柳陰低槩水荷氣上薰風

孔子家語五儀篇出於四門周章遠望楚詞河伯
篇登崑崙兮四望王仲宣登樓賦登茲樓以四望
今聊暇日以消憂天山即祁連山也匈奴呼天曰
祁連在張掖酒泉二郡界去馬支山北可千里句

奴失二山歌曰：我祁連山使我六畜不蕃息，夫我馬支山使我婦女無顏色。一名雪山，一名太白山。以四時有雪也。唐薛仁貴三箭定天山，即此在今哈密衛城。此番名折羅漫山，匈奴過此下馬羅奔南二里有鹽池。太史見蕩子從軍篇，迥遠也。藜生，月簿楚詞九章步江篇，露辛夷，成林簿註草木交錯。日簿楊雄其泉賦，列新雉於林。簿槩塹通所謂長江天塹者也。

風日芳菲，節物華紛，可悅將歡，促席賞遽，爾又歸別。積水帶吳門，通波連禹穴，贈言雖欲盡機心，庶應絕。潘岳本自閑梁鴻，不因熱一瓢，欣狎道三月，聊棲拙。

吳門今蘇州門五湖之水所聚謂之震澤通波禹穴義見靈泉頌曾子行晏子從於郊曰嬰聞之君子贈人以言庶人贈人以財本老子謂孔子曰仁者贈人以言孔子謂子路曰贈汝以帛乎贈汝以

言乎子貢過漢陰見丈人將為圃畦鑿隧而入井抱瓮而出灌桴桴然用力甚多而功寡子貢曰鑿木為機重後輕前挈水若抽數若決湯其名為秤丈人忿然作色而笑曰有機者必有機事有機事者必有機心吾非不知羞不為也晉潘岳字安仁鄉邑號奇童作籍田賦才名冠世出為河陽令後遷廷尉平仕宦不達作閒居賦漢梁鴻避地萊蕪山不交當世著飲水論一瓢三月用顏子事狎近也棲拙猶守拙也

棲拙隱金華，狎道訪僊查。放曠愚公谷，消散野人家。一頃南山豆，五色東陵瓜。野衣裁薜葉，山酒酌藤花。白雲離望遠，青溪隱路賒。倘憶幽巖桂，猶冀折踈麻。

此狎道又以路言之張華博物志人有居海渚者年年八月有浮查去來不失期人有奇志立飛閣

其上齋糧乘之十餘月至一處城廓廬舍甚嚴遙望宮中有織婦一丈夫牽牛渚次飲之問曰此何處荅曰君還至蜀問嚴君平至訪君平君平曰某年月日客星犯牽牛織女也宗慄作荆楚歲時記乃云張騫按本傳不言騫乘查不知何據說文查木浮水也或作槎非槎音詫邪斫也國語山不槎藥是也王子年拾遺記堯時巨查浮西海十二年一周天名貫月查一日挂星查道藏歌註扶桑不為查王勃送行序云夜查之客猶對僊家坐菊之賓尚臨清賞劉道友有浮查賦水經註臨海江邊有查浦字竝作查杜甫詩查上覓張騫又滄海有靈查皆作查惟七言絕有空愛槎頭縮項鱖七言律奉使虛隨八月槎蓋七言乃俗夫競玩遂肆筆妄改古體則視為冷局俗目不擊幸存舊文耳齊桓逐鹿入谷見仲父曰此愚公谷也公曰視公狀貌非愚何以名之對曰臣故畜牝生子大賣而買駒一少年曰牛不能生駒遂持駒去隣以臣為愚管仲再拜曰夷吾之過也使乘舜在上咎繇為理

安有取駒者乎今臨淄縣西二十里有愚公冢北有愚公谷楊惲報孫會宗書田彼南山蕪穢不治種一項豆落而為箕喻朝政荒亂百官不職也陶潛詩種豆南山下草盛豆苗稀秦邵平封東陵侯秦亡失侯種瓜東門外五色甜美世號東陵瓜又云青門瓜長安東門遠望之青色故云楚詞若有入兮山之阿被薜荔兮帶女蘿薜荔香草本草終石也在石曰石鮫在地曰地錦繞木曰常春藤又曰龍鱗薜荔又曰扶芳藤今京師人家假山種巴山虎是也藤花酒也白雲見上文郭景純遊山詩青溪千仞餘中有一道士青溪在今應天府治東三國吳鑿東渠名青溪天台縣西五里亦有青溪又鬼谷子王詡隱於河南青溪之鬼谷未詳何地皆指隱居之處也淮南子招隱詩桂叢生兮山之幽喻賢人高隱也疎麻見上文宋謝靈運詩史記云鬼谷儀秦之師楊升菴以為即鬼谷大區非是又曰高似孫子畧便謂藝文志無鬼谷子何輕於立論乎拾遺記鬼谷子云吾生於歸谷柳子云劉

向班固錄書無鬼谷子鬼

谷子後出妄言惑世難信

金華山一名長山一名金盆山越絕書此古聖

採藥高且神黃初平於此成僊山之東有卧羊山

即叱石處傍有小山名煉丹山之西有尖峰山

孤石特秀狀類芙蓉春秋時此地越西界秦屬會

稽郡漢為烏傷縣仍屬會稽置陳陽郡治長山縣

晉屬揚州劉宋屬東揚州梁改置金華郡陳兼置

緡州隋皆廢以其地屬吳州尋置婺州治吳寧縣

大業初廢州復為東陽郡治金華縣唐復為婺州

天寶初改東陽郡乾元初復為婺州五代晉為武

勝軍宋仍為婺州淳化初改軍曰保寧隸浙東路

元置婺州路○今

改金華府領縣七

一云邵平廣陵人為東陵令嘗為陳勝狗廣陵後

為布衣種瓜長安城東今廣陵有東陵亭疑即平

所封也此與前註

不同因并志之

在江南贈宋五之問

之問字延清一名少連汾州人父令文高宗時

東臺詳政學士世稱三絕之問偉儀惟辨甫冠

武后召與楊炯分直賦詩奪東方虬所先賜錦

袍但有文無行為張易之奉溺罷又媚武三思

諂太平公主遷考功員外郎又結安

樂公主睿宗立以儉險盈惡流嶺南

井絡雙源濬陽侯九派長淪波通地穴委輸下歸塘

別島籠朝蜃連洲擁夕漲韞珠成積潤讓璧動浮光

井天井之星也河圖曰汶山之地為井絡天以

會昌神以建福岷山東北一百三十里岷江之源

出焉東比五十里岷江之源出焉謂之二江楚詞

也未詳孰是江至尋陽分爲九派一鳥江二蚌江
三鳥王江四嘉靡江五缺江六浮江七廩江八提
江九茵江郭璞江賦源二分於崆嶇流九派乎濤
陽鼓洪濤於赤岸淪余波於柴棗木玄虛海賦於
廓靈海長爲委輸漢書順流而下足以委輸註輸
送委積也竝去聲列子渤海之東有大壑名曰歸
塘其中有岱輿員嶠方壺瀛洲蓬萊五山漢書海
旁有蜃氣爲樓臺朝時嘗見羣鳥飛繞蜃有二解
蚌義見上篇兵書云東海出氣如蜃渭水出氣如
蜃蜃形似蛇而大今寺門金剛風調雨順執蛇者
蜃也與順同音月令雉入大水爲蜃註引張華識
武庫中雉云必蛇所化有果有蛇蛻卽蛇爲蜃也
陸機賦石韞玉而山輝淵藏珠而川媚地鏡菑曰
玉石之精也其在石中若山中石潤而浸有有水
其居地其氣青而浮其氣青白而圓光轉其地中
常潤張文琮詠水詩標名資上善流派表靈長地
菑羅四瀆天文載五潢方流舍玉潤員
折動珠光獨有蒙園吏棲偃玩濠梁

浮光疑折水積潤踈圓吐玉輪涵地開劍匣連星起

風煙標迥秀英靈信多美懷德踐遺芳端操慙謀已

尸子凡水其方折者有玉其圓折者有珠木玄虛
海賦狀如天輪膠戾而激轉又似地軸挺拔而爭
迴劍匣連星已見螢火篇埋豐註顏
延年詩弱植慕端操窘步懼先迷

謀已謬觀光牽迹強恓惶揆拙迷三省勞生昧兩忘

彈隋空勸笑獻楚自多傷一朝殊默語千里暴炎涼

易觀卦六四觀國之光利用賓于王程傳五以剛
陽中正居尊位四切近之觀見國之德輝所宜效
力輔君以爲君之賓禮三省卽曾子事勞生已見
螢火莊子大宗師而其譽堯而非桀也不如兩忘
而化其道隋侯行遇大蛇頭上有血以杖挑放水
中而去後至蛇所見大蛇啣一珠來意疑不敢取

夜夢踏一大蛇驚覺乃得雙珠劉向說苑云蛇中斷侯以藥封之後人名其處為斷蛇丘歲餘蛇斷明珠徑寸絕白有光謝之此與前記小異莊子讓王篇以隋侯之珠彈千仞之雀世必笑之夫生豈特隋侯之重哉棄生殉物寧不悲耶楚卞和得璞獻楚厲王王使玉人相之曰石也以和為詐則其右足武王立獻之又別其左足文王立乃抱璞哭於荆山之下三日夜繼之以血王使問之曰吾非病刑也吾獨悲夫美玉而名之以石貞士而名之以詐王使破之得美玉馬遂命曰和氏之璧

炎涼幾遷買川陸疲臻湊積水架吳濤連山橫楚岫

風月雖殊昔星河猶是舊姑蘇望南浦邯鄲通北走

劉虬書玉燭登年金商在律炎涼始買動靜惟安
貿易也湊如輻輳之輳吳多水楚多山故枚乘七
發觀濤乎廣陵之曲江而宋玉諸人亦以巫山九
疑為詞也姑蘇今蘇州也楚詞河伯篇送美人兮

南浦江淹別賦春草碧色春水綠波送君南浦傷
如之何南浦在今武昌府城南三里史記張釋之
為中郎將從文帝幸霸陵慎夫人從上指示夫人
新豐道曰此走邯鄲道也使夫人鼓瑟上倚瑟而
歌意慘悽悲懷顧謂羣臣曰嗟乎以此岩為擲用
紵絮斯陳漆其間豈可動哉釋之曰使其中可有
欲者雖錮南山猶不足恃况石擲哉文帝初封代
邯鄲道通代言之寓思舊也又滕公言季布曰此
不比走胡南走
越耳走去聲

姑蘇春秋時吳地名秦已為吳縣卽會稽郡治浙
東漢永建中置吳郡晉宋齊因之陳於縣置吳州
隋唐屬蘇州宋為平江府治元仍舊今改蘇州治
所邯鄲古邑名春秋屬晉戰國為趙都秦滅趙置
邯鄲郡漢廢郡為縣屬趙國晉魏屬廣平國隋初
屬磁州後省入洛州唐初復置屬洛州後改屬磁
州宋仍舊至今
改屬廣平府

北路平生親南浦別離津瀟湘一超忽洞庭多苦辛

秋江無綠芷寒汀有白蘋采之將何遺故人漳水濱

瀟湘二水名洞庭湖今在湖廣岳州府城南南禹貢九水皆合於此名為五瀦戰國策秦與荆戰大破

之取洞庭五瀦是也每歲六七八月間岷峨雪消水暴漲自荆江逆入洞庭清流為之改色史記左

洞庭以天子在北洞庭在西故曰左也湘水在長沙府西環城而下源出廣西興安縣海陽山西北

流至分水嶺分為二派流而南曰漓水流而北曰湘水由靈渠與灌水會湘猶相也言有所合漓猶

離也言違湘南流湘水至永州與瀟水合曰瀟湘至衡陽與蒸水合曰蒸湘至沅州與沅水合曰沅

湘合衆流以達洞庭楚詞扈江離與薛芷兮紉秋蘭以為佩芷香草也又湘夫人篇白蘋兮騁望與

佳期兮夕張註蘋草秋生似莎而大白色為鳳所食又湘君篇捐余玦兮江中遺余佩兮澧浦采芳

洲兮柱若將以遺兮下女註湘君既不可見而心終不忘猶欲解玦佩以為贈而又不欲顯然致之

以當其身故但委之於水濱若捐遺然猶聘禮賓行致禮而不拜也猶恐意不達采香草欲遺侍女

使通其意梁柳惲江南曲汀洲采白蘋日晚江南春洞庭有歸路瀟湘逢故人漳水濱見前送高四篇

漳濱已遼遠江潭未旋返為聽短歌行當想長洲苑

露金薰菊岸風佩搖蘭坂蟬鳴稻葉龜鴈起蘆花晚

楚詞漁父篇屈原既放游於江潭行吟澤畔古樂府有燕歌行長歌行放歌行朝歌行怨歌行怨歌

行前緩聲歌行擢歌行鞠歌行短歌行蔡歌行陳歌行枚乘上吳王書園守禽獸不如長洲之苑左

思吳都賦帶朝夕之濬池佩長洲之茂苑長洲苑本吳闔閭遊獵處在太湖北岸漢為吳縣地自晉

至隋皆因之唐萬歲通天初置長洲縣至今因之
編戶六伯三十九里附郭蘇州蘭佩見上文註曹
植公宴詩秋蘭披長坂朱華冒綠池稻葉秋如麥
秋之秋鴈畏寒秋南春北蘆花秋時也故云鴈起

晚秋雲日明亭臯風霧清獨負平生氣空牽搖落情

占星非聚德夢月詎懸名寂寥傷楚奏淒斷泣秦聲

司馬相如上林賦亭臯千里註澤曲曰臯楚詞九
辨蕭瑟兮草木搖落而變衰慄慄兮若在遠行登

山臨水兮送將歸喻叔世主昏政亂賢人將歸也
庾信枯樹賦沈淪窮巷燕沒荆扉既傷搖落彌嗟

變衰云栢司馬聞而嘆曰昔年移柳依依漢南今
看搖落悽愴江潭樹猶如此人何以堪陳寔字仲

弓從諸子姪造荀季和于時德星見太史奏五伯
里內有賢人聚闕澤夢名字炳然在月中楚詞沈

寥兮天高而氣清寂寥兮收潦而水清左傳晉侯
觀於軍府見楚鍾儀問曰南冠而縶者誰也有司

謂曰楚囚也問其族曰伶人也與之琴操南音公
曰君子也言稱先職不背本也樂土風不心舊也

魏王粲登樓賦鍾儀幽而楚奏兮張儀讒陳軫於
秦王謂軫曰吾聞子欲去秦之楚亦思寡人不

軫昔越人莊舄仕楚執珪而病楚王曰舄故越
鄙細人也今貴富矣亦思越不舄謝對曰凡人之

思故在其病也彼思越則越聲思楚則楚聲使人
聽之尚越聲也今臣雖棄逐之楚豈能無秦聲哉

秦聲懷舊里楚奏悲無已郢路少歌人叢臺富奇士

温暉凌愛日壯氣驚寒水一顧重風雲三冬足文史

楚襄美宋玉之才憎其似屈原也謂之曰子盍從
楚之俗使人貴子之德乎對曰客有歌於郢中者
始而為下里巴人國中唱而和者數千人中而為
陽阿雍露國中唱而和者數百人其為陽春白雪
國中屬而和者不過數十人引商刻羽雜以流徵
國中屬而和者不過數人而已是其曲彌高其和

彌寡故鳥有鳳而魚有鯢士亦有之夫聖人瑰意
竒行超然獨處世俗之民又安知臣之所為哉夢
溪筆談云世稱善歌者曰郢人郢州至今有白雪
樓此乃因宋王之言也今考其詞客歌於郢中非
郢人歌乃不能和客之歌者也襄陽者舊傳雖云
楚有善歌者歌陽菱白露朝日魚麗和之者不過
數人復無陽春白雪之名又今郢州本謂之比郢
亦非古之楚都或曰楚都在今宜城界中有故墟
尚在亦非郢也乃郢也據左傳楚成公使鬬宜申
為商公沿漢沂江將入郢王在渚宮下見之汭漢
至于夏口然後沂江則郢當在江上不在漢上也
又在渚宮下見之則渚宮蓋在郢也楚徙都丹陽
在今枝江文王遷郢昭王五遷皆在今江陵境中
杜預註左傳楚國郢今江陵縣北紀南城也靈運
鄴中集詩南登宛郢城今江陵北十二里紀南城
卽古郢都鄒陽諫吳王書夫全趙之時武力鼎上
茲服叢臺之下者一旦成市註叢臺趙王之臺在
邯鄲表淑詩荆楚多壯士宛洛富少年梁劉孝焯

詩東山富遊士比土無遺彥左傳鄴舒問賈季曰
趙盾趙衰孰賢曰趙衰冬日之也趙盾夏日之
日也冬日可愛夏日可畏驚寒水卽上篇易水歌
意蘇代欲見齊王王怨蘇秦不欲見代代說淳于
髡曰人有賣駿馬者三日立於市人莫與言及見
伯樂環而視之去而顧之一旦而價十倍足下有
意為臣伯樂乎又謝玄暉和王主簿詩平生一顧
重夙昔千金賤註列女傳楚成王夫人鄭奢王登
臺夫人不顧王曰顧吾與汝千金
遂行不顧三冬足文史見上篇

文史盛紛綸京洛多風塵猶輕五車富未重一囊貧
李儻非易託蘇鬼曲難因不惜勞歌盡誰為聽陽春

漢書慶雲之象紛紛綸綸井丹通五經善談論京
師為之語曰五經紛紛綸綸井大春梁王僧儒與陳居
士書稟紛紛之高諭承希微之妙旨陸士衡詩京
洛多風塵素衣化為緇莊子天下篇惠施多方其

書五車其道外馭其言也不中東方朔謂武帝曰臣長九尺亦俸粟一囊趙壹疾邪賦曰文籍雖滿腹不如一囊錢伊優北堂上翫麟倚門邊郭林宗見河南尹李膺膺大奇之遂相友善於是名震京師後歸鄉里衣冠諸儒送至河上車數千兩膺惟與林宗同舟而濟衆賓望之若神仙焉蘇秦之楚三日乃得見王談卒辭行王欲留之秦曰楚國食貴於玉薪貴於桂謁者難見於鬼王難見於帝今臣食玉炊桂因鬼見帝其可得與詩鴻鳩于飛哀鳴磬磬維此哲人謂我劬勞維彼愚人謂我宣驕註歌多出於勞苦而不知者嘗以為驕也韓詩云勞者歌其事陽春見上文郢路註

五言律詩

於紫雲觀贈道士詩

有序

周穆王因尹執真人置草樓觀召幽逸人居之謂之道士此稱道士之始

鄉國一辭江山萬里昔年離別還同塞北之鳧今日

歸來卽似遼東之鶴

蘇武留匈奴十九年既而得歸別李陵詩曰雙鳧俱比飛一鳧獨南翔子今留北土我今歸故鄉遼東華表柱千年有鶴鳴于其上曰有鳥有鳥丁令威去家千載今來歸城郭半是人民非何不學仙塚纍纍註丁令威人名化鶴而為言也

先生情均得兔忘荃之契已深路是亡羊分岐之恨

愈切不題短什何汰裏襟

得兔忘荃亡羊分岐俱見前贈高四篇詩小雅鹿鳴之什二之一註雅頌無諸國別故以十篇為一卷而謂之什猶軍法以十人為什也汰如沙汰之汰散去也

碧落澄秋景玄門啓曙關人疑列禦至客似令威還
羽蓋徒欣仰雲車未可攀只應傾玉醴時許寄頽顏

落如院落之落以秋色碧言之也秋景曰澄景曰朗景又曰清景九月謂之玄月借其字以名門也平光曰曙關字用老子出關意見後贈李榮篇列子名禦寇與鄭繆公同時其學本於黃帝老子號曰道家孝景時貴黃老其書頗行於世及後遺落散在民間且多寓言與莊周相類故司馬遷不爲列傳令威見上文遼東鶴註宋玉高唐賦有翠蓋字註以翠羽爲蓋魏文芙蓉池詩卑枝拂羽蓋脩條摩蒼天又西比有浮雲亭亭如車蓋郊祀志文成言於漢武帝言上欲與神通非象神宮室被服神不至乃作畫雲氣車甲丙戌庚壬日各以其色駕之嵇康洛中賦六龍儼其齊首載雲車之容喬春秋曆序曰人皇乘雲車出谷口魏武古樂府願得神之人乘雲車驟白鹿上到人之阿來賜神之藥

張衡思玄賦翕青岑之王醴今餐沈瀝以爲糧十洲記瀛洲有玉膏如酒名玉醴飲數升令人長生玠醉入市人以爲玉山之將頽

在獄詠蟬詩有序

余禁所禁垣西是法廳事也有古槐數株焉雖生意可知同殷仲文之古樹聽訟斯在卽周召伯之甘棠

晉書殷仲文少有才藻美容貌大司馬相溫妻以女溫子玄篡位仲文以佐命親貴帝反正杭表待罪乞歸不許因月朔與衆至大司馬府有老槐樹顧之良久嘆曰槐樹婆娑無復生意忽遷守東陽意彌不平後伏誅詩召南其棠篇蔽芾其棠勿剪勿伐召伯所茇序曰召伯循行南國或舍其棠之下以布文王之政而聽訟焉故後人思其德愛其樹而不忍傷之也故詩下章有速我訟之句

每至夕照伍陰秋蟬踈引發聲幽息有切嘗聞豈人心異於曩時將蟲響悲乎前聽

日西落影反照於東謂之夕照亦曰反照亦曰反景低與互同踈與踈同長也曲慢聲曰引魏文帝詩草蟲鳴何悲孤雁獨南翔陸機詩頓轡倚高岩側聽悲風響

嗟乎聲以動容德以象賢故潔其身也稟達人君子之高行蛻其皮也有僊都羽化之靈姿候時而來順陰陽之數應節為變審藏用之機有日斯開不以道昏而昧其視有翼自薄不以俗厚而易其貞吟喬樹之微風韻資天縱飲高秋之隊露清畏人知

書微子之命篇惟稽古崇德象賢統承先王註象賢謂其後嗣有象先聖王之賢者則命之以主祀也吳都賦桂父煉形而見色赤須蟬蛻而附麗淮南子蟬飲而不食三十日而蛻註蛻悅音蟬未脫時各腹育蛻其皮即為蟬藥有蟬蛻即其形也世言蛻乃蛻蝦轉養者別是一種不能化也道士白日化羽翌飛昇上天謂之羽化列僊傳赤須仙人食栢葉齒落復生化身而去陸雲曰蟬有五德頭上有綫文也舍氣飲露清也黍稷不享廉也處不巢居儉也應侯守節信也禮記月合仲夏之月蟬始鳴夏蟬也孟秋之月塞蟬鳴秋蟬也此蓋指秋蟬耳晉胡質為荊州子威自京師省之質賜之縑一匹威曰安得此質曰此吾俸祿之餘也後威為徐州帝問卿清何如父對曰臣清畏人不知父清畏人知

僕失路艱虞遭時微纏不哀傷而自怨未搖落而先

衰聞蟪蛄之有聲悟平反之已奏見螳螂之抱影怯
危機之未安感而綴詩貽諸知己

艱虞難度之地也晉書多用之易坎上六係用徽
纏真于叢棘三歲不得程傳上六以陰柔而居儉
之極其陷之深如係縛之以徽纏囚於叢棘之中
至三歲不得免也楚詞淮南子招隱篇蟪蛄鳴兮
啾啾註夏蟬也風土記秋日蟪蛄鳴于朝塞蛩鳴
于夕漢書房太子博太子多所平反毛氏曰平反
理正幽枉也顏師古曰反罪人辭使從輕而出也
秋將決獄故聞蟬知奏平反吳王伐荆令敢諫者
必孺子欲諫懷彈挾丸隱於後園樹下露沾其衣
如是者三朝王曰孺子何苦對曰蟬居高飲露不
知蟻螂在其後蟻螂抱蟬不知黃雀在其後黃雀
又不知臣挾彈而伺之臣亦不知露之沾其衣也
庶情沿物應哀弱羽之飄零道寄人知憫餘馨之寂

實非謂文墨取代幽憂云耳

莊子讓王篇堯讓天下於許由不受又讓於子州
支父父曰以我為天子猶之可也雖然我適有幽
憂之病方且治之未暇治天下也註幽憂病深
固也詩小雅正月篇寘憂以瘁註寘憂幽憂也

西陸蟬聲唱南冠客思侵那堪玄鬢影來對白頭吟

露重飛難進風多響易沈無人信高潔詎為表予心

左傳申豐曰古者日在北陸而藏冰西陸朝覲而
啓之註陸道也夏正十二月日在虛危水堅而藏
之奎婁昴畢乃西方之宿春分之中奎星朝見東
方夏正三月日在昴畢出水而用之按此則西陸
乃春時也虞子陽詩蓐收清西陸未曦將由白司
馬彪續漢書曰日行北陸謂之冬西陸謂之秋若
作秋景本後二語言之也南冠見前送之問篇楚
奏註司馬相如過茂陵見女子綠鬢白齒欲聘之

駱丞集註

卷之二

四四

為妾卓文君作白頭吟以自絕其詞曰淒淒重淒淒
淒嫁女不須啼愿得同心人白頭不相離蟬項下
痕似鬢故用冠鬢字

途中有懷

睠然懷楚奏悵矣背秦關涸鱗驚煦轍隊羽怯虛響

素服三川化烏裘十上還莫言無皓齒時俗薄朱顏

詩小雅大東篇睠言顧之註顧貌楚奏見前贈之
問篇禮悵悵乎其何之註茫然自失之貌晉書趙
至字景貞代郡人與嵇康兄子蕃友善將去遼西
與蕃書叙別之情并陳其志曰昔李叟入秦及關
而嘆梁生適越登岳長謠夫以嘉遁之舉猶懷戀
恨况乎不得已者哉涸鱗煦轍見前上裴侍郎詩
註楚春申君欲將臨武君魏加白異日若更羸與
魏王處京臺之下曰臣為君引弓虛發而下鳥有

問鴈從東方來更羸虛發而下之魏王曰射可以
至此乎更羸曰此孽也其飛徐者故瘡痛也鳴悲
者久失羣也故瘡未息而驚心未去也聞弦者音
烈而高飛故瘡墮也臨武君嘗為秦孽而可拒秦
乎陸士衡詩京洛多風塵素衣化為緇帝昭曰洛
陽有伊洛河三水故名三川陽休之說涇渭洛亦
為三川即周之王城下都也秦於洛陽置三川郡漢
置河南郡東漢都於此置河南尹三國魏置司州
晉亦都此符秦改豫州劉宋仍司州後魏改洛州
徙都之又改司州亦為河南尹後周改東京隋改
帝徙都此改豫州唐初為洛州置都督府高宗改
中都尋改神都天主改東京五代梁為西都唐改
東都晉改西京宋因之金置德昌軍號中京置金
昌府元為河南路即今河南府是也烏裘十上見
前贈高四序註曹植釋詩篇時俗薄朱顏
誰為發皓齒俯仰歲將暮榮耀難久恃

出石門

石門不知何石門周赧王五年秦敗三晉之師于石門賜以黼黻之服石門趙氏世家作石阿正義曰在石隰二州界廣州有石門在番禺縣北二十里昔南越相呂嘉積石于江以拒漢因名吳隱之至石門酌貪泉即此下云至分陝即恐是趙晉之石門在今平陽府解州東南白徑嶺踰中條山通陝州道山嶺參天古石壁立間不容軌

層巖遠接天絕頂上棲烟松低輕蓋偃藤細弱鈎懸

石明如桂鏡苔分似列錢暫策為龍杖何處得神僊

低字見味蟬篇當作平音乃叶蓋鈎以松藤之象也楊雄蜀王本紀武都丈夫化為女子顏色美麗蓋山精也蜀王納以為妃無幾物故乃發卒于武都擔土葬于成都郭中號曰武擔以石作鏡一枚表其墓見長念之情也西魏時吹墊江為石鏡縣宋改石照今為州屬重慶府杜詩蜀王將此鏡送

死至空山嶽冥憐香骨提携近玉顏衆妃无復嘆千騎亦虛還獨有傷心石湮淪玉宇間西都賦金缸銜璧是為列錢註壁中之橫帶行列似錢也蒼苔之色亦似錢何安景福殿賦皎皎白間離々列錢費長房學仙壺公婦公以一杖與之曰騎此任所之長房抵家投葛陂中化龍而去策謂曳杖似策馬也

至分陝

周時以周公召公為二方伯自陝以東周公主之自陝以西召公主之綱目秦伐魏取垣蒲註垣古邑名即周召分陝之處春秋時屬晉戰國屬魏秦漢為垣縣地屬河東郡後魏置郡郡及白水縣後周兼置郡州改縣曰亳城隋改垣縣屬絳郡義寧初置郡原郡唐改郡州貞觀初廢以縣屬絳州宋改垣曲縣金仍舊元省入絳縣尋復置今改屬平陽府

陝西開勝壤召南分沃疇列樹巢維鵲平渚下睢鳩
憇棠疑勿剪曳葛似攀樛至今王化美非獨在隆周

陝西自陝以西也非土之地言之召地名召公奭之采邑舊說扶風雍縣南有召亭即其地今雍縣自宋析為岐山天興二縣未知召亭的在何處南南國之詩言自方伯之國被於南方也詩召南鵲巢篇維鵲有巢美女子被后妃之化也周南閟雎篇關雎睢鳩美文王后妃之德也憇棠見咏蟬篇曳葛句用南有樛木葛藟繫之之詩亦美后妃能逮下衆妾樂其德而稱頌之也

至汾水戍

汾源出嵐州靜樂北管岑山東南入并州即西南經絳州蒲州東北歷安邑西南入河

行役忽離憂復此愴分流澣石迴湍咽蒙叢曲澗幽

陰崖管結曉宿夙夙競含秋况乃霜晨早寒風入成樓

楚辭朝搴阰之木蘭夕攬洲之宿莽又願徵幸而有待兮宿莽與野草同死謝靈運征賦拍宿莽以迷徑觀生烟而知墟註草冬生不死者楚人謂之宿莽即拔心早也屈原以木蘭去皮不死宿莽拔心不死故取以自喻

北眺春陵

張平子西京賦南望杜霸北眺五陵眺視也春陵漢之鄉名元朔五年以零陵郡冷道縣春陵鄉封長沙王子買為春陵侯至再侯仁請徙南陽郡元帝時乃徙蔡陽縣白水鄉望氣者蘇伯阿見春陵城嘆曰氣佳哉鬱蒼及光武即位改音陵今襄陽府襄陽縣南三十里

總轡疲宵邁馬倦晨興既出封泥谷還過避雨陵

山明行照上
宿客雲蒸高徒欲賦詞殫獨撫膺

隗囂姝子一元曰願以一丸泥為太王東封函谷關左傳秦穆欲襲鄭蹇叔諫不聽其子與師哭而

送之曰晉人禦師必以殺有二陵焉其南夏后

收爾骨焉山今陝縣東二殺是也元和志云東

殺至西殺二十五里在秦關之東漢關之西括地

志殺山一嶽峯山在洛州永寧縣西北即古之

望鄉夕泛

歸懷到不安
榜犯風瀾落宿舍樓近浮月帶江寒

喜逐行前志
愛從望裏寬今夜南枝鵲應無繞樹難

司馬相如子虛賦榜人歌謝瞻詩榜人埋行艦臨

軒命歸僕註榜人舟人榜猶榜也以歌聲名之也

落宿本落星字用之見螢火賦曹操軍赤壁把酒

久客臨海有懷

臨海春秋戰國時越地秦屬閩中郡漢初為東

甌國后甌甌內徒以其地置回浦縣屬會稽郡

又南郡都尉治此東漢初改回浦曰章安縣吳

以會稽直部為臨海郡治臨海縣徙治章安梁

改赤城郡尋廢陳復置章安郡隋罷唐初置海

州尋改台州至德初移治始豐縣陞德化軍宋

天涯非
疑是日
觀地岳望星樓練光搖亂馬劍氣上

復為台州今台州府

屬浙東路元改台州路

時郭臨海縣屬淞江道

四八

連牛草濕姑蘇 葉下洞庭秋欲知婁斷意江上步

安流

曰觀見高四篇爾雅限隅高者曰岳星樓見螢火
篇孔子與顏回俱登太山孔子望吳閶門外有繫
白馬引頰回指示之曰若見吳門乎曰見之有若
一疋練然則馬之光景一疋長耳故後人呼馬為
一疋因與回俱下回髮白齒落遂病歿劍氣連牛
見螢火篇淮南王安謀反伍被諫曰臣聞子胥諫
吳王曰臣今先麋鹿遊始蘇之臺也今臣亦見宮
中生荆棘露沾人衣也楚辭洞庭波兮木葉下又
令沅相兮無反使江水兮安流
姑蘇春秋時大地名秦為會稽郡治所東漢永建
中置吳郡晉不齊因之陳于縣置吳州隋唐屬蘇
州宋為平江府治所吳縣長洲

遊交部孔君自衛來欣然相遇若舊

兖禹貢州名春秋時為魯國治曲阜縣戰國屬
楚秦為薛郡漢為瑕丘縣屬山陽郡東漢因之
晉省入南平縣屬高平國隋復置瑕丘縣為魯
郡治唐為兖州治宋初改滋縣後改滋陽縣取
山為名金元因之今為兖州府附郭滋陽衛見
後傷祝阿王明府朝歌註孔若思越州山陰人
陳吏部負四世孫祖紹安與孫萬壽皆以文詞
稱時謂孫孔若思早孤母躬訓教長以博學聞
擢明經歷庫部郎中置止水一石于座右明自
足意五王當國以若思多識政事必咨而後行
三遷禮部侍郎出刺衛州後以
清白擢銀青大夫累封梁郡公

遊人自衛返客背隔淮來傾蓋金蘭合忘荃玉葉開

繁華明日柳疎葢落風梅將期重交態時熨不然灰

洛丞集注卷之二

四九

淮水名出漢陽桐柏山槐樹下故名曰淮由泗州
經清河淮安入海孔子之郊程子遇之途傾蓋而
語孔子顧子路取束帛贈之金蘭見靈泉頌忘
荃玉葉交態俱見高四篇不然灰見螢火賦

西京守歲

西漢都關中東漢都洛陽于是以關中為
西京洛陽為東京唐亦都關中依漢故

閑居寡言晏獨坐慘風塵忽見嚴冬盡方知列宿春
夜將寒色去年共曉光新耿耿他鄉夕無由展舊親

詩國風氓篇言笑晏晏陸機狹
針行余本倦遊客豪彥多舊親

白雲抱幽石

謝靈運詩白雲抱幽石綠篠媚清漣此以其句
為題也隋孔範賦得白雲抱幽石詩白雲浮遠

蓋飄飄遠石飛帶違縈錦色拂鏡下仙衣陣結
香爐隱羅成玉女微能感荆王夢陽臺雜雨歸

重巖抱危石幽澗曳輕雲繞瑣僊衣動飄蓮羽蓋分
錦色連花靜苔光帶葉薰距知吳會影長抱穀城文

瑣充耳也以美石似王者為之仙衣猶霓裳霞衣
也太華山有石蓮峯羽蓋見紫雲觀贈道士篇錦
色以石言亦可有雲錦亦有錦石也黃帝與蚩尤
戰于涿鹿常有五色雲氣金枝玉葉止于帝上因
作華蓋詩序言蓋本此易通穀雨大陽雲出張如
車蓋魏文釋詩西北有浮雲亭亭如車蓋惜哉時
不遇適與帝風會吹我東南行行行至吳會吳會
非我鄉安能久留滯棄置勿復陳客子嘗畏人張
良遊圯橋上遇老人令下橋取履欲歐之憫其老
為取跪進老人以足受之曰孺子可教因與約後
五日至此老人已先在老人怒曰與老人期何後
也又期亦如之良乃半夜往老人喜授以書乃太

公兵法曰讀此可為帝者師后濟此穀城山下黃石即我也既而從漢高經穀城果見黃石乃取而保祠之良歎并葬黃石每上家伏臘祠黃石吳會謂三吳之都會今蘇州也一統志云世稱吳門為吳會謂其地本吳會稽二郡也

春雲處處生

陳蔡凝賦得春雲處處生詩春色遍空明春雲處處生入風衣暫歛隨車蓋轉輕作葉還依樹為樓欲近城舍愁上對影似有別離情此亦以賦句為詩題也

千里年光靜四望春雲生
槩日祥光舉踈雲瑞葉輕
蓋陰籠迥樹陣影抱危城
非將吳會遠飄蕩帝鄉情

四望至見贈高四詩槩日環日如城塹也春雲又曰踈雲疑有誤字瑞葉蓋陰俱見上篇及本題註

影見蕩子從軍賦吳會見上篇帝鄉見贈高四詩

同辛簿簡仰酬思玄上人林泉四首

聞君招隱地髣髴武陵春
緝芟知遠楚披蓁似避秦
崩查年祀積幽草歲時新一謝
滄浪水安知有逸人

陶淵明桃源記晉大元中武陵人黃道真捕魚從溪行忘路遠近忽逢桃花林夾岸黃花鮮美林盡得山有水口初狹行四五步豁然開明已屋相連雞犬相聞男女衣著悉如外人見漁父驚為設酒食云先世避秦率妻子來此遂與外間隔不知有漢又安知有晉既出白太守劉歆遣人隨尋之迷不復得楚辭緝芟荷以為衣兮紉秋蘭以為佩遠楚本孟子遠秦楚之路字言不用於楚故賦此也崩查見贈高四篇屈原漁父篇漁父莞爾而笑鼓枻而去乃歌曰滄浪之水清兮云云我足遂去不

復與言詩水清喻世昭

明水蜀喻世昏闇也

武陵漢郡名王莽改建平郡光武復之梁改沅州

隋改朗州唐初因之唐復為武陵宋改朗州后摩

常德府元為路今為常德府屬湖廣道溪在城西

三十里源出武山入沅水山半有槃瓠石一名德

勝泉滄浪水在今湖廣

襄陽府均州北四十五里

芳晨臨上月幽賞狎中園有蝶堪成夢無羊可觸藩
忘懷南澗藻蠲思北堂萱坐歎華滋歌思君誰為言

莊子齊物論篇昔者莊周夢為蝴蝶栩栩然蝴蝶

也自喻適志與不知周也俄然覺則蘧蘧然周也

不知周之夢為蝴蝶與蝴蝶之夢為周與周與蝴蝶

蝶則有分矣此之謂物化易大壯九三小人用壯

君子用罔貞厲羝羊觸藩羸其角程傳羊壯於首

抵為喜觸故取為象羊喜觸藩籬以籬籬當其前

也蓋所當必觸喜用壯如此必羸困其角矣猶人

所尚剛壯所當必至摧困也董子士不遇賦努力

觸籬徒摧角矣漢揚脩七歲而孤母長孫親授經

十三通大義善屬文所賦輒就吳人號神童里人

多造門觀詩賦至歷敗其籬脩朝之曰女非羸角

者奚用觸吾籬詩國風采蘋篇于以采蘋南澗之

濱干以采藻于彼行潦陸機招隱詩幽人在浚谷

朝采南澗藻夕息西山足詩國風伯兮篇焉得萱草

言樹之背註萱草合歡食之令人忘憂者背北堂

也嵇叔夜養生論合歡蠲忿萱草忘憂梁簡文傷

美人詩燠爐舍好

氣庭樹吐華滋

林泉恣深歷風景暫徘徊客有遷鶯處人無結駟來
聚花如薄雪沸水若輕雷今日徒招隱終當異鑿坏

詩鳥鳴嚶嚶出自幽谷遷于喬木又唐人謂進士
為遷鶯故宋人有喜遷鶯之詞然此酬隱士印指

求友言之也列子力命篇居則連櫬行則結駟魯君聞顏闔賢使聘以為相闔鑿后垣而子揚雄解嘲士或鑿坏以遁又管寧見公孫度語惟經典不及世事乃因土為盧鑿坏為室

俗遠風塵隔春還初服遲林疑中散地人似上皇時

芳杜湘君曲幽蘭楚客詞山中有春草長似寄相思

嵇康隱于竹林後為中散大夫陶淵明夏月高卧北窗之下清風徐至自謂羲皇上人屈原作湘君曲為男王事陰神之詞以寓忠愛于君之意中有曰采芳洲兮杜若將以遺兮下女註芳洲香草所生之處杜若葉似姜而有文理味辛下女神之侍女也遺之欲以通意于神也離騷篇結幽蘭而延佇言以芳香自潔獨立而無所趨向也謝惠連雪賦幽蘭儷曲本宋玉幽蘭曰雪之曲詳見後咏雪篇

秋日送陳文林陸道士 有序

陸道士將遊西輔通莊指浮氣之開陳文林言返東

吳脩途走落星之浦於是維舟錦水藉蘭若以開筵

緹騎金隄泛榴花於祖道

地理志秦京師為內史言在內以別諸郡漢景分置左右內史武帝以內史為京兆尹左內史更名左馬翊右內史更名右扶風是為三輔西輔左馬翊也即今陝西以東郡縣通莊大道也五達謂之康六達謂之莊函谷關令尹喜登樓望東極有紫氣西邁曰應有聖人過京邑果見老子乘青牛過關東吳今蘇州也脩途長道也落星見螢火賦大水小口別通曰浦詩汎汎揚舟紉纚維之何遜別胡興安詩居人行轉軌宕子暫維舟錦水在成都以其濯錦鮮明亦名錦江楚詞惠穀蒸兮蘭藉註

蘭草以之為殺蒸之藉也顏延年詩芬馥歇蘭若
清越奪林珪詩藉蘭素多意又江淹嘯賦藉臯蘭
之綺靡註皆云藉地坐也然唐書武宗毀招提蘭
若四十萬區註蘭若空寂處也按此則當錢別僧
寺中用之左人冲蜀都賦西隄金堤東越玉津朔
別期晦匪日匪旬註金堤在岷出都安縣南海有
頓遜因在海崎上有酒樹如安石榴採其花汁停
甕中過數日成酒黃帝子釁祖好遊客歿後人遠
行祭之詩韓侯出祖左傳祖而舍轅
飲酒于其側曰饑重始有事于道也

于是赤燦紀節青女司辰霜鴈含蘆舉賓行而候氣
寒蟬噪柳帶涼序以含情

周禮小宗伯祀五帝于四郊鄭玄註蒼曰靈威仰
赤曰赤燦怒黃曰舍樞紐白曰白招拒黑曰吐光
矩此五行之精氣也據此當是四時之序然下文
所云乃是秋時而此云赤燦紀節未詳淮南子至

秋三月青女乃出降以雪霜魏瓘搗衣賦白絲中
兮青女月鴈北來體瘦能高飛及歸體肥疇蘆以
避繒緜之害賓行鴈之行列似賓次也候氣候寒
氣也謝靈運燕歌行寒蟬噪柳燕辭楹江淹詩藉
蘭素多意臨風默含情沈約篋
書殷勤寄玉指含情舉復垂

加以山接太行聳羊腸而飛蓋河通少海疏馬頰以
合瀾登高切送歸之情臨流感逝川之嘆

太行山在河內山陽縣西北上黨南正義曰在懷
州河內北二十五里羊腸山在太原西北九十里
正義曰羊腸坂在太行山南口屬懷州北口屬潞
州括地志云羊腸在懷州河內縣北二十五里即
太行相連屬也劉禎魯都賦蓋如飛鶴馬如遊魚
子建公讌詩清夜遊西園飛蓋相追隨梁簡文傷
離新體詩落日斜飛蓋餘暉承盡輪山海經無臯
之山南望幼海註幼海小海也馬頰九河之一臨

流二句見送之間篇南史齊子顯自序云若乃登高目極臨水送歸風動春朝月明秋夜早鴈初鶯開花落葉有來斯應每不能已荀雍臨川亭詩日極依春路披褐懷良辰明發戒徒御臨流餞歸人謝瞻詩離會雖相雜述川豈往復梁簡文示晉陵弟詩零雨岐路悲送歸臨水節時事難為外離憂等閑別

既而嗟別路之難駐惜離樽尊義見下篇之易傾雖漆園

荃蹄已忘言於道術而陟陽風雨貴抒情於詠歌各

賦五言同為四韻庶幾別後有暢離憂云耳

莊周蒙人嘗為蒙漆園吏與梁惠齊宣同時其學無所不窺要本於老子著書十餘萬言大率皆寓言也終身不仕荃蹄道術見高四篇孫楚為征西將軍官屬於陟陽侯祖道詩曰晨風飄岐路零雨

披秋草傾城遠追送餞我千里道左傳難必抒矣楚辭抒中情而屬詩兩都賦或以抒下情而通諷諭劉向別錄鄒子曰抒意通旨註抒舒也蕭咨議別范雲詩心事俱已矣江上徒離憂本楚詞思公子兮徒離憂又離憂字見上章註漆園今鳳陽定遠縣東三十里相傳莊子為吏處又山東曹縣右漆園城

青牛遊華岳赤馬走吳宮玉桂離鴻怨金壘浮蟻空

日霽晴陵雨塵起陟陽風唯當玄度月千里與君同

青牛見上文浮氣註又漢武內傳封君達隴西人服黃連五十餘年入鳥舉山服水銀百餘年還鄉里如二十歲者常乘青牛故號青牛道士孫權時名舸為赤馬因其色言如馬之走陸也楚詞東皇太乙篇奠桂酒兮椒漿註桂酒切桂投酒中也或曰當作玉桂離鴻琴調也詩國風卷耳篇我姑酌

彼金罍註罍酒罍刻為雲雷之象以黃金飾之張
協七命浮蟻星沸飛華萍接玄石嘗其味儀氏進
其法顏延年詩嘉魴聊可薦綠蟻方獨持註釋名
曰酒有泛齊浮蟻在上沈沈然張平子南都賦酒
則九醞其醴十旬蒸清膠敷徑寸浮蟻若萍殺陵
雨見北眺春陵篇陟陽風見上文晉劉惔尹丹陽
與許綯相善每對明月歎曰光風霽月令人思玄
度指綯字也謝莊月賦美人邁兮音信澗隔千里
今共明月鮑明遠玩月詩
三五二八時千里與君同

秋日送尹大赴京詩 有序

尹大官三冬懸暢指蘭臺而拾青薛六郎四海情深
飛桂樽而舉白

三冬見高四篇漢官儀御史臺率執憲中司朗會
獨坐內掌蘭臺督諸州刺史前漢百官表在殿中

蘭臺掌圖籍秘書拾青見高四篇拾紫註魏文侯
與大夫欽使公乘不仁為觴政曰欽若不盡浮之
太白文侯不盡不仁舉白浮君白爵名也爵欽以
衢尊只一尊字從木從缶以所作者為字也尊始
堯於

于時兔苑東上龍火西流劍彩沈波碎楚蓮於秋水
金暉照岸秀陶菊於寒隄既切送歸之情彌軫窮途

之感

兔苑月也龍星角亢也建戌之月日在房角亢晨
見於東方晚則西下大心星也次角亢之後西流
見螢火賦江淹別賦日下璧而沈彩月上軒而飛
先霜降蓮敗如碎之然楚蓮因楚詞用之金暉秋
日色也陶菊亦以陶潛愛菊用之耳送歸見前篇
窮途本五子胥謂申包胥口日暮途窮吾固倒行

而逆施之晉阮籍常率意獨駕
不由逕中車轍所窮慟哭而返

重以清江帶地問吳會於星津白雲在天望長安於

日路人之情也寧不悲乎

漢上黨太守田祐與馮衍書日月之經天河海之帶地陸機長歌行遊矣經天日悲哉帶地川王彪之水賦水帶地而壤潤月流天而霄爛吳會見白雲抱幽石篇問津用論語字星津卽落星灣也宋謝朓字玄暉少好學文章清麗爲齊隋王子隆鎮西功曹轉文學子隆好詞賦朓尤被賞不捨日夕長史王秀之以朓長少相動欲啓聞朓牋辭子隆云輕舟反沂甲影獨留白雲在天龍門不見又梁簡文與簫臨川書白雲在天蒼波無極又白雲長安日俱見高四篇劉裕既克長安更欲西伐集寮屬議多不同因問郭澄之澄之不荅西向誦王粲詩曰南登灞陵岸回首望長安裕曰當與卿登

灞陵岸耳遂還又宋武帝北伐謝朓以士馬疲意諫於是登城北望慨然不悅乃命羣僚誦詩海味王粲詩曰南登灞陵岸回首望長安悟彼泉下人喟然傷心肝帝流涕不自勝中山王文木賦麗木離披生彼高崖拂天河而布葉橫日路而擢枝

雖道術相忘叶神交於靈府而風煙懸隔貴申心於

翰林請振詞鋒用開筆海人爲四韻用慰九秋

道術見高四篇莊子德充符篇不足滑和不可入于靈府註靈府精神之宅也猶言靈臺耳揚雄長楊賦因筆墨之成文章故藉翰林以爲主人子墨用客卿以爲諷至唐玄宗始置翰林院

挂瓢余隱舜負鼎爾干湯竹葉離樽滿桃花別路長

低河耿秋色落月抱寒光素書如可嗣幽谷竚賓行

許由隱于箕山以手掬水飲之或與一瓢飲訖挂
樹上風吹歷歷有聲惡而棄之張協七命乃有荆
南鳥程豫北竹葉註酒名也桂花見思玄上人詩
註秋天氣清雲漢若低古人憶友多以月為言杜
詩落月滿屋梁是也古樂府客從東方來饋我雙
鯉魚呼童烹鯉魚中有尺素書長跪讀素書書中
意向如上有加歿飯下有長相憶
幽谷指已所居賓行馬也見上篇

秋夜送闕五還潤州詩

有序

天寶初改丹陽郡乾元初改潤州又升丹陽軍
建中初改鎮海軍南唐以為壘鎮宋潤寶未改
鎮江軍政和中升府元改乃屬江州
行省本朝初為江淮府後改鎮江府

闕五官言返維業脩途指金陵之地李六郎交深投
漆開筵浮白玉之樽于時壁彩澄虛漏輕光於雲葉

珪陰散迥搖碎影於風梧

詩維業與梓必恭敬止註業梓父母所植後人因
言業梓為舊里也金陵古秣陵地春秋楚威王以
此地有天子氣埋金以厭之曰金陵裴絃言于孫
權曰秣陵楚武王所置秦始皇以其地有天子氣
故掘所連岡有別小江可以貯船宜為都邑武帝
後楊州刺史治此金陵事見宿山庄註投漆見靈
泉頌壁彩見前篇劍彩沈波註雲葉見
白雲抱幽石珪陰亦借以形容秋色耳

雖桂醕蘭缸斲綫留於一夕而青山黃鶴將惆悵於
九秋請勒四言俱申五際

桂字見送陳文林篇玉桂註又惠州傳羅有桂可
以釀酒宋蘇軾桂酒頌云有隱者教吾以桂釀成
之陶淵明詩春醕生浮蟻缸酒盞也蘭亦如桂之
義蘇武詩黃鶴經遠別千里顧徘徊度信別表昌

州詩河陽望隄頭分手路悠悠徂年若驚電別日
 嘆成秋黃鶴飛遠青山去去愁不言雲雨散更
 似東西流鮑明遠白頭吟黃鶴一舉千里詩綿舍
 神霧曰集微揆著上統元皇下序四始羅列五際
 推度災曰建四始五際而八節通汎歷樞曰午亥
 之際為革命卯酉之際為改正辰在天門出入候
 聽卯天保也為陽盛陰衰酉祈父也為陰盛陽微
 午采芑也為陽盛陰生大明在亥水始也四牡在
 寅木始也嘉魚在巳火始也鴻鴈在申金始也翼
 奉學齊詩問五際四始之要即顛曰四始之缺五
 際之危五際本於齊詩四始與
 毛詩異蓋習聞其說而失之也

通莊抵舊里清水惡新知斷雲飄易滯連露積難披
 僚風啼迥堞驚月逸疎枝無力勵短翰輕舉送長離

通莊見送陳文林篇卓文君白頭吟今日斗酒問
 明日溝水頭蹀躞御溝上溝水東西流梁元

要秋風曰商風素風涼風激風悲風高風陸士衡
 連珠詩寸管下僚一作僚註僚向也向風驚月鳥
 鵲之類也司馬相如大人賦前長離後喬皇平子
 思玄賦前長離使羿羽兮後委水衡乎玄冥潘岳
 為賈謐贈陸機宛宛長離凌江而離長離云誰咨
 爾陸生註長離鳳也蓋短翰借翰羽以言翰墨長
 離借鳳以言離別如陳徐陵別毛未嘉詩嗟予今
 老病此別恐長離即為離別之久此一字二意可
 以互發者也

初秋登司馬樓宴詩 有序

司馬周禮夏官也漢武帝始特置大司馬以
 冠將軍之號寵衛青霍去病今為兵部尚書

司馬公千里騰光翼外臺而展足九日多暇敞麗譙
 以開筵

行臺曰外臺展足見高四篇展駿註陳思王傳初
喪應劉端憂多暇綠苔生閣芳塵凝樹謂端姓憂
愁于多暇之際也莊子徐無鬼篇君亦必無盛鶴
列于麗譙之間註麗譙樓名謂華麗而嵯峴也又
譙門亦謂門上為高樓以望也樓一名譙又或改
譙為樵魏武亦有麗譙樓晉王粲字仲宣登樓賦
曰登茲樓以四望今聊暇日以消憂
覽斯宇之所處今實顯敞而寡仇

于時葭散秋灰檀移夏火鴻飛漸陸流斷吹以來寒
鶴鳴在陰上中天而警露

候氣之法埋律管于地中實以葭灰覆以緹素至
每月氣至則其律管灰飛鑽燧夏取棗杏之火秋
取槐檀之火易漸九三鴻漸于陸斷吹風聲也鷹
來則寒至易中孚九二鳴鶴在陰詩鶴鳴于九皋
聲聞于天鶴露下
則鳴故云警露

於是殺聞玉饌交雜佩而薰蘭酒泛金翹映清罇而
湛菊

書惟辟王食梁王筠侍宴詩玉饌駢羅瓊漿泛盃
詩知子之來之雜佩以贈之註雜佩左右佩玉也
言我苟知子之所好者而來即當解此雜佩以贈
之薰蘭即所謂其臭如蘭也朱蘇彥秋夜長武金
菊吐翹以凌霜菊亦可以釀酒湛菊猶湛桂也湛
漬也內則湛諸美酒文字與沈同投物水中也

雖傍臨廣派有異章臺之道而俯瞰崇墉雅叶城隅
之會物色相召江山助人請振翰林用濡筆海云爾

廣派大河也漢書張敞無威儀時罷朝會過走馬
章臺街使御驅吏自以便面拊馬詩國風靜女篇
靜女其妹俟我于城隅呂氏讀詩記古之人君賤
妾散處后宮幽閑之地城隅是也女有靜德又處

幽閑以待進御此有道之君所好也毛氏傳云此用賢不得也朱傳直以為淫奔之詩駱子蓋借引以為賢人之聚也崇墉用其崇如墉意曹植贈丁儀詩加賓填城闕豐饌出中厨吾與二三子曲宴此城隅漢光武求嚴子陵遣物色訪之翰林見送尹大篇章臺在西安府舊長安城內

展驥端居暇登龍嘉宴同締賞三清滿承權六義通

野晦寒陰積潭虛夕照空顧慙非夢鳥濫此厠雕虫

展驥見高四篇端居暇見上文漢桓帝延熹未朝廷日亂紀綱頽弛李膺為司隸校尉獨持風裁以聲名自高士有被其容接者名為登龍門云晉人謂劉惔氣清杜又肅清衛玠神清謂之三清詩六義一曰風二曰賦三曰比四曰興五曰雅六曰頌晉羅含字君章桂陽來陽人幼孤為叔母朱氏所

養少有志尚嘗書困夢一鳥文彩異常飛入口中因驚起朱氏曰鳥有文彩汝后必有文章自后藻思日新任終中散大夫揚雄吾子篇或問吾子少而好賦曰然童子雕蟲刻篆俄而曰杜夫不為也註蟲蟲書也謂雕刻文字也

初秋於竇六郎宅宴詩 有序

六郎道舍采葵嘯懸鶉而契賞諸君情諧伐木仰登龍以締歡于時一葉驚寒下陳柯而捲翠百花凝照淡虛牖以披紅

子夏家貧衣若懸鶉人曰子何不仕曰諸侯之驕我者吾不為臣大夫之驕我者吾不復見詩小雅伐木篇伐木丁丁鳥鳴嚶嚶出自幽谷遷于喬木嚶其鳴矣求其友聲矧伊人矣不求友生註言鳥

之求友喻人之不可無友也
登龍見上篇一葉見螢火篇

既而俱欣得兔之情共捨亡羊之淚物我雙致匪石

席以言蘭心口兩齊混汗隆而酌桂

得兔亡羊俱見高四篇詩邶風柏舟篇我心匪石不可轉也我心匪席不可卷也言蘭見靈泉頌禮

記檀弓篇子思曰昔者吾先君子無所失道道隆則從而隆道汗則從而汗酌桂見前篇

雖忘荃戴笠與交態於靈臺而擗管操觚叶神心於

聲氣盍陳六義詩賦一言卽事凝毫成者先唱云耳

段公路閉戶錄五代時二人爲朋築壇以冊犬白雉軟血盟曰甲與乙爲友上下四旁莫不並見卿若乘車我戴笠后日相逢下車揖我若步行君乘馬后日相逢君當下忘荃靈臺見高四篇擗諾韻

按也班固幽通賦擗管操觚周弘讓答王褒書擗音操觚聲淚俱咽尚四句見二卷代女道士篇賴註鱗

千里風雲契一朝心賞同意盡深交合神靈俗累空

草帶銷寒翠花枝發夜紅唯將淡若水長挹古人風

晉呂安服稽康高致每相思輒千里命駕風雲見高四篇心賞見靈泉頌不其城東有鄭玄教授山山下生草如薤葉長尺餘堅紉異常土人名爲鄭玄書帶瘦信三月三日賦草銜長帶桐垂細乳禮記小人之交甘如醴君子之交淡如水君子淡以成小人甘以壞漢太原郭泰遊汝南過袁闓不宿而退從黃憲累日乃還或問之泰曰奉高之器譬若汎濫雖清而易挹叔度汪汪若千頃波澄之不清漪之不濁不可量也

送鄭少府入遼

遼古郡名戰國屬燕秦屬管州漢武拓朝鮮也并割遼屬邑置樂浪玄菟真番臨屯四郡漢末為公孫度所據魏置東夷校尉居襄平而分遼東昌黎改遼東郡為國仍隸平州后為慕容廆所據隋初為高句驪所據唐征高麗復其地置蓋遼二州又置都督府九以安東都護總統之尋為渤海大氏所據五代時地入契丹阿保機各東平郡尋陞南京又改東京金初因之后置遼陽府為東京路本朝初置定遼都衛后改遼東都司隸山東唐有遼州治樂平縣尋改箕州中和間復為遼州天寶初為樂平郡乾元初復為儀州五代梁復改遼州宋熙寧中州廢入平定軍元豐中復置遼州治遼山縣金仍舊元屬平陽路本朝以遼山縣併入為平陽府隸山西道不知鄭少府所入者何遼也然詩中云桑榆間塞之地燕丹之事恐即今遼東

邊烽警榆塞俠客度桑乾柳葉開銀鏞桃花照玉鞍

滿月臨弓影連星入劍端不學燕丹客空歌易水寒

邊烽榆塞見蕩子篇列子說符篇虞氏者梁之富人也家充殷盛錢帛無量財貨無訾登高樓臨大路設樂陳酒擊博樓上俠客相隨而行飛鷺適隊其腐鼠而中之俠客相與言曰虞氏富樂嘗有輕人之志不犯之乃辱我以腐鼠期夜積兵攻虞氏滅之註俠以權力相俠輔也桑乾河名在遼界連星即連牛斗也見螢火賦埋

送費六還蜀

蜀國名本春秋時蜀侯所理為秦惠所滅置蜀郡漢分置廣漢郡武帝置益州蜀郡隸焉王莽改益州曰庸部蜀郡曰導江東漢復舊名蜀漢都此置益州牧郡置太守晉武改蜀郡為成都國取三年

成都之義尋復為郡宋齊蜀郡皆隸益州隋初罷
州為郡唐改益州后置大都督府及劔南節度天
寶初改蜀郡至德初改成都府又升南京尋罷后
置劔南西川節度五代王氏孟氏相繼宋為益州
路端拱初改成
都府元為路
今為府置
四川省治

星樓望蜀道月被拍吳門萬行流別淚九折切驚魂

雪影含花落雲陰帶葉薰還當三徑晚獨對一清樽

星樓見螢火篇月被悲當作月峽巴東三峽石壁
四十丈有孔如月為月峽夔州府城南四里有吳
門橋亦名新橋石刻吳門二字蜀邛崃有九折坂
險峻難行王陽刺益州過之嘆曰奉先人遺休奈
何數乘此險遂棄官歸后王尊刺益州至其所曰
此非王陽所畏道耶曰然叱其馭曰過之王陽為

孝子王尊為忠臣碑雅雪六出而成花雪三出而
成實云葉已見白云抱幽石詩漢蔣翎字元卿刺
交州王隨為相奏事稱病不進歸杜陵荆棘塞門
舍連三徑終身不出時人諺曰當時鮑龔不如杜
陵蔣翁陶潛歸去來詞三徑就荒松菊猶存携幼
入室有酒盈尊引壺觴以獨酌酌庭柯以怡顏

我留安豹隱君去學鵬搏岐路分襟易風雲促膝難

夕漲流波急秋山落日寒唯有思歸引淒斷為君彈

豹隱見高四鵬搏見螢火岐路見紫云觀篇衛有
賢女邵王聞其賢請聘之未至王薨太子將納之
大夫諫曰衛女賢必不我聽聽我即不賢亦不足
取太子不聽遂拘留深宮援琴作思歸之引自縊
而死琴有九引一曰烈女引楚樊妃所作二曰伯
妃引魯伯妃所作三曰貞女引魯次姜作四曰思
歸引即衛女作五曰霹靂引楚商梁游九皋遇風
雷畏懼而歸作之六曰走馬引樛里牧恭為父報

仇藏于山林所作七曰篋篋引擣里子高所作八
目秦引秦屠門高所作九曰楚引楚龍丘子高作
送王明府上京叅選

振衣遊紫府飛蓋背青田虛心恒警露孤影尚凌烟

離歌悽妙曲別引繞繁絃在陰如可和清響會聞天

六帖銀宮金闕紫府清都又長洲記有風山恒震
聲有紫府宮天貞仙女遊于此地此詩以皇都言
之飛蓋已見陳文林篇劉孝標絕交論雞人始唱
鶴蓋成陰永嘉青田有雙白鶴年年生子而去衡
山有五峯一曰紫蓋每見有雙白鶴回翔其上亦
遊紫府之意也警露見司馬樓篇唐有凌烟閣言
其高也古曲有別鶴操故言離歌別引江淹恨賦
或藻思綺合清麗芊眠炳若縹繡凄若繁絃在陰
二句俱見
司馬樓篇

秋日送別

寂寥心事晚搖落歲時秋共此傷年髮相看惜去留
當歌應破涕哀命返窮愁別后能相憶東陵有故侯

寂寥搖落俱見送之問篇劉琨答盧諶書自軻張
困于逆亂國破家亡親友凋殘塊然獨坐則哀憤
兩集負杖行吟則百憂俱至時復相與舉觴對膝
破涕為笑排終身之積慘求數刻之暫歡譬疾疢
彌年而欲以一丸銷之其可得乎史記虞卿以魏
齊故奔相印問行去趙困于齊梁已死不得意乃
著書上採春秋下觀近世曰節義稱難揣摩謀政
凡八篇曰虞氏春秋太史公曰虞卿非窮愁亦不
能著書以自見於后世又魏武短歌行對酒當歌
人生幾何漢息夫躬有哀時命篇庾信就蒲州刺
史乞酒詩云蒲城系落酒霸岸菊花秋顛持河朔
飲分勸東陵侯註魏文典論劉松袁紹嘗以三伏

之際晝夜酣飲以避一時之暑故河朔相傳為避暑飲東陵侯見高四篇

別李嶠得勝字

嶠字巨山趙州贊皇人早孤事母孝見時夢人遺雙筆自是有文詞十五通五經二十擢進士第始調安定尉舉制策甲科遷長安尉文章與駱賓王劉光榮等夷授御史監崑崙二州軍喻降叛僚遷給事中來俊臣構狄仁傑等獄為申其冤忤武后旨出為潤州司馬久乃召為鳳閣舍人書王符一篇頌武后知吏部為祭酒加弘文館學士趙國公以特進同中書門下三品中宗崩密請相王諸子不宜留京師及玄宗立或請誅之張說救之獲免貶滁廬二州別駕卒年七十

寒更承夜永涼景向秋澄
離心何以贈自有玉壺冰
芳樽徒自滿別恨轉難勝
客似遊江岸人疑上霸陵

梁吳筠送別詩若子慘無歡送別江之干遊江岸見送之問篇江潭註李廣出鴈門擊匈奴為虜生得殺胡騎脫歸當斬贖為庶人與故賴陰侯孫弄南山殺獵夜從一騎出從人田間飲還至霸陵亭亭尉醉呵止廣廣騎曰故李將軍尉曰今將軍尚不得夜行何故也止廣宿亭下居無何匈奴入遼西殺太守敗韓將軍上召廣守右北平廣即請霸陵尉與俱至軍斬之古樂府馮子都詩就戎求清酒青絲係玉壺晉武帝鮮甲貢白玉壺容酒斗餘其中酒溫寒隨意鮑明遠詩清如玉壺水上霸陵即霸上文帝葬此離城十里

在交州餞宋五

交州見遊
交部序

淮尼泗水地梁甫汶陽東
別路青驪遠離樽綠蟻空



柳寒凋密翠棠晚落疎紅別后相思曲淒斷八琴風

尼古夷字一作尼又作尼淮水見孔君篇泗水出交州泗水縣東陪尾山源有四道因名焉南流過沛縣至徐州東北合汴水循城東南以達于淮史記秦始皇封泰山立石下禪梁父瓚曰梁父泰山下小山名也因以各縣屬太山郡正義曰梁父在兗州泗水縣北八十里一作甫汶水出太山郡萊蕪縣原山西南入齊陽水北也山南亦曰陽詩魯頌馬篇有驪有駱註青驪鱗曰驪色有深淺盛駮如魚麟今之連錢驄也梁吳筠別夏侯故人詩白馬黃金羈青驪繁絲控新知關山別故人河梁送本宋玉招魂篇青驪結駟兮齊千乘又阮籍咏懷湛湛長江水上有楓樹林皋蘭披逕路青驪逝駮駮遠望令人悲春氣感我心三楚多秀士朝雲進荒淫綠蟻見陳文林篇酒有名鄆綠者鄆湖在衡州府東二十里週迴三里取湖水釀酒極甘美晉武薦鄆酒于太廟吳都賦飛輕觴而酌鄆綠是也柳中記湖水深八尺湛然綠色故云鄆

遊靈公觀

綠宋州興寧縣東有醺醪泉則字從酉矣

靈峯標勝境神府枕通川玉殿斜臨漢金堂迥架煙
斷風疎晚竹流水切寒弦別有青門外空懷玄圃仙

流水見高四篇青門見高四篇東陵瓜註楚詞朝發軔於蒼梧兮夕余至乎縣圃註崑崙山夫咸陽四十六萬里山高平地方二萬六千里上有三角方廣萬里形如偃盆下狹上廣其一角正北千辰之輝名閔風顛其一角正西名玄圃其一角正東名崑崙宮其一角有積金為金墉城面方千里上安金臺五所玉樓十二所玄與縣同詩中所言玉殿金堂皆用崑崙事也張平子東京賦左瞰暘谷右睨玄圃

夏日遊山家同夏少府

返照下層岑物外狎招尋蘭徑薰幽佩槐庭落暗金

谷靜風聲徹山空月色深一遣樊籠累唯餘松桂心

返照字木金剛經日將落返照於東也蘭佩見之問篇槐金夏葉黃如金也陶淵明歸田居詩又在樊籠裏復得反自然

夏日遊目聊作

暫屏塵囂累言尋物外情致逸心逾默神幽體自輕

浦夏荷香滿田秋麥氣清詎假滄浪上將濯楚臣纓

左傳齊景公欲更晏子之宅曰子之宅近市囂塵祇溢不可以居請更諸爽塏者註囂人聲也塵擾

亂也滄浪用屈原事故曰楚臣見屈賦也玄上人篇塵土也囂聲也勝交二韻

同崔駙馬曉初登樓思京

麗譙通四望繁憂起萬端綺疎低晚魄鏤檻蕭初寒

白雲鄉思遠黃圖歸路難唯餘西向笑暫似當長安

麗譙見登司馬樓篇王粲登樓賦登茲樓以四望兮聊暇日以消憂覽斯宇之所處兮實顯敞而寡

仇凭欄檻以遙望兮向北風而開襟悲舊鄉之擁隔兮涕橫隊而弗禁四望詳見高四篇王文考靈

光賦爾乃懸棟結阿天窓弦疎註疎刻穿也刻為綺文謂之綺疎又作綺疏晚魄月也月之暗者曰

魄書所謂哉生魄註哉始也始生魄十六日也西京賦鏤檻文櫬註檻欄干櫬連簷也鏤刻也白雲

見高四篇黃圖書名具載山川地里西向笑見逆尹大官望日路註郭澄之事

春夜常明府宅宴

酌桂陶芳夜披薜嘯幽人雅琴馴魯雉清歌落范塵

宿雲低迥蓋殘月上虛輪幸此承恩洽聊當故鄉人

酌桂見竇大郎篇披薜見高四篇諸葛亮隱於隆中長嘯行吟晉阮藉亦長肅既而聞孫登善嘯詣蘇門見之登不為動籍長嘯數聲而去至半嶺忽聞聲振林木若鸞鳳之音乃登之嘯也易履九二履道坦坦幽人貞吉朱子本義剛中在下無應于上故為履道平坦幽獨守貞之象幽人履道而遇其占則為貞而吉矣子賤治單父鳴琴不下堂而單父治河南尹袁安使掾肥親廉中牟令魯恭治狀見馴雉一童子存旁親曰何不捕之童子曰是雉方乳不宜捕之親謂恭曰所以來者欲察君政令蝗不犯境一異也化及鳥獸二異也童子有仁心三異也魏文詩急絃動飛聽清歌拂梁塵陳琳

詩哀哇動梁埃急觴盪幽默陸機七畧詩一唱萬夫嘆再唱梁塵飛註晉人虞公善雅歌發聲盪動梁上塵范丹字子雲為萊蕪令金甌生塵雲蓋見白雲抱幽石篇

冬日宴

二三物外友一百杖頭釵賞洽表公地情披樂令天

促膝鸞觴滿當壚獸炭然何須攀桂樹逢此自留連

阮脩字子常步行以百錢掛杖頭至酒店便獨酌酣暢雖當世富貴不肯顧家無擔石之儲晏如也表粲尹丹陽嘗步履白楊郊野間道遇一士夫便呼與酣飲明日此人謂彼知故到門求進粲曰昨飲酒無聊偶相要耳竟不與相見樂廣有風姿衛瓘曰此人如水鏡見之瑩然若披雲霧而覩青天觴酒卮之總名實曰觴虛曰解鸞觴刻為鸞鳳之形也晉羊琇字稚舒景獻皇后從弟性豪侈洛下

馬云身言
少林木炭貴如粟秀擣小炭如屑以物和之作獸
形后何邵之徒共集乃以温酒火爨猛獸皆開口
向人赫赫然諸豪共效之淮南
子招隱詩攀桂樹兮聊淹留

鏤雞子

古之豪家食稱畫卯唐人於寒食節取雞子染藍
茜雜色仍加雕鏤遞相餉遺或置盤俎間原始記
夏后氏
始食卯

幸遇清明節欣逢舊練人刻花爭臉態寫月競眉新
暈罷空餘月詩成併道春誰知懷王者含響未吟晨

東坡梅詩較綃剪碎玉簪輕檀鞦韆粧成雪月明肯
伴老人春一醉懸知欲落更多情玉伴溪不解字
文粧臺記婦女畫眉有倒鞦韆古樂府有鞦韆眉
鬢之句元微之與白樂天詩近昵婦人鞦韆眉目

繪約頭鬢畫譜有正鞦韆倒鞦韆用太平廣記許老
翁傳有銀泥裙五鞦韆羅張萱所畫婦人鞦韆肩所謂
紫紗鞦韆似可見鞦韆為眉飾但上句方言寫月下
句似不當復言餘月必有誤也老子知難篇知我
者希則我者貴是以聖人披褐懷玉家語子路問
孔子曰有人于此披褐而懷玉孔子曰國無道可
也國有道則袞冕而執玉也阮籍咏懷昔年十
四五志尚好詩書披褐懷珠玉顏閔相與期

詠雲酒

雲中
酒也

朔空曾紀歷帶地舊疏泉色泛臨碭瑞香流赴蜀仙
款交欣散玉怡友悅沈錢無復中山賞空吟吳會篇

黃帝都薊受命適有雲瑞以云紀官帶地見尹大
篇漢武通西域以渾邪王故地置酒泉郡即今肅

州城下有泉味甘如酒又梁簡文曲水詩序爾乃
公階樹羽䟽泉泛爵碭山縣東南十里有碭山漢
高微時嘗隱避其上呂后每求得之曰季居上嘗
有雲氣漢鄭弘為靈文鄉嗇夫行官京洛未至宿
一埭逢故人四顧荒郊村落絕遠酌酒無處情抱
不伸乃以錢梭水中依口而飲飲盡酣暢皆得大醉
因名為沈釀川明且乃分首而去劉玄石曾于山
中酒家沽酒酒家與于日酒飲之至家大醉其家
以為死葬之后酒家討曰往開其墓玄石始醒吳
會篇見白云抱幽石篇○沈釀川在
今紹興府若耶溪東一名沈釀球
中山古狄都也春秋屬晉戰國屬魏漢為中山郡
后改中山國曹魏改定州慕容垂都此隋改博陵
唐改義武節度宋為中山府元因之今為定州屬
真定府

詠美人在天津橋

天津橋在今河西南府城外西南架洛水隋煬帝建
用大船連以鐵鎖南北夾起四樓唐貞觀中始甃
石為岸即宋邵
子聞杜鵑處

美女出東隣容與上天津動衣香滿路移步襪生塵

水下看粧影眉頭畫月新寄言曹子建箇是洛川神

宋玉登徒子好色賦臣東家之子增之一分則太
長減之一分則大短着粉太白施朱太赤此女登
牆三年窺臣臣至今未許莊子人間世篇因樂人
之所感以求容與其心漢武悼李夫人賦的容與
以倚靡兮縹飄姚乎愈莊一云從容也一云盛美
也曹子建洛川神賦凌波微步羅襪生塵子建名
植曹操四子有文才作洛川神賦曰余從京師言
歸東籬北過伊闕越懷轅經通谷凌景山容與平
陽林流盼乎洛川觀一麗人于山石之半乃授御
者而告之曰彼何人斯若茲之麗也御者對曰臣

聞河洛之神名宓妃君王所見母乃是乎余吉日
云云如淳曰宓妃伏羲女溺死遂為洛川之神子
建與其兄魏主丕有隙及卽位子建懼不相容故
托宓妃為言如離騷亦以美人目其君也大抵人
臣不得在君類以美人托諷駱子疑為武氏發也

憲臺出繫寒夜有懷

獨坐懷明發長謠苦未安自應迷北叟誰肯問南冠

生死交情異殷憂歲序闌空餘朝夕鳥相伴夜啼寒

詩小宛篇明發不寐有懷二人又園有採篇心之
憂矣我歌且謠北叟有馬亡入胡人弔之叟曰安
知非福乎后馬引駿馬歸人賀之叟曰安知非禍
乎其子騎墮折髀人又弔之叟曰安知非福乎一
年胡人大入下北戰死子以跋故父子相保南冠
見咏蟬篇生死交情見高四篇漢朱博為御史大
夫府中列柏樹有野鳥數千棲其上朝去暮集各

朝夕鳥鳥
臺始此

月夜有懷簡諸同寮

閑庭落景盡踈簾夜月通山靈響似應水淨望如空

棲枝猶遶鵲遵渚未來鴻可嘆高樓婦悲思杳難終

棲枝遶鵲見望鄉夕泛篇詩九戩篇鴻飛遵諸公
歸無所於爾信處註周公居東成王將迎以歸東
人相謂之詞陸士衡洛陽道詩總轡登長路嗚咽
辭密親借問于何之世網嬰我身永嘆遵北渚遺
思結南津曹植七哀明月照高樓流光正徘徊上
有愁思歸悲嘆有餘哀借問嘆者誰言是宓子妻
君行踰十年孤妻常獨栖謝希逸詠月詩高樓切
思婦西園遊上才王景玄詩思婦臨高臺長想憑
軒華

送郭少府探得憂字

開筵杭德水輟掉艤仙舟貝闥桃花浪龍門竹箭流

當歌淒別曲對酒泣離憂還望青門外空見白雲浮

詩河廣篇誰謂河廣一葦杭之註杭度也秦始皇更名河為德水以秦當水德之運也頂羽傳亭長艤舟泊岸也仙舟見贈之間篇李仙註楚詞魚鱗屋兮龍堂紫貝闥兮朱宮註具闥以具為闥也尸子曰西河下龍門其流駛竹箭離憂見送陳文林篇青門白雲俱見高四篇又梁吳筠送別詩白雲亭海際明月落河濱送君長嘆息徒使淚沾巾又白雲方眇眇黃鳥尚闐闐又無由得其賞山川間雲白

送宋五之間得涼字

之間見前江南篇

願言遊泗水支離去二障道術君所篤荃蹄余有忘

雪威侵竹冷秋爽帶池涼欲諗離襟切岐路在他鄉

泗水見兖州餞宋五篇莊子人間世篇支離疏者願隱於臍肩高於頂會撮拍天五管在上兩髀為脅性鍼治解足以糊口鼓篋播精足以食十人上徵武士則支離讓臂于其間上有大役則支離以有常疾不受功上與病者粟則受三鍾與十束薪夫支離其形者猶足以養其身終其天年又况支離其德者乎二漳一出上党沽縣大隄谷各清漳一出上党長子縣鹿谷山名濁漳二漳異源而下流相合同歸于海書禹貢至于衡漳是也道術荃蹄見高四篇岐路見紫雲觀篇

冬日過故人任處士書齋

神交尚投漆虛室罷遊蘭網積窓文亂苔深屐迹殘
雪明書帳冷水靜墨池寒獨此琴臺上流水為誰彈

投漆虛室流水俱見高四篇遊蘭用如蘭意見靈
泉篇網積見螢火篇孫康家貧映雪讀書張芝臨
池學書池水盡黑謂之墨池在今河南府陝州又
鍾繇有墨池在與國州王羲之有墨池在溫州又
有墨池在台州諸葛孔明有墨池在沅江縣西烏
龍寺內成都府城西南五里有琴臺世俗云司馬
相如彈琴之處然順慶府蓬州西南六十里亦有
琴臺宋志蓬州有相如縣註云以有相如故宅而
名則相如又寓此矣大抵皆
隨寓名也流水見高四篇

詠塵灰

洛川流雅韻秦道檀苛威聽歌梁上動應律管中飛

光飄神女襪影落羽人衣願言心未翳終冀效輕微

淮川雅韻見天津橋篇苛小草也政令繁細曰苛
商鞅相秦立一法棄灰于道者有刑聽歌見韋明府
篇律管見登司馬樓篇神女襪即見洛川註翳蒲
也塞也揚子法言如庸行翳路衝衝而語君子不
貴也

秋晨同淄州毛司馬秋九咏

淄州漢盤陽縣屬濟南郡東漢屬齊國晉省之宋
置清河郡及貝丘縣北齊罷郡以縣屬齊州隋置
淄州改貝丘為淄川縣后州廢
唐初復置淄州宋金元仍舊
本朝初改淄川州以縣
省入尋改為縣屬濟南

紫陌炎氣歇青蘋晚吹浮亂竹搖疎影縈池織細涼

飄香曳舞袖帶水泛粧樓不分君恩絕純扇曲中秋

玉粲獵賦倚紫陌而並征註道路南北為阡東西為陌長安城中八街九陌宋玉風賦夫風起于青蘋之末浸淫豁谷緣太山之阿舞於松栢之下枚乘七發掩青蘋遊清風陶陽氣蕩春心王融遊仙詩長河既已縈嶺山亦可囑解者作榮又以為草木之榮非也縈廻之義帶水見尹大篇帶地註趙飛燕姊妹得幸成帝于是讚許皇后班婕妤呪吐上后廢婕妤對曰妾聞死生有命富貴在天修正尚未蒙福為邪欲以何望使鬼神有知不受不臣之愬如其無知愬之何益上善之婕妤恐久見危乃求供養太后于長信宮上許焉婕妤作扇詩曰新裂齊紈素皎潔如霜雪裁為合歡扇團員似明月出入君懷袖動搖清風發不覺秋風起涼颺奪炎熱奔拍篋筒中恩情中道絕又朱買臣守會稽懷綬匿跡人未知也所交錢勃見其暴露乃勞之曰得無罷乎遺以紈扇買臣至郡引為上客宋人

四六紳袍贈范叔猶有故人之情純扇遺買臣終致上客之引

秋雲

南陸銅渾改西郊玉葉輕泛沼搖光動臨欄瑞色明
蓋陰連鳳闕陣影翼龍城誰知時不遇空傷流滯情

日行北陸極暑至夏至日行極北謂之北至行轉南始為秋至冬至日極南謂之南至復轉北為春天文志云言天体者三家一曰周髀二曰宣夜三曰渾天宣夜不傳周髀以天似覆盆以斗極為中中高而四邊下日月旁遠日近而見為晝日遠不見為夜蔡邕以為考驗天文多所迷失渾天以天形似卵地如卵黃包于天中形体渾然天見地上者一百八十二度半強地下亦然北極出地二十六度南極入地亦如之而嵩高正當天之中極南五十五度當嵩高之上又其南十二度為夏至之

日道又其南三十四度為春秋分之日道又其南
二十四度為冬至之日道南下去地三十一度而
已。是夏至日北去極六十七度春秋分去極九十
一度冬至去極一百一十五度北其太率也。其南
北極持其兩端其天與日月星宿斜而廻轉此必
有其法至秦而滅漢武時洛下閎始經營之鮮于
妄人又量度之至宣帝時耿壽昌始鑄銅而為之
象宋錢樂又鑄銅作渾天儀衡長八尺孔徑一寸
幾徑八尺圓周二丈五尺強轉而望之以知日月
星辰之所在即所謂橐駝玉衡者也。歷代法漸密
趙宋製儀三重詳見蔡氏書傳說機輪以水激之
使其日夜隨天東西運轉日月星辰于是可考至
今因之易小畜卦小畜亨密雲不雨自我西郊註
西郊文于自指西周之地也畜極密之云而不雨
文之宜王而不王也王業蓋陰見白云抱幽石篇
西都賦設壁門之鳳闈上觚稜而棲金雀闈中記
一名別風闈以別四方之風西京賦闈闈之內別
風巉嶮是也漢書其東則鳳闈門高二十餘丈其

南有壁門之屬三輔故事原闈上有鳳凰漢武所
作其西虎圈陣影見蕩子篇龍城今西安府城北
十里龍首山隋以長安狹小改作新都遷馬唐
因都之謂之龍城末二句見自雲抱幽石註

秋蟬

九秋行已暮一枝聊暫安穩榆非諫楚噪柳異悲潘

分形粧薄髮鏤影飾危冠自憐疎影斷寒林夕吹寒

莊子逍遙遊篇鷦鷯巢於深林不過一枝偃鼠飲
河不過滿腹隱榆見在獄詠蟬註噪柳見陳文林
篇潘安仁秋興賦蟬詩噤以寒吟兮鴈飄飄而南
飛隋盧思道聽鳴蟬詩紅塵早弊陸生衣明鏡空
悲潘椽髮梁昭明太子蟬贊定伊不美曜彼華
冠陳劉刪咏蟬詩聲流上林苑影入侍臣冠

秋露

玉關寒色早金塘秋氣歸泛掌光逾靜添荷滴尚微
變霜凝曉液承月委圓輝別有吳臺上應濕楚臣衣

玉關西域地名此恐以秋色言之也庾信寄王琳詩玉關道路遠金陵信使疎此光武關玉關之地也沈約詩金塘草木合玉池泉將滿劉楨詩芙蓉散其華茵落溢金塘宋人秋日書啓金鞵秩序玉宇粵涼又金顯平分碧虛如栢梁臺作承露盤高二字碧字皆秋用也漢武起栢梁臺作承露盤高二十丈大七圍以銅爲之上有仙人掌以承露和玉屑飲之云可長生在今陝西西安府城西北三十里建章宮內神明臺上員輝猶員影也沈約詠月詩月華臨靜夜夜靜滅氛埃方一竟入戶圓影隙中來江淹恨賦至乃秋露如珠秋月如珪又江淹擬古雜體詩送君如昨日簷前露已團吳臺一句見在獄詠蟬註濕楚臣衣又見久客臨海篇

秋月

雲披玉繩淨月滿鏡輪圓裏露珠暉冷凌霜桂影寒
漏彩含踈薄浮光樣急瀾西向徒自賞南飛終未安

張平子西京賦上飛闥以仰眺睹瑤光與玉繩註瑤光北斗第七星玉繩玉衡北兩星也謝眺詩金波麗鳩鵲玉繩低建章裏纏也嵇康琴賦鉞會裏厠註裏纏其璊厠之處使相密北珠暉見上篇註簿草木叢生也詳見高四篇漾水搖動貌西向見崔駰馬詩南飛見望鄉夕泛

秋水

貝闥寒流徹玉輪秋浪清圖雲錦色淨寫月練花明
泛曲鶉絃動隨軒鳳轄驚唯當御溝上淒斷送歸情

員聞見郭少府篇玉輪見江南贈之問篇古調歌
有鷓鴣鳴鴈之曲張平子南都賦寡婦悲吟鷓鴣
哀鳴坐者凄歎蕩魂傷情嵇康琴賦嚶若鷓鴣鳴
清池翼若飛鴻翔曾崖又若次其曲引所宜則廣
陵止息東武太山飛龍鹿鳴鷓鴣遊絃安仁笙賦
爾乃引飛龍鳴鷓鴣御溝在長安城漢人送別皆
于御溝之上雖唐人猶然
也又見送閻五篇溝水註

詠水

築土遏水曰塘大墳曰防水所鍾曰澤廣澤曰衍
澤曲曰皋障曰陂澤無水有草木曰藪水通流曰
川水本曰源源本曰泉泉正出曰檻泉側出曰軌
泉泉所出同所歸異曰肥泉異水同流曰澗深水
曰潭急水曰流砂石上曰瀨又曰灘水別流曰派
大水有小口別通曰浦又曰陀水決復入曰汜風
吹水涌曰波大波曰濤小波曰湍平波曰瀾直波
曰經水朝夕至曰潮風行水成文曰漣水波如錦
丈曰漪凡水邊皆曰垂曰涯曰畔曰于曰濱曰瀆
涯上下坦曰瀆重涯曰岸岸上地曰許曲涯曰澳
水草交曰湄水邊土人所止曰澁水曲曰汭水比
曰陽水南曰陰出山石潤曰澗由夾水曰澗水注
川曰谿註谿曰谷通谷曰壑石
絕水曰梁水洲曰渚海洲曰島

列名通地紀疎派合天津波隨月色淨態逐桃花春

照霞如隱石映柳若沈鱗終當挹上善屬意淡交人

黃河西距卷重山千里東至雒會各地神土為紀
星七曲也故曰地紀詩四月篇滔滔江漢南國之
紀註紀謂經帶包絡之也天津天河也老子曰上
善若水水善利萬物而不爭處衆人之所惡故九
于道陳釋慧標詠水詩持符上善利得動高情
隋張文琮詠水詩標若資上善流派表靈長戴逵
水贊止鑿標貴上善與詠淡
交見竇六郎篇淡若水註

秋螢

玉虬分靜夜金螢照晚涼含輝疑泛月帶火怯凌霜
散彩縈虛牖飄花透洞房下帷如不倦當解借餘光

玉虬卽銀龍漏刻中汲水者虬本作蚪龍屬無角
楚辭驅玉蚪以乘翳陳揚縉賦得照映秋螢詩秋
窓餘照盡人暗早螢來忽聚還同色恒然詎落灰
飛影黃金散依帷縹帙開含明自不息夜月空徘徊
董仲舒讀書下帷不倦晉車胤字武子學而不
倦家貧无油夏夜用練囊盛數十螢火以照字餘
光見螢
火賦

秋鴈

聯翩辭海曲遙曳指江干陣去金河冷書歸玉塞寒

帶月凌空易迷煙短浦難何當同顧影刷羽泛清瀾

謝靈運儼阮瑀詩金羈州馳逐聯翩何窮已梁蕭
子範夜聽鴈詩連翩辭朔氣嘹唳瑛瑛南歸飛鴈行
陣金河猶金塘也書歸見蕩子篇盛弘之荊州記
鴈塞北接梁州汶陽郡其間東西嶺屬天無際雲
飛風翥望崖迴翼唯一處爲下朔鴈達塞矯翮裁
度故名鴈塞同於鴈門也玉塞亦以秋色言之沈
約詠潮中鴈詩刷飛
同搖漾一舉還故鄉

詠鴈

唼藻蒼梧遠啣蘆紫塞長霧深悲晚景風急斷秋行
陣照通霄月書封幾夜霜無復能鳴分空知愧稻梁

楚詞鳧鴈皆唼夫梁藻芳上林賦唼漂青藻沈林
文咏鴈詩唼流牽弱藻斂翮帶余霜懸飛竟不下

亂起未成行蒼梧漢武平南越以其地為廣信縣
置蒼梧郡元封中徙交州治此晉以後因之隋廢
郡為蒼梧縣屬封州唐屬靜州尋以縣置梧州天
寶初改蒼梧郡乾元初復梧州五代周屬南漢宋
平嶺南仍為梧州元至元改路本朝改府隸廣西
道邕蘆見陳文林序蒼梧極南紫塞極北以此見
長遠也行陣書封字俱見上篇莊子舍故人之家
主人令殺鴈待之監子奚殺主人曰殺其不能鳴
者弟子曰山水以不材而壽鴈以不材而死
將奚處莊子笑曰吾將處夫材不材之間

秋菊

擢秀三秋晚聞芳十步中分黃俱笑日舍翠共搖風
碎影含流動浮香隔岸通金翹徒可泛玉笋竟誰同

秀出也榮也茂也楚詞采三秀于出閭註芝草也
文選煌煌金菊一年三秀又趙壹與楮喜書吾

植根芳苑擢秀清流布葉華崖飛藻雲堦宋蘄彦
秋夜長賦貞松隆冬以擢秀金菊吐翹以凌霜晉
袁山松菊詩靈菊植幽崖擢穎凌寒飈說苑曰十
步之澤必有芳草晉傅玄菊賦服之者長壽食之
者通神孫楚菊賦飛金英以浮旨酒提翠葉以
振羽儀金翹玉笋皆借菊言之也金翹見司馬樓
篇

詠雪

龍雲玉葉上鶴雪瑞花新影亂銅鳥吸光銷玉馬津
含輝明素篆隱迹表祥輪幽蘭不可儷徒自繞陽春

龍雲見高四篇玉葉見白雲抱幽石篇鶴雪色也
雪為豐年之兆故曰瑞晉書天文志越雲如龍蜀
雲如茵韓雲如布越雲如牛楚雲如日宋雲如車
魯雲如馬衛雲如犬周雲如輪秦雲如行人又作

佳人美人魏雲如鼠齊雲如絲見費六篇李蘭漏刻法以銅為渴鳥以引器中水以銀龍口中吐之註云以器貯水以銅為渴鳥狀如鈎曲以引器中水於銀龍口中吐入權器漏水一升秤重一斤時經一刻言雪下如銅鳥汲水而吐之也撤榮緒晉書新蔡王騰發于并州于常山之真定縣遇天大雪平地數丈雪融不積騰怪使掘之得玉馬高一尺許獻之津如津浪之津宋玉賦臣嘗行撲飢馬疲正遇主人翁出媼又到市主人女欲置臣堂上大高堂下大卑乃更為蘭房與室止臣其中有鳴琴馬臣接而鼓之作幽蘭白雪之曲陽春見江南贈之問篇幽蘭又見思玄上人篇

餞駱四得鍾字

平生何以樂斗酒夜相逢曲中驚別緒醉裏失愁容
星月懸秋漢風香人曙鍾明月臨溝水青山幾萬重

楊惲報孫會宗書烹羊烹羔斗酒自勞又與溝水青山俱見問五官篇

又

甲第驅車入良霄秉燭遊人追竹林會酒獻菊花秋
霜吹飄無已星河漫不流重嗟歡賞地翻召別離憂

左傳齊景公欲更晏子之第史記齊自淳于髡以下皆命曰列大夫為門第康莊之衢漢高祖詔列侯食邑者皆賜大第室更二千石受小第室註有甲乙次第故曰第甲第最大之室也于公為廷尉高大其門閭令容駟馬車曰吾后世必有與者古詩畫短若夜長何不秉燭遊晉嵇康阮瞻阮咸山濤向秀王戎劉伶相與為友爓竹林七賢佛國五精舍一給孤園二靈鷲山三彌侯江四罽羅樹五竹林園即竹林非止以竹名也

渡瓜步

瓜步山名在今揚州府儀真縣西四十七里魏大武南伐起行宮于此諸軍同日臨江即此山有盤道及太武所鑿井宋太祖以冊師伐李景于瓜步振旅凱旋因名回軍渡劉宋鮑照文云瓜步山因迥為高據絕作雄凌清瞰遠擅奇含秀是亦居勢使之木也

棒傲辭幽徑鳴榔下貴洲驚濤疑躍馬積氣似連牛

月迥黃沙淨風急夜江秋不學浮雲影他鄉空滯流

捧檄見高四篇榔韻書蒿木也鳴榔以毆魚枚乘七發言濤之狀沌沌渾渾狀如奔馬連牛見螢火篇埋豐註浮雲見論語又見白雲抱幽石詩

王昭君

匈奴呼韓單于問郅支既誅且喜且懼入朝自言願奢漢氏以自親帝以后宮良家子王嬙字昭君賜之按昭君傳元帝宮人數多不能盡幸使畫工毛延壽畫其形按畫召之宮人爭賂壽多至千金少至五百金昭君獨負其貌不與及單于入朝來親帝按畫以昭君賜之性辭光彩動人帝歎悔恐失信外國窮治其事毛延壽竟棄市后人因為昭君怨之曲云昭君村在今湖廣荊州府歸州東四十里又名穰昭君入胡於馬上彈琵琶悲歌哀然后死葬胡中其家草獨青

歛客辭豹尾緘怨度龍鱗金鈿明漢月玉筋染胡塵

古鏡菱花暗愁眉柳葉顰唯有清笳曲時聞芳樹春

漢書大駕法駕出屬車最后一乘懸豹尾尾以前省中也以后禁中也梁劉孝威詩才人豹尾內御酒屬車中龍鱗海水也鈿戒指也玉筋眼淚也古鏡照日影如菱花亦以言面顰蹙也韓昭侯曰明

王愛一羣一笑笳見蕩子篇芳樹春曲名始於漢魏明帝嘗做為之

挽詩

樂大夫挽詩

五首

史記帝召田橫至尸鄉自刎奉首從者挽至營不敢哭故為歌以寄哀音以此為挽歌之始然魯哀公會吳伐齊其將公孫更命歌虞殯以示必死則其來久矣二子乘舟之類是也

可嘆浮生促于嗟此路難丘陵一起恨言笑幾時懽

簫索郊埏晚荒涼井徑寒誰當門下客獨見有任安

史記衛青傳青日退而驃騎日益貴舉大將軍故人門下多去事驃騎輒得官爵唯任安不肯

蒿里誰家地松門何代丘百年三萬日一別幾千秋

返照寒無影窮泉凍不流居然同物化何處欲藏舟

子寶搜神記田橫自殺門人不敢哭但隨柩哀歌曰薤上朝露何易晞露晞明朝更復落人死一去何時歸蒿里誰家地聚歛精魂無賢愚鬼伯一何相催促人命不得少踟躕后代相承呼為挽歌武帝時李延年分為二曲薤露送王公貴人高里送士大夫庶人返照見詠蟬篇夕照註莊子大宗師篇夫藏舟於壑藏山於澤謂之固矣然而夜半有力者負之而走昧者不知也

昔去梅笳發今來薤露晞彤騶朝帝闕丹旌背王畿

城郭猶疑是原陵稍覺非九原如可作千載與誰歸

笳見蕩子篇梅柳曲名張騫入西域傳笳曲西京唯德摩訶兜勒二曲李延年因胡曲更造新聲二十八解乘輿以為武樂后漢以給邊將和帝時萬人將軍用之魏晉以來唯存黃鶴隴頭出入關出

入塞於楊柳黃覃子赤之楊望行人一十四曲蔡
邕益琴為九絃彈之確露見上章託騶馬導從也
卅施銘旌也城郭是見紫雲觀贈道士篇禮記檀
弓下韜文子與叔譽觀乎九原文子曰死者如可
作也吾誰與歸註九原
晉諸大夫墳墓所在

一旦先朝茵千秋揜夜臺青鳥新孔去白馬故人來

草露當春泣松風向暮哀寧知荒隴外弔鶴自徘徊

埤離引莊子鷄茵不知晦朔今本作朝茵鷄茵尤
奇雲南名茵曰鷄變蜀中名茵曰聞鷄骨集前變
土茵也鳥飛而斂足茵形如之故以鷄名莊子逍
遙遊篇朝茵不知晦朔蟪蛄不知春秋北小年也
楚之南有冥靈者以五百歲為春五百歲為秋而
彭祖乃今以久特聞衆人匹之不亦悲乎註朝茵
天陰生糞上見日則死一名日及一名舜英朝生
暮落陸士衡挽歌按轡遵長薄送子長夜臺阮瞻

經謂之青鳥經漢范式張元伯為友千里命駕元
伯歿臨葬棺重不可前母撫之曰子豈有所須耶
久之有素衣白馬來者母曰必巨卿也式至其言
元伯見夢言我已死某日歸葬以見友誼故來言
是以知之陶佩丁憂在墓下忽有客來弔儀服鮮
異禮畢遣人尋之
見雙白鶴冲天去

忽見靈臺路猶疑水鏡懸何如開白日非復觀青天

華表迎千歲幽扃送百年獨嗟流水引長揜伯牙絃

靈臺見高四篇此恐指陰靈言之也三國司馬徽
有知人之鑒時稱水鏡先生漢滕公至東門馬悲
鳴不進掘地得石槨書曰佳城鬱蒼蒼千年見白
日千嗟滕公居此室青天見冬日宴詩樂令天註
華表見紫雲觀遼東鶴註扃門
開木也流水引見贈高四篇



丹陽刺史挽詩三首

丹陽秦為鄣郡始皇以其地有王氣鑿北院以敗其勢截直道阿曲因各曲阿孫策破劉繇於曲阿與太史闓神亭是也三國吳改雲陽晉復為曲阿屬昆陵郡梁為蘭陵郡唐武德初置雲州又改簡州尋廢以縣屬潤州天寶初改丹陽縣宋元仍舊今改屬鎮江

百齡嗟倏忽一旦附山河丹桂銷已盡青松哀思多

薰風慮聽曲薤露及成歌自有藏舟處誰憐駟隙過

田巴報鄒衍書百齡之期未有能至梁任昉為使果之與劉蚪書百齡飄忽凝滯白物禮檀弓文王謂武王曰女何夢矣對曰夢帝與我九齡文王曰女以為何也武王曰西方有九國焉君王其終撫之文王曰非也古者謂年齡齒亦齡也我百爾九十吾與女三焉文王九十七而終武王九十三而

終虞舜彈五絃之琴曰薰風之至今可以解吾民之愠兮又韓詩騎驢到京國欲知薰風琴薤露詳

見田橫門人歌藏舟詳見莊子藏舟于壑

其二

惻惻恒山羽留連棠棣篇佳城非舊日京兆即新阡

城廓三千歲陵丘幾萬年唯餘松柏隴朝夕起寒煙

詩棠棣篇棠棣之花萼不韡韡佳城見樂人人挽詞第五首京兆尹曹氏塋茂陵謂其道曰京兆阡城廓詳丁令威故事隴一作樹

其三

短歌三獻曲長夜九泉臺此室玄扃掩何年白日開

荒郊疎古木寒隧積陳芟獨此傷心地松聲薄暮來

莊子曰天有九重之霄地有九重之泉漢滕公夏侯嬰死塋東門外馬悲鳴不進掘得石廊書作城鬱蒼蒼千年見白日逐塋焉墓道芟宿草也

餞駱四得鍾字二首

平生何以樂斗酒夜相逢曲中驚別緒醉裏失愁容

星朗懸秋漢風香入曙鍾明日臨溝水青山幾萬重

斗酒詳詩斗酒詩百篇又見隻雞斗酒以祭云
餘詳前註

其二

甲第驅車入良宵秉燭遊人追竹林會酒獻菊花秋

甲第言高大之門第于公爲廷尉衙門第曰吾治獄無屈後世必有顯者當高大其門令容駟馬高車良宵秉燭見古詩秉燭夜遊良有以也陶潛九日無酒自于東籬對菊忽江州刺史王弘使白衣人送酒至

一卷終

駱丞集註卷二

五言排律

浮查詩有序

查義見高四
編仙查註

遊目川上觀一浮查泛泛然若木偶之乘流迷不知所適也

田文將入秦蘇代謂之曰但見木偶人謂上偶人曰天雨子將敗矣上偶笑曰子東國之桃梗也天雨我敗歸土耳子泛泛然流于而行未知所止息也秦以虎狼之國子欲入秦如不還得無為土偶所笑乎
文乃止

觀其根柢盤屈枝幹扶疎大則有棟梁舟楫之材小則有輪轅榱桷之用非夫稟乾坤之秀氣含宇宙之淳精孰能負凌雲槩日之姿抱積雪封霜之骨

韓非子樹木直根為根曼根為根固其抵則生長深其根則視久漢虞詡曰不遇盤根錯節無以別利器枚乘七發龍門之桐高百尺而無枝中鬱結之輪菌根扶疏以分離說文扶疎四布也劉向曰今濟有王氏祖墳梓桂生枝葉扶疎上出屋根垂地中上下四旁曰宇往古來今日宙字出尸子楊子太玄闔天謂之宇開宇謂之宙濤山山名天柱山三峯鼎峙拒雲槩曰曹植詩承露槃太清晉張協七命寒山之桐零雪寫其根霏霜封其條陸機詩嘉樹生朝陽疑霜封其條

向使懷才幽藪藏頓重品絕望於廊廟之榮遺形於

川斧之患固可垂蔭萬畝懸映九霄與建木較其長

短將大椿齊其年壽者

敷見詠水頰與頰同毛遂傳使遂早得處囊中乃脫穎而出道書天有九霄赤碧青玄絳紫練縉吳都賦木則楓神豫章栝櫟枸柳綿杙樗櫨文儂楨檀平仲君遷松梓占度楠榴之木相思之樹宗生高岡族茂幽阜擢本千尋垂蔭萬畝張衡思玄賦纏建木於廣都兮拓芳華而躊躇山海經有木若牛引之皮若綴名曰建木在弱水上青葉紫莖玄華赤實百仞無枝上有九攔下有九衢大椿見樂大夫挽詩朝菌註

而委根險岸託質畏途上為疾風衝飈所摧殘下為奔浪迅波所激射基由壤括勢以地危

畏途見高四篇
衝殿見螢火賦

豈盛衰之理繫乎時封植之道存乎我一隊泉谷萬里飄淪與波浮沈隨時逝止雖殷仲文歎生意已盡孔宣父知朽質難雕然而遇良工逢仙客牛礪可託玉璜之路非遙匠石先談萬乘之器何遠故用與不用時也悲夫

殷仲文古樹見在獄詠蟬序唐書王呂望釣於牛礪得一魚剖之有玉璜丹書文曰周受命呂封於齊仙客見贈高四篇仙查註莊子人間世篇匠石之齊至于曲轅見櫟杜樹其大蔽牛絜之百圍其高臨山十仞而后有枝其可以為

見材如此其美也先生不肯視行不輟何耶曰已矣勿言之矣散木也以為門戶則液漏以為棺槨則速腐以為器則速毀以為門戶則液漏以為棺槨則速是不材之木也無所可用故能若是之壽匠石歸櫟杜見夢曰女惡乎比予哉若將比予於文木耶夫粗黎橘柚果蓏之屬實熟則剝則辱大枝折小枝泄此以其能若其生者也故不終其天年而中道天自培擊於世俗者也物莫不若是鄒陽上吳二書曰臣聞明月之珠夜光之璧以暗投人於道無不按劍相盼者無因至前也蟠木根抵輪困離奇而為萬乘器者何則以左右為之先容也故無因至前雖隋珠和璧祇足結怨而不見德故有人先談則枯木朽株樹功而不忘

然而知萬物之相應感者亦奚必同聲同氣而已哉感而賦詩貽諸同志云耳

易曰同聲相應同氣相求水流濕火就燥雲從龍
風從虎聖人作而萬物覩本乎天者親上本乎地
者親下蓋各從其類也又曰上下交而其志同也禮合志同方

昔負千尋質高臨九仞峯貞心凌晚桂勁節掩寒松
忽值風颺折坐為波浪衝摧殘空有恨擁腫遂無庸
渤海三千里泥沙幾萬重似舟飄不定如梗泛何從
仙客終難託良工豈易逢徒懷萬乘器誰為一先容

爾雅八尺曰尋倍尋曰常四尺曰仞書為山九仞
顏師古孔安國皆以八尺為仞巴威鄭康成以七
尺為仞應劭漢書註以五尺六寸為仞晉書契寒
松而立節吳書王蠲建寒松之節莊子適遙篇惠
子謂莊子曰吾有大樹人謂之樗其大枝擁腫而
不中繩墨其小枝卷曲而不中規巨工之塗匠者
不顧今予之言大而無用眾所同去也莊子曰予
有大樹患其無用何不樹之於無何有之鄉廣漠
之野傍徨乎無為其側逍遙乎寢臥其下不夭斤
斧物無害者無所可用安所困苦哉山海經東海
之別有渤海南海之別有漲海西海之別
有青海北海之別有瀚海餘俱見上文

春霽早行

年華開早律霽色蕩芳晨城闕千門曉山河四望春
御溝通太液咸里對平津寶瑟調中婦金罍引上賓
劇談推曼倩驚坐揖陳遵意氣一言合風期萬里親
自惟安直道守拙忌因人談器非先木圖榮異後薪
柳榆慚路鬼憔悴切波臣玄草終疲漢烏裘幾滯秦

生涯無歲月岐路有風塵還嗟大行道處處白頭新

律見司馬樓葭灰註四望見崔駰馬篇御溝見閭
五官篇溝水註在長安漢武帝於建昌宮北治大
池曰太液言津潤所及廣也戚里貴戚之里字見
高四篇爵里義同公孫弘拜相封平津侯梁武帝
來斜行洛陽有曲陌曲陌不通驛忽遇二小童扶
轡問伊宅我宅即卿右易憶復可知大息組細緼
中息佩陸離小息尚青綺總角遊南坡三息俱入
門家臣拜門垂三息俱升堂旨酒盈于卮三息俱
入戶戶內有光儀大婦理金翠中婦事玉鑄小婦
獨間暇調笙遊曲池丈人少徘徊鳳吹方參差金
壘見陳文林詩東方朔字曼倩善諧譚談論陳遵
字孟公名望一時衣冠懷之惟恐在后時列侯有
與遵同姓字者至門坐中震動既而非孟公因號
陳驚坐云意氣見高四篇因人先木見上篇先容
註汲黯為九卿公孫弘張湯為小吏及弘湯稍益
貴與黯同列后又尊用過之黯褊心不能無小望
然晉有為太守者羅友后至桓溫問之對曰路
逢鬼柳榆曰見汝送人作郡不見人送汝作郡波
臣見上裴侍郎詩漢哀帝時丁傳董賢用事諸親
雅之者起家至二千石惟楊雄自守泊如也乃草
太玄以擬易三方九州二十七部八十一家七百
二十九贊為天地人三玄各二十七首人有朝雄
以玄之尚白雄解之為之說曰解嘲烏裘滯秦見
高四篇莊子養生篇吾生也有涯而知也無涯以
有涯隨無涯殆已註言所稟之分各有極也而心
之所欲無限隨之斯困殆矣岐路見紫雲觀篇陸
士衡詩京洛多風塵素衣化為緇戰國策魏王欲
攻邯鄲季梁聞之中道而反衣集不信面塵不洗
往見王曰今者臣來見人於太行乃北面而驅其
馬告臣曰我欲之楚臣曰之楚奚為北面曰吾馬
良臣曰此非楚之道也曰吾善御此數者逾善而
去楚逾遠耳又汗明見春申君曰馬之齒至矣服
鹽車上大行中坂遷延負轅不能上伯樂遭之下

車攀而哭之解紵衣而幕之於是俯噴仰鳴聲達
 於天欣伯樂之知已也白頭新見螢火賦白首註
 阮籍咏懷詩平生少年時輕薄好絃歌西遊咸陽
 市趙李相經過娛樂未終極白日忽蹉跎驅馬復
 來歸反顧望三河黃金百鎰盡資用常苦多北臨
 大行道失路將如何又不涉大行路誰知斯路難
 太行在今衛輝府輝縣西
 五十里西南連懷慶府界

秋日山行簡梁大官

東馬陟層阜迴首睇山川攢峯銜宿霧疊巘架寒烟
 百重合翠色一道落飛泉香吹分巖桂鮮雲抱石蓮
 地偏心易遠致默體逾玄得性靈遊刃忘言已棄筌
 彈冠勞巧拙結綬倦牽纏不如從四皓丘中鳴一絃

史記齊桓公束馬懸車登太行至甲耳山楚詞既
 含睇兮又宜笑睇視也謝瞻答靈運詩西瞻興遊
 歎東睇起悽歌顏延年詩側聽風薄木遙睇月開
 雲江淹擬謝莊詩靜然鏡錦野四睇亂層吟擬惠
 連詩觀子杏未爵款睇在何辰攢山疊出如攢樂
 也張協北邙賦松林慘映以攢列玄木椽廖而振
 柯巘山頂也詩大雅公劉篇陟則在巘靈運詩連
 嶂疊巘嶠青翠杳深沈泉自山頂流下者為飛泉
 巖桂見高四篇陸機悲哉行鮮雲垂薄陰註輕雲
 也太華山有石蓮峯陶靖節詩心遠地自偏楊雄
 解嘲知玄知默守道之極又曰藺生收功於草臺
 四皓采策於南山公孫創業於金馬驃騎發迹於
 初連司馬長卿竊貨於卓氏東方曼倩割炙於細
 君僕誠不能與數子並故默然獨守吾太玄莊子
 養生篇庖丁為文惠君解牛曰臣之刀十九年矣
 所解數千牛而刀刃若新發於硎彼節者有間而
 刀刃者無厚以無厚入有間恢恢乎其於遊刃必
 有餘地矣忘言棄筌見高四篇王陽與貢禹為友

陽刺益州禹聞之彈其冠以待陽遂薦禹成帝召
為大夫時人語曰王陽結綬貢禹彈冠又后漢蕭
育與朱博為友長安語曰蕭朱結綬王貢彈冠言
其相薦達也潘岳性輕躁趨勢利與石崇諛事賈
謐望塵而拜為謐二十四友之首其母數謂之曰
汝當如是而乾沒不已乎岳終不改既仕宦不達
乃作閑居賦曰岳讀汲黯傳至司馬安四至九卿
而良史書之題以巧宦之目未嘗不慨然廢書而
歎也曰嗟乎巧誠有之拙亦宜然註黯姑姊子司
馬安少與黯為洗馬安文淡巧善宦四至九卿守
河南卒昆弟以安故同時二千石者十人漢高欲
易太子呂后使張良為計良曰此難以口舌爭也
顧上所不能致者四人曰東園公綺里季夏黃公
向里先生以上嫗士不願為漢臣令太子請以為
客此一助也后令太子卑詞厚幣往請之既至鬚
眉皓白自為四皓竟定惠帝顧愷之為謝鯤畫像
曰此子宜置丘壑中三國孫登汲郡人於北山為
士窟居之好讀易嘗撫一絃之琴拾遺記商時脩

三皇五帝之樂撫一絃之琴棗據招隱詩杖策招
隱士荒塗橫古今岩穴無結構丘中有鳴琴白雲
停陰岡丹睨曜陽林石泉漱瓊瑤織鱗亦浮沈非
必絲與竹山水有清音何事待嘯歌濯木自悲吟
秋菊兼餽糧幽蘭開重襟躊躇足力煩耶欲投吾
簪郭琰客傲戰機心於外物不能得意於一絃陳
伏招隱詩招隱訪仙楹丘中琴正鳴梁度
吾贈周處士詩籬下黃花菊丘中白雪琴

晚度天山有懷京邑

天山贈
高四篇

忽上天山路依然想物華雲凝上苑葉雪似御溝花
行歎戎麾遠坐令衣帶賒交河浮絕塞弱水浸流沙
旅思徒漂梗歸期未及瓜寧知心斷絕夜夜泣胡笳

各承集注

上苑上林苑也御溝見春霽早行篇雲葉見白雲
 抱幽石篇雪花見詠雪篇上苑御溝皆懷京邑也
 麾見蕩子從軍篇衣帶餘猶沈約所謂帶圍減尺
 言瘦也謝玄暉和王主簿怨情詩相逢詠靡蕪辭
 寵悲班扇花叢亂數蝶風簾入雙燕徒使春帶餘
 坐惜紅粧變平生一顧重風昔千金賤交河在土
 魯蕃西二十里源出天山河水交流繞斷峯下夷
 各崖兒城即唐交河縣禹貢導弱水又西被於流
 沙鄭玄曰弱水出張掖淮南子云出窮名山柳宗
 元曰西海之山有水焉散渙無力不能負芥投之
 則委靡墊沒及底而后止流沙在沙州西八十里
 其沙隨風流行故曰流沙沈括曰嘗過無定河活
 沙履之百步之外皆動如行幕上或陷則人馬車
 駝以千百數無孑遺者或謂此所謂流沙也楚詞
 註流沙亦引禹貢復言今西海居延澤是也則括
 之言或信蓋弱水至于合黎餘波入于流沙則流
 沙皆弱水所及陷人亦有之矣漂梗見浮查篇泛
 梗註左傳齊侯使管至父成蔡丘瓜時而往曰及
 瓜熟時也笏見蕩子從軍篇李陵答蘇武書京秋
 九月塞外草衰夜不能寐側耳遠聽胡笳互動牧
 馬悲鳴吟嘯成羣邊聲四起晨坐聽之不覺淚下
 魏瓘搗衣賦但見餘韻未畢微影方流逶迤洞房
 半入霄夢窈窕閒館方增客愁李都尉以胡笳動
 泣而子期以隣笛增憂古人
 獨感於聽而今者况兼乎秋

晚泊河曲

河曲漢縣名屬太原郡晉為嵐州雄勇鎮宋立
 火山軍屬代州后置火山縣尋廢金改火山州
 后改澳州貞元初增置河曲縣取河千里一曲
 之義元至元初州縣俱省入保德州今復為河
 曲縣屬太原府

三秋倦行役千里泛歸潮
 通波竹箭水輕舸木蘭橈

與前註少異詩伯兮自伯之東首如飛蓬註蓬如
柳絮聚而飛如亂髮也曹子建詩轉蓬離本根飄
飄隨長風潘岳西征賦陋吾人之拘攣飄萍浮而
蓬轉仙查見高四篇河上長謠疑用屈原事見之
問篇江潭註趙至與嵇蕃書梁生適越登岳長謠
劉琨答盧謏詩何以贈子竭心公朝何以叙懷引
領長謠註
短歌曰謠

晚泊蒲類

蒲類匈奴地名西河舊事曰白山之中有好木
匈奴謂之天山去蒲類海百里漢章帝詔班超
有擊石池破白山臨蒲類取車師按一統志蒲
類卽車師后王地治務塗谷晉時屬高昌貞觀
中平高昌以其地置應州領企滿蒲類輪臺二
縣后俱陷吐蕃其地有回鶻雜居故亦云回鶻
未建隆中來貢元號畏兀兒地置達魯花赤今
名火州土魯蕃亦交河地也詳見詩中二庭註

二庭歸望斷萬里客心愁山路猶南屬河源自北流

晚風連朔氣新月照邊秋竈火通軍壁烽烟上戍樓

龍庭但苦戰燕領會封侯莫作蘭山下空令漢國羞

沙鉢羅可汗建庭于蟠合水謂之南庭吐陸可汗
建牙於噉曷山謂之北庭二庭以伊列木爲界所
謂南單于北單于也蒲類卽車師后王治地其前
王治交河城卽唐交河縣去長安八千一百里漢
元時置戊巳校尉屯田以其地勢高敞故名高昌
壘有入城晉時前涼張駿於交河縣置高昌郡后
魏初有闕伯周者始爲高昌王其后魏嘉稱王於
此自后魏至隋皆入貢唐貞觀中平高昌以其地
置西州及都督府開元中改金山都督府天寶初
改州爲交河郡領高昌交河柳中蒲昌天山五縣
長安初置北庭都護府后與蒲類俱陷于吐蕃云
云餘見本題註此云二庭者指車師前后王治地

也故又曰萬里黃河源至元人始知發源火敦腦
 兒之地華言星宿海也舊言河出崑崙皆張騫之
 妄耳北流詳見下篇題註匈奴冒頓單于稽粥
 號老上單于每歲五月大會龍廷祭其先祖天地
 鬼神后漢書焚老上之龍庭即此也班超守仲升
 安陵人父處兄固少有大志不脩小節家貧為官
 傭書勞苦投筆歎曰大丈夫當立功異域取封侯
 安能久事筆硯乎有相者謂之曰生燕領虎頭飛
 而食肉萬里封侯相也后歷事明章出征西域安
 集五十餘國封定遠侯李陵請於漢武曰臣所將
 皆荆楚勇士奇材劍客也力扼虎射命中願得自
 當一隊到蘭于山南以分單于兵毋令專鄉貳師
 軍上壯而許之后未
 至鞬汗山兵敗降虜

晚渡黃河

黃河出吐蕃朶思甘之南星宿海元世祖命篤
 實西窮河源始知其出於此地近日引雁而為

澤登高望之若星宿然在中國西南直四川馬
 湖府之正西三千餘里雲南麗江府之西北一
 千五百里自西而東合諸河水其流漸大行二
 十日至大雪山即崑崙也繞崑崙而西南折而東
 而北而西又繞崑崙之北又轉而東北行二十
 餘日歷雲中九原至大寧始入中國道崑崙山
 名地首上為權勢星一曲也東流于里至規共
 山地名地契上為距樓星二曲也邠南于里至
 積石山名地肩上也為別符星三曲也邠南于
 人隴首抵龍門名地根上為營室星四曲也南
 流千里至卷重山名地咽上為卷舌星五曲也
 東流貫砥柱觸於流山名地喉上為樞星以運
 七政六曲也西距卷重山千里東至維會名地
 神上為紀星七曲也東流至大伾地名地眩上
 為輔星八曲也東流過絳水千里至大陸各地
 復上為虛星九曲也元學士潘昂霄志黃河九
 折胡地二折蓋乞兒馬出反必赤里也以禹貢
 參考絳象河圖及河源志一一皆合聞之楊升

菴云

千里尋歸路一葦亂平源
通波連馬頰送水急龍門
照日榮光渾驚風瑞浪
翻棹唱臨風斷樵歌入聽喧
岸迥秋霞落潭深夕霧繁
誰堪逝川上日暮他鄉魂

詩衛風河廣篇誰謂河廣一葦杭之大雅公劉篇涉渭為亂註亂舟之截流橫渡者也馬頰九河之一在商河縣境禹貢導河積石至於龍門南至於華陰東至於底柱又東至於孟津東過洛汭至於大伾北過澤水至於大陸又北播為九河同為逆河入於海註龍門山在馮翊夏陽縣西河之水所出禹所鑿也水急如箭三秦記龍門水懸船而行兩旁有山龜魚俱集其上下則為龍不能者點額而還尚書中侯曰堯卽政七十載修壇河洛仲月辛日昧明禮備榮光暮河休氣四塞榮與榮同義

見毛詩馬篇榮河註逝川見陳文林篇王粲詩方舟溯大江日暮愁我心齊虞義送友人詩共盈一樽酒對之愁日暮

早發淮口望盱眙

淮水見遊兗部題註盱眙戰國楚始為縣西晉為臨淮郡以北臨淮水也東晉立盱眙郡唐改西楚州宋陞盱眙軍尋改招信軍今為盱眙縣屬泗州

養蒙分四瀆習坎奠三荆
徙地留餘地封王表舊城
岸昏涵蜃氣潮滿應雞聲
洲迥連沙靜川虛積溜明
一朝從奉檄千里倦懸旌
背流桐栢遠逗浦木蘭輕
小山迷隱路大塊切勞生
唯有貞心在獨映寒潭清

易山水蒙卦象曰蒙以養正聖功也禮四瀆視諸
侯白虎通曰中國獨發源而注海其功著大故稱
曰瀆史記殷湯作江誥曰占禹皋陶久勞于外民
乃安東為江北為河南為淮西為濟四瀆已侯萬
民乃居劉向說苑四瀆能蕩滌垢濁焉能通百川
於海焉能蕩出雲雨焉為德甚美故視諸侯也易
坎卦象曰水洊至習坎君子以常德行習教事習
重也上水下水故曰習坎三荆有二北荆州河南
伊縣東荆州唐州南荆州鄧州此通典西魏三荆
也後周宇文太以楊忠都督三荆孟康曰三荆即
三楚也舊名江陵為南楚吳為東楚彭城為西楚
史記范增勸項梁立楚后求得楚懷王孫心於民
間為人牧羊立以為楚懷王都盱眙項梁敗死徙
都彭城即今徐州也后項羽陽尊懷王為義帝又
徙之江南都郴即今郴州封王指漢高封韓信於
淮陰也蜃氣見高四及之問篇臨海異物志石雞
清響以應潮慧驅輕逝以遠繫今江濱有水漲雞
潮至則鳴李德裕所謂三更津吏報潮雞是也山

泉曰渭一作雷枚乘奏吳王書太山之雷穿石奉
檄見高四篇戰國策楚威王謂蘇秦曰寡人心搖
搖然如懸旌而無所薄左太冲詩羈旅無定心翻
翻如懸旌桐柏山名淮水所出木蘭見泊河曲篇
淮南王安好賓客所招置賓客作招隱詩有大山
小山如詩之大雅小雅南齊何胤兄何求何點並
棲遁世號點為大山胤為小山亦曰東山兄弟發
迹雖異克終皆隱世謂何氏三高大地勞生見螢
火篇

遠使海曲春夜多懷

海曲漢之縣名屬瑯琊郡舊設鹽官名日照鎮
魏晉以來俱屬莒縣金始置日照縣屬莒州元
仍舊今改屬青州府

長嘯三秋晚端居百慮盈未安蝴蝶夢遽切魯禽情

別島連環海離魂斷戍城流星疑伴使行月似依營
懷祿寧期遠牽時匪狗名艱虞行已遠時迹自相驚

長嘯見韋明府篇端居見司馬樓胡蝶夢見酬思
玄上人篇莊子昔者海鳥止于魯郊魯侯御而觸
之于廟奏九韶以為樂具大牢以為膳鳥乃眩視
憂悲不敢食一嚮不敢飲一杯三日而死此以已
養上鳥也非以鳥養也東方朔十洲記環海之中
有十洲馬祖洲瀛洲長洲生洲鳳麟洲東海之洲
也炎洲流洲南海之洲也玄洲元洲北海之洲也
聚窟洲西海之洲也皆仙人所居之地漢和帝分
遣使者二人各至州郡觀採風謠二人當到益部
投館吏李邵舍邵曰二君發京時知朝廷遣二使
入蜀不二人問何以知之邵曰前有一使星向益
州分野淮南子曰月天之使也匈奴舉事常隨月
盛壯以收戰月虧則退兵鮑明遠詩繡葦結冰霞
璇題納行月三國孫權問曹操來築營於濡須

以相之狀為偃
月曉偃月營

晚泊江鎮

四運移陰律三翼泛陽侯荷香銷晚夏菊氣入新秋

夜鳥喧粉堞宿鴈下蘆洲海霧籠邊徼江風繞戍樓

轉蓬驚別渚逃名謝蟻丘還嗟帝鄉遠空望白雲浮

黃帝命伶倫取嶰谷之竹擇其竅厚均者截以為
律以節五音之上下黃鍾太簇姑洗蕤賓夷則無
射為陽太呂夾鍾仲呂林鍾南呂應鍾為陰蓋准
鳳凰之鳴而為之者也楊升菴云取雄竹雌竹吹
之今律書及律曆志呂覽說苑晉書等志俱無雄
竹雌竹之事宋玉笛賦衡山之陽見奇篠異幹良
王至此曰命陪乘取其雄焉得其雌焉遂以為笛
侯氣之法先治一室令地極平乃埋律管使齊入



地則有淺深冬至陽氣距地面九寸而止唯黃鍾
 一管先達故黃鍾為應十二月則大呂應之黃鍾
 先已虛如人用針徹其經渠氣已隨針而出地有
 疎密不無差忒故先以木案隔之然後實土案上
 令堅均一其上以水平其槩然後埋律其下為木
 所節氣自平也但在調其案上之土耳移陰律移
 大呂之陰轉太簇之陽也梁孝王舩名詩天瞋浮
 雲飛三翼自相追張協士命爾乃浮三翬戲中沚
 顏延年詩萬軸偷行衛千翼泛雲浮越絕書越為
 大翼中翼小翼船以戰註大翬廣一丈五尺二寸
 長十丈中翬廣一丈三尺五寸長五丈小翬廣一
 丈二尺長五丈陽侯見贈之問篇堞城女墻也漢
 桓帝時童謠曰城上烏尾畢逋公為吏子為徒註
 城上烏處高獨食不與下共謂人主多聚歛也鮑
 明遠詩昨夜宿南陵今旦入蘆洲此蘆洲地名也
 離樊口二十里今言蘆洲只泛言馬欲合蘆耳邊
 傲見蕩子篇轉蓬見河曲篇飄蓬註莊子則陽篇
 孔子之楚舍於蟻丘之漿其鄰有夫妻臣妾登極

是自理於民自藏於畔其聲銷其志無窮其口雖
 言其心未嘗言方與世違而心不屑與之俱是陸
 沈者也是其市南宜僚耶子路講往召之孔子曰
 已矣彼知丘之著於已也知丘之適楚也以丘為
 必使楚王之召已也彼且以丘為倭人也夫若然
 者其於倭人也羞聞其言而况親見其身乎而何
 以為存子路往視之其室虛矣帝鄉白雲見贈高
 四篇
 序註

早發諸暨

諸暨在今紹興府城南一百二十里本越王允
 常所都地秦置諸暨縣屬會稽郡漢以后皆因
 之隋唐皆屬越州宋折置義安
 縣后復省入諸暨元陞諸暨州
 本朝初為諸全州尋改諸
 暨縣編戶一百七十五里

征夫懷遠路夙駕上危巒薄烟橫絕巘輕凍澁迴湍
野霧連空暗山風入曙寒帝城臨霸涘禹穴枕江干
橘性行應化蓬心去不安獨掩窮途淚長歌行路難

山之美者曰巒猶肉之美者曰巘也巘見梁大官
篇秦記霸水古滋水也出雍州藍田谷北入渭正
義曰卽秦嶺水之下流秦繆公築宮於此更名城
曰霸城水曰霸水以章霸功詩在水之涘註水涯
也禹穴見靈泉頌于亦水涯也詩小雅斯于篇秋
秩斯于楚詞后皇嘉樹橘徠服兮受命不遷生南
國今註屈原自比志節如橘不可移徙蓋橘逾淮
而此則爲枳也莊子逍遙遊篇莊子謂惠子曰子
有五百之匏何不慮以爲大樽而浮乎江湖而憂
其瓠落無所容則夫子猶有蓬之心也夫註蓬非
直達者也晉書阮籍嘗率意獨駕不由逕中車轍
所窮輒慟哭而返行路難古曲名晉書山嶽少有

晚憇田家

轉蓬勞遠役披薜下田家山影類九折江勢急三巴
懸梁接斷岸澁路擁崩查霧巖輪曉魄風駛漲寒沙
心跡一朝舛江山萬里賒龍章徒表越閩俗本非華
旅行悲泛梗離贈斷疎麻唯有寒潭樹獨似故園花

轉蓬見泊河曲篇披薜見高四篇九折見費六篇
三巴記閬白二水東南流曲折如巴字故曰三巴


劉璋為益州分墊江以上為巴西治閬中今保寧府是以下至臨江為永寧治江州號中巴今重慶府是胸臆縣至魚復為巴東治永安今夔州府是巴道分矣故巴郡號為三巴魄月也見崔駰馬篇駢馬行疾也風急亦曰駢弘明集榮辱迅避石光古今駢過拍掬梁簡文詩鶯啼春欲駢無為空拊靡漲寒沙風起沙飛如水漲也梁丘遲詩森森荒樹齊折折寒沙漲中說魏徵曰聖人有憂乎子曰天下皆憂吾獨得不疑微退子謂董常曰樂天知命吾何憂窮理盡性吾何疑常曰子亦二言乎曰徵所問者迹也吾告汝者心也心迹之判久矣賒有餘也莊子龍表龍章於裸壤奏韶武於聾俗閩東越別名春秋七閩地戰國越人所居故稱閩越秦立閩中郡及漢興師越人佐漢有功復立無諸為閩越王王閩中故地郡治今建寧之建安福州之侯官皆其地也治地名漢錫光在交趾教民夷以禮義任延守

九真教民耕種嫁娶故嶺南華風始於二字此言閩俗非華用此意也泛梗見浮杳序疎麻見高四篇

宿仙庄

金陵一超忽玉燭幾環周露積吳臺草風入郢門楸林虛宿斷霧磴險挂懸流拾青非漢策緇化類秦裘牽跡猶多蹇勞生未寡尤獨此他鄉夢空山明月秋

金陵見秋夜送閩五詩序后漢書西域傳玉燭和氣梁湖東王繹曰太平玉燭註四時調和謂之玉燭露積吳臺草見久客臨海篇郢楚都也潘岳懷舊賦岩岩雙表列列行楸註表華表堯設誹謗之木即此古人亦樹之墓也爾雅櫨大而散楸郭璞曰老乃皮散皆為楸也劉向曰楸木名楚詞懷感



多用楸字宋玉九辨露既下降百草今奄離披此
梧楸故云郢門楸也謝靈運詩銅陵映碧澗石磴
瀉紅泉孫興公天台賦跨穹隆之懸磴註磴石橋
也木玄虛海賦淵客築室於岩底鮫人構館於懸
流拾青見高四篇緇化秦裘俱
見途中有懷篇勞生見螢火賦

過張平子墓

漢張衡字平子南陽西鄂人少善屬文通五經
賈六藝九思致於天文陰陽曆筭安帝徵拜郎
中再遷大史令永和初為河間相遷侍中以銅
製渾天儀實以清水以玉蛇吐漏右為夜漏左
為晝漏又有西京賦東京賦永和四年卒今舊
西鄂城南有平子墓及崔瑗所作碑文斷石僅
存西鄂漢縣各屬南陽郡晉因之今
南陽府府城北五十里有西鄂城

西鄂該通理南陽擅德音玉卮浮藻麗銅渾積思深

忽懷今日昔非復昔時今日往豐碑閣風來古木吟

唯歎窮泉下終鬱羨魚心

西鄂見本題註范曄贊三才理通人靈多蔽近惟
形筭遠抽深滯不有玄慮孰能昭晰南陽本申伯
國戰國為韓宛邑秦為宛縣南陽郡治漢因之后
魏改上陌縣后周改上宛縣隋初改南陽縣屬鄧
州唐初於縣置宛州尋罷州獨以縣屬鄧州唐末
以南城縣省入五代及宋皆因之金為申州治所
元改南陽府仍置縣今因之平子墓在縣界東北
石橋保玉卮浮藻指其善為文也江淹恨賦藻思
綺合情麗芊眠又瓊敷玉藻銅渾見本題註禮記
檀弓下公室視豐碑註豐大也閣如閣岸之閣謝
靈運祭古塚文窮泉為塹聚壤成基漢成帝時客
有薦楊雄文似相如者雄以臨川羨魚不如退而
結網會上自西嶽還上河東賦以勸平子歸田賦
遊都邑以永久無明略以佐時徒臨川以羨魚俟

馬云集詩
河清乎
未期

海曲書情

海曲見遠使
海曲題註

薄遊倦千里勞生負伯年未能查上漢詎肯劍遊燕
白雲照春海青山橫曙天江濤讓雙壁渭水擲三錢
坐惜風光滿長歌獨塊然

梁裴子野劉虬碑曰及其長也奉檄動容薄遊下
邑劉孝綽詩方歡厚德重誰言薄遊倦陸機狹斜
行餘本倦遊客勞生見螢火賦查上漢見高四篇
荆軻好擊劍遊衛元君不用過榆次與蓋聶論劍
聶怒而目之去遊邯鄲與魯勾踐爭博勾踐怒而
叱之默然去遊燕讓璧見之問篇安陵項仲山有

清操每飲馬輒投三錢於水中曹植上魏文書每
四節之會塊然獨處應休璉與曹長思書塊然獨
處有離羣之志又與從
弟來還京都塊然獨處

邊城落日

紫塞流沙北黃圖霸水東一朝辭俎豆萬里逐沙蓬
候月恒持滿尋源異鑿空野昏邊氣合峯迥戍烟通
膂力風塵倦疆場歲月窮河流控積石山路遠崆峒
壯志凌蒼兕精誠貫白虹君恩如可報龍劍有雌雄

紫塞地名以其色言之流沙見度天山篇黃圖見
崔附馬篇霸水見諸暨篇沙蓬見泊河曲篇侯月
見遠使海曲篇史記白登之圍高帝令士皆持滿
傳矢外鄉從解角直出竟與大軍合文獻通考突

厥侯月將滿輒為寇鈔史記使張騫使西域尋河源然騫亦鑿空註杜撰也如云河出崑崙皆矣說耳禹貢浮于積石至于龍門又導河積石註積石在金城郡河關縣西南羗中詳見晚渡黃河篇列子黃帝與廣成子居崆峒之上註崆峒在醴泉郡漢武祠五時於雍遂踰隴西登崆峒出蕭關從數萬騎獵新秦中勒邊兵而歸在今薊州城東北五里一名翁同上有府君廟楚詞招魂篇與王趨夢兮相后先君王親發兮憚青兕此借從君田獵之事而言為王禦侮也史記師尚父左仗黃鉞左秉白旌以誓曰青兕青兕總爾眾庶與爾舟楫后至者斬註王充云蒼兕水獸九頭稱其武勇之詞也古今原始云武王伐商至孟津命蒼兕具舟楫人名也殊謬貫自虹見螢火賦一變成虹註龍劍堆埋豐註

蓬萊鎮

蓬萊古樹尋國唐虞時嶠夷地春秋時為牟子國戰國屬齊秦為齊郡地漢屬東都后魏析東萊郡地置東平郡北齊省入長廣郡隋初廢郡置牟州大業初州廢唐復置牟州治牟平又置登州治文登貞觀間二州俱廢如意初復置登州於牟平縣神龍間徙治蓬萊縣天寶初改州於東牟郡乾元初復為登州屬河南宋屬京師路金屬山東路元初屬益都路后屬般陽路中本朝初屬萊州府洪武九年陞登州府蓬萊縣附郭即蓬萊鎮也武帝於此望海中蓬萊山築城以為名貞觀間置鎮故曰蓬萊鎮

旅客春心斷邊城夜望高野樓疑海氣白鷺似江濤
 結綬披三入承冠泣二毛將飛憐弱羽欲濟乏輕舠
 賴有陽春曲窮愁且代勞



海氣卽蜃也見之問篇鷺濤見高四篇結綬見梁
大官篇應瑒詩三入承明廬言三次爲翰林官也
禮古之爲師者不斬祀不殺厲不擒二毛註毛二
色也又見上裴侍郎篇初見晚泊河曲篇陽春曲
見之問篇史記虞卿屏相印間行去趙困於齊梁
已死不得意乃著書上採春秋下觀近世曰節義
稱號揣摩政謀凡八篇曰虞氏春秋太史公曰虞
卿非窮愁不能著書以自見於后世云虞卿事見
螢火賦
綈袍註

宿温城望軍營

温古邑名周爲蘇忿生封邑東周爲畿內邑漢
爲温縣屬河內郡后廢隋復置屬懷州唐初置
平州尋復爲縣屬懷州改屬洛州后又屬孟州
及金元仍舊
國朝因之屬懷慶府按一統志寧國府城東一
十里有温城云唐刺史温璋所築然温城若在

此則非邊地矣據詩
中所云前註近是

虜地寒膠折邊城夜柝聞兵符關帝闕天策動將軍
戎靜胡笳徹沙明楚練分風旗翻翼影霜劍轉龍文
白羽搖如月青山斷若雲烟疎疑卷被塵滅似銷氛
投筆懷班業臨戎想霍勳還應雪漢耻持此報明君

是錯兵事書匈奴欲立威始於折膠註秋氣至膠
勁可折弓弩可用匈奴常以爲候而出軍史記侯
生謂公子無忌曰吾聞晉鄙兵符在王臥內註符
信也輔也所以輔信古者以竹爲之后世以竹易
得於是銅鐵金銀爲物象用之故侯生曰得虎
符奪鄙兵是也漢文與郡國爲銅虎符竹使符應
劾曰銅虎符長六寸第一至五國家發兵遣使至
郡合符符合乃聽受之竹使符以竹箭五枝長五

寸有鐫篆書亦一至五出入徵發用之張晏曰符
以代古之珪璋從簡易也顏師古曰與郡國為符
各分一半右留京師左以與之此漢制也唐高祖
入長安罷竹使符班銀菟符其後改為銅魚木契
朝廷徵發下敕書契魚都督郡府參驗皆合然後
遣之天策策書從天子出也唐有天策上將唐太
宗嘗為之胡笳見蕩子篇謝玄暉詩澄江靜如練
旗有烏隼之象故言翼影劍為龍文見螢火埋豐
註說苑孔子北遊農山子路曰願得白羽若月赤
羽若日鐘鼓之音上聞乎天旌旗翩翩翻下蟠於地
由且舉兵而擊之投筆見泊蒲類篇霍去病衛青
姊子霍光兄也為漢武驃騎將軍伐匈奴屢立奇
功封狼居胥禪姑衍臨瀚海益封五千八百戶漢
武欲伐胡下詔曰昔齊襄復九世之讐春秋大之
高帝遺朕平城之憂高后時卑于為書詞極
褻嫚唐太宗滅突厥立石曰雪耻酬百王

和孫長史秋日臥病

霍地疎天府潘園近帝臺調絃三婦至置驛五侯來
尚想歡娛合吁嗟歲月摧金壇分上將玉帳引瓌才
決勝鮫波靜騰謀鳥谷開白雲淮水外紫陌霸陵隈
節變驚襄柳筵繁思落梅調神和玉燭揆藻握珠胎
悵矣欣懷土居矣欲死灰還自承雅曲暫喜躍沈鯁

漢宣帝賜霍光甲第一區光薨夫人顯改先坐制
廣治第遊戲於中子禹兄孫山並治宅疎廣也周
禮鄉老及鄉大夫羣吏獻賢能之書于王王再拜
受之登于天府史記張良曰關中金城千里天府
之國潘岳閒居賦大夫夫人乃御板輿升輕軒遠覽
王畿近周家園體以行和藥以勞宣常膳載加舊
疴有痊山海經鐘鼓之山帝臺之所以觴百神也
郭璞註舉觴燕會則於此山今按其山在伊闕西

南調絃三婦見春鬢早行篇寶瑟調中婦註鄭當時字莊孝景時為太子舍人每五日洗沐嘗置驛馬長安諸郊存問諸故人請謝賓客夜以繼日漢成帝母舅王譚王立王根王逢王商同日封侯門客各有所厚不得左右不相往來惟齊人樓護字君卿傳會五侯咸媚事之各得其歡心結納士夫尤見親敬與谷永俱為五侯上客毋喪致車三千輞里巷歌之曰五侯治喪樓君卿漢高築壇拜韓信為大將故後言拜將者曰金壇之拜今泗洲東七里壇基存焉俗說也壇在蜀中軍行之制其隱奧深居白帳密謀秘議臨之所謂玉帳虎帳也壤美也鯨海中大魚故謂海曰鯨海之波鳥谷猶言鳥道險不通人惟鳥度耳白雲用思親意見高四篇紫陌見毛司馬篇霸陵見別李嶠篇曲水曰隈古樂府有落梅花曲其詞云念爾零落逐風颺徒有霜花無霜實玉燭見宿山庄篇揆藻逐風颺漢郊祀歌長麗前揆光曜明註揆舒也選也謝宣遠答謝靈運書率率酬嘉藻蜀都賦幽思絢道德

摘藻揆庭庭珠胎見高四篇居然猶徒然也詩生民篇居然生子死灰見螢火篇雅詩之小雅大雅謂正樂之歌也

四月八日題七級

化城分鳥堞香閣俯龍川
復棟侵黃道重簷駕紫烟
銘書非晉代壁畫是梁年
霸略今何在王宮尚巋然
二帝曾遊聖三鄉是偶賢
昔茲遊勝侶超彼託良緣
我出有為界君登非想天
悠悠青曠裏蕩蕩白雲前
今日經行處曲音號蓋烟

蓮華經云朽宅通入大之文軌化城引昔緣之不墜又云辟如五百由旬險難惡道衆欲過此至珍

實處怖畏前途猶遠欲還有一導師於險道中過
 三百由旬化作一城告衆人言汝等勿退今此大
 城可於中止導師見衆人少息復滅化城語衆人
 去來實處在遠向來大城我所化作故佛寺又名
 化城禽經雖上無尋鸚鵡雉上無常雉上有丈鷄上
 有赤鸚故計丈曰雉城女墻曰雉堞曰鳥堞又曰
 鳥堞則見泊江鎮篇漢武起栢梁臺在長安城北
 用香栢爲殿梁香聞十里龍川以其下有水而加
 以美名也又蓮華經大海娑竭羅龍宮自然涌出
 或以此各龍川耳複重也所謂複廟重簷也黃道
 日所行之道見秋雲詩南陸註侵之言其高也架
 紫烟亦高意晉王羲之善書一時寺塔碑銘皆其
 所書梁武於同泰寺建佛樓高二十三丈以七寶
 飾畫名七寶樓巋然猶巍然也晉五代之后如魏
 梁堯興竿融皆起佛殿故云伯略已往王宮尚存
 也二帝必指唐之先帝曾遊於此孔融深敬鄭玄
 徒履造門告高密縣爲玄特立一鄉曰昔齊置士
 卿越有君子鄉皆異賢之意也鄭君好學寶懷明
 德昔太史公廷尉吳公謂者鄭公皆漢各臣又四
 結亦稱公則公者仁德之正號不必三事大夫也
 今鄭公鄉宜曰鄭公鄉門曰通德門同遊之美者
 曰勝侶佛經出煩惱之深源登菩提之彼岸王簡
 栖頭陀寺碑則稱謂所絕形乎彼岸矣涅槃經心
 無退轉即便前進已得到彼岸登大高山離諸恐
 怖多受安樂彼岸山者喻於如來受安樂者喻於
 常性大高山者喻於大涅槃也生緣業空則緣廢維
 摩經如影從身業緣生見僧肇曰身衆緣所成緣
 合則起緣散則離金光明經曰所謂無明緣行行
 緣識識緣名名緣色色緣六入六入緣觸觸緣愛
 愛緣取取緣有名緣生緣老死憂悲苦惱滅裂
 緣文選五臣註棲遲六千者謂一三千界下至阿
 鼻地獄上非想天爲一世界千三世界爲小千世
 界大千世界爲大千世界至千中世界爲大千世
 界大乘經曰若胎生若卵生若濕生若化生若有
 色若無色若有想若無想若非有想若非無想我
 皆令入無餘涅槃而滅度之如斯了悟便能脫死

超生青曠天也白雲見
高四篇蓋烟猶凌烟也

早秋出塞寄東臺詳政學士

東臺詳政唐官
名見宋之問篇

促駕逾三水長驅望五原天街分斗極地理接樓煩
漢月明關隴胡雲聚塞垣山川殊物侯風壤異涼温
戍古秋塵冷沙寒宿霧繁昔余迷學步投跡忝詞源
蘭室薰延閣蓬山欵禁園影纓陪綬冕載筆偶與璠
汲冢寧詳蠹秦牢距辨冤一朝從篚服千里駕輕軒
鄉夢隨魂斷邊聲入聽喧南圖終斂翮北上擬摧轅

弔影慚連茹浮生倦觸藩數竒何以託桃李自無言

三水地名今陝西西安府淳化縣西有廢三水縣
五原本秦九原更名五原在今榆林縣西界四十
里栢譚新論天卯酉當北斗極北斗極天樞地軸
也猶蓋有葆斗矣史記趙武靈王曰吾國東有齊
中山北有燕東胡西有樓煩在今太原府岢嵐州
莊子秋風篇子獨不聞壽陵餘子之學行於邯鄲
與未得國能又失其故行矣直匍匐而歸耳一作
學步家語孔子曰與善人居如入芝蘭之室久而
不聞其香則與之俱化左思蜀都賦結陽城之延
閣飛觀榭乎雲中註延長也左右長廊有窻者曰
延閣東漢時學者稱東觀為老氏藏室道家蓬萊
山蓬萊山者海中神山府幽在秘錄並皆在焉鮑
明遠詩京城十二衢飛甍各鱗次士子影華纓遊
客疎輕轡影長組貌梁孝標作影組孔子曰美哉
璠璵遠而望之煥若也近而視之瑟若也一則理
勝一則孚勝禮記檀弓史載筆言其絕載同寶玉

之美也晉武帝時汲郡人不準盜發魏襄王墓或
 言安釐王家得竹書數十車其紀年十三篇書中
 與經傳大異者云夏年多殷益于啟位啟殺之太
 甲殺伊尹文王殺季歷自周受命至穆王百年非
 穆王壽百歲幽王亡共伯和者攝行天子事其書
 多燼簡斷札晉武乃詔束皙釋之蠹食書虫也秦
 牢見螢火寃獄註能服用能厥玄黃意南圖見高
 四篇翮翼勁羽也摧轅見春齋早行篇大行道註
 甲影見螢火篇易泰初九拔茅茹以其彙征吉本
 義三陽在下相連而進拔茅連茹之象征行之吉
 也莊子刻意篇其生若浮其死若休觸藩見酬思
 玄上人詩李廣傳衛青陰受上誠以廣老數奇母
 令當單于廣固自辭於青願居前青不聽廣不謝
 而去意甚愠竟失道後期青使長史問狀急責廣
 之幕府對簿廣自殺一軍皆哭百姓皆為流涕數
 奇謂不遇單于為對敵也如淳曰數敗也下文云
 夫道恐是奇偶之義忝
 李見傷于篇能李蹊註

五原漢郡名治九原縣隋廢置豐州后改五原郡
 唐初復為豐州又為九原郡寰宇記九原有前後
 雞延城及郎君城今省之
 故城在延安府神木縣

鄭安陽入蜀

已見送費六題註春秋時蜀侯所治為秦惠所
 滅置蜀郡漢改益州晉改成都國取三年成都
 之義唐改成都
 府唐宋元因之
 本朝置四川省
 以成都府附

彭山折坂外井絡少城隈地是三巴俗人非百里才
 長途君悵望別路我徘徊心賞風烟隔容華歲月催
 遙遙分鳳野去去轉龍騏遺錦非前邑鳴琴即舊臺



劒門千仞起石路五丁開海客乘查渡仙童馭竹迴
魂將離鶴遠思逐斷猿哀唯有雙鳧鳥飛去復飛來

彭山在眉州彭山縣東十里彭祖家於此名彭亡

山岑彭伐蜀營此問地名欲徙營會日暮是夜為

刺客所害后改平無今改平模山折坂見費六篇

井絡見之問篇蜀都賦亞以少城接乎其西註張

儀既築成都大城後一年又築少城唯西南三壁

東即左城西牆容齋遁筆蜀刺史理大城大守理

少城三邑見晚憇田家篇百里才見高四篇展駘

註楚詞獨不見鸞鳳之高翔大皇之野循四極而

周迴見盛德而后下蜀亦有地名鳳野漢武天馬

歌天馬來從西極涉流沙九夷服天馬來歷蕪草

徑千里來東道天馬來龍之媒遊閬闔觀玉臺晉

劉牢之有馬名龍媒蹠五丈澗以免慕容垂之迫

閬憲令綿竹以禮讓化人縣民杜成夜行得遺賄

一囊有錦二十疋求其主還之曰縣有明君何敢

負也子賤為單父宰不下堂鳴琴而治故稱縣治

曰琴堂然蜀有司馬相如琴臺蓋借以刑子賤之

事也琴臺見任處士篇一統志小劒在保寧府劒

州北十五里與大劒山相屬五丁所開也大劒雖

號天險然頗夷小劒則鑿石架閣有不容越寰宇

記大劒山至此有隘束之路故曰劒門秦惠王欲
伐蜀道不通聞蜀有五丁壯士乃作鐵牛詐言曰
糞金三斗各金牛蜀王貪使五丁開山取之遂成
大道取牛至知其詐然道已成矣五丁死遂使張
儀滅蜀蜀王本紀又言惠王獻女五人蜀王遣五
丁迎之至梓潼見大蛇入山穴中一丁引其尾不
出五丁共引之山崩五女上山化為石蜀始通道
乘查見高四篇郭伋守南陽有兒童數十騎竹馬
迎之伋與刻期往返不違其約又費長房與騎竹
杖事見出石門詩此與琴臺皆雙意引用也商陵
牧子娶妻五十無子父母將為改娶妻聞之終夜
倚戶而悲嘯牧子因作別鶴操後人因有離鶴別
鶴之曲斷猿不成羣也巴東三峽猿長鳴至三聲

各本集注

卷之二

二七

聞者莫不垂淚物類志猿性急腸狹聞類死聲鳴則腸俱斷而死春秋時膠東猿盛踐人禾稼楚昭王使養由基射之遇子母猿中其子死母長鳴三聲五里之外諸猿聞之俱死后漢王喬河東人令葉縣每旦入朝帝訝其去來不見車騎使伺之太史望其將至輒有雙鳧飛來令舉網張之得雙履詔尚方視之則四年中所賜尚書官履也註曰月朔也黃帝命於則作罪履草曰罪脉皮曰履履下施水曰寫

在軍中贈先還知己

蓬轉俱行役瓜時獨未還魂迷金闕路望斷玉門關獻凱多慚霍論封幾謝班風塵催白首歲月損紅顏落鴈低秋塞驚鳧起暝擘胡霜如劔鏢漢戶似刀鐮

別後邊庭樹相思幾度攀

蓬轉見泊河曲篇瓜時見度天山篇謝朓出尚書省既通金闕之諸彥什各云關在門兩旁中央關然為道也上懸法象其狀巍然高大謂之象魏周禮正月始和布法象魏如今人掛榜門樓是也觀義亦同莊子讓王篇身在江湖之上心居魏闕之下是觀象魏闕一物三名也太上決疑經銀宮金闕列仙攸館元祖所居郊祀志蓬萊方丈瀛洲三神仙在勃海中金銀為宮闕六帖銀宮金闕紫府清都以仙居儗帝座也又鳳闕見秋雲篇班超為西域校尉年老思歸上書曰臣不敢望酒泉願生入玉門關地理志玉門關在陝西行都司故瓜州西北一十八里常昭曰玉門關在龍鞞縣界敦煌縣西北又酒泉有玉門縣索隱曰光武閉玉關以謝西域罷關屯徙其人於此因以各縣關在縣西北一百二十里五代晉高居誨使于闐記自甘州西始涉磧五百里至肅州渡金河西百里出天門

關又西百里出玉門關入吐蕃界西至沙州南
十里鳴沙山又東南十里三危山其西渡西鄉河
曰陽關也出師有功而歸軍人歌舞謂之凱歌上
功朝廷謂之獻凱凱樂也亦作愷周禮奏愷樂左
傳晉文公愷以入于
晉霍去病班超也

夏日憶張二

伏枕憂思深擁膝獨長吟烹鯉無尺素筌魚勞寸心
疎麻空有折芳桂湛無斟廣廷含夕氣閒宇澹虛陰
織虫垂夜砌驚鳥棲暝林驩娛百年促羈病一生侵
詎堪孤月夜流水入鳴琴

烹鯉見送尹大詩筌魚疎麻俱見高四篇桂見陳
文林篇又見閩五官篇沈休文網虫垂戶織當是

蜘蛛之屬流
水見高四篇

和李明府

傳聞葉縣履飛向洛陽城馳道臨層掖津門對小平
霞殘疑製錦雲度似飄纓藻挾潘江徹塵虛范甌清
詎憐衝斗氣猶向匣中鳴

葉縣履見安陽篇雙鳧鳥註洛陽城今河南府洛
陽縣也賣山傳秦為馳道於天下東窮燕齊南極
吳楚江湖之上濱海之觀畢至道廣五十步三丈
而樹厚築其外隱以金堆樹以青公漢令諸侯有
制得行馳道者行旁道無得行中央三丈如今京
師街道左右稍低惟中頗高馳道遺制也層重樓
也門從旁出曰掖如人之腋下今左右掖門是也
上有重樓故曰層掖漢宦官張讓段珪劫帝辨陳

留王與數十人步出穀門夜至小平津六璽不自
 隨公卿無從者子皮欲使尹何為邑子產曰少未
 知可否子皮曰吾愛之使夫往而學焉子產曰吾
 子愛人以政猶未能操刀而使割也其傷實多子
 有美錦不使人學製焉大官大賈身所庇也而使
 學者製焉其為美錦不亦多乎易通卦驗冬至陽
 雲出箕如樹木立春青陽雲出房如積水春分正
 陽雲出張如積白鵠谷雨大陽雲出參如車蓋立
 夏常陽雲出觜如赤珠夏至少陰雲出如水波立
 秋濁陰雲出如赤縑寒露正陰雲出如冠纓霜降
 太陰雲出上如羊下如碯石飄纓見東臺詳政篇
 潘岳傳贊機文驗海潘藻如江茫既見春夜常明
 府篇衝斗鳴匣見螢火篇又顯項有畫影騰空二
 劍若四方有共則飛指其方故戰則克未用時在
 匣中常如
 龍虎吟

葉縣古應子國周為應鄉春秋楚遷許子葉即此
 后為沈諸梁邑漢置葉縣晉屬南陽國北齊置襄

州東魏置定南郡后周廢襄州置南襄城郡又廢
 定南為縣隋初郡廢以縣屬許州后以定南縣省
 入唐初置葉州州罷仍以縣屬許州后析置
 縣屬仙州尋罷州省縣宋屬汝州金屬裕州元因
 之今屬

南陽府

洛陽城周地各居洛水北故曰洛陽春秋屬晉戰
 國屬魏秦屬三川郡漢為河南郡治東漢信讖去
 水改雒陽魏復為洛陽晉因之隋遷都治河南縣
 尋改洛陽為永昌尋復舊宋初河南洛陽二縣並
 置金以河南縣省入洛陽
 縣元仍舊今屬河南府

小平津即孟津也在洛陽城北都道所奏近
 代呼為武濟一曰富平津今各河陽津也

望月有所思

九秋涼風肅千里月華開圓光隨霧湛碎影逐波來

似霜明玉砌如鏡寫珠胎曉色依關近邊聲雜吹哀
離居分照曜愁緒共徘徊自繞南飛羽空忝北堂才

入風立秋曰涼風月令仲秋之月涼風至白露降
月華圓光見秋露篇又梁元帝江中月影詩風來
如可泛流急不成圓秦鈞斷復接和璧碎還聯逐
波又用漢書月穆穆以金波字珠胎見高四篇江
淹擬休上人詩西北秋風至楚客心悠哉日暮碧
雲合佳人殊未來露采方泛艷月華始徘徊寶書
為君揜瑤琴詎能開相思巫山緒悵望陽雲臺膏
壚絕沈潔綺席生浮埃挂水日千里因之平生懷
北堂猶北門也唐制
學士謂之北門應制

寓居洛濱對雪憶謝二

旅思眇難裁衝飈限易哀曠望洛川晚飄飄瑞雪來

積彩明書帳流韻繞琴臺色奪迎仙羽花避犯靈梅

謝庭賞芳逸袁扉掩未開高人儻有訪興盡詎須迴

王融離夜詩翻潮尚知恨客思眇難裁衝飈見螢
火篇曹子建洛川神賦髣髴兮若輕雲之蔽月飄
飄兮若流風之迴雪孫康家貧無油映雪讀書琴
臺見鄭安陽篇流韻用映雪彈琴事列仙傳周靈
王太子晉好吹笙作鳳鳴遊伊洛問道士浮丘公
接上嵩由三十餘年往來緱氏山其後見栢良曰
告我家七月七日待我緱氏山頭至期果乘白鶴
駕車舉手謝時人而去後人稱鶴駕本此按緱氏
仙人菴王喬健為武陽人為栢人令於此登仙非
王子喬也又按綱目太子晉卒分註記與師曠講
論殊無登仙之事未知此說何所自始大抵詩家
用事多相襲成語不計有無虛實但記其說可也
此因洛濱用太子晉因雪用羽安陸城東一百里
有花山舊傳靈濟祖師過此百草開花故名梅花

如雪梅亦有代雪言者謝安因雪驟降取酒賞之
因曰白雪紛紛何所似兄子客兒曰撒鹽空中差
可擬兄女道韞曰未若柳絮隨風起安曰柳絮才
高不道鹽安兄奕也客兒名朗袁安傳天雪丈餘
洛陽令自出案行見民家皆除雪至安門無行路
謂安已死令人除雪入戶見安僵臥問何不出安
曰大雪人皆餓死不宜干人王子猷居山陰大雪
夜開室命酌四望皎然因詠招隱詩忽憶戴安道
時在剡乘興棹舟經病方至造門而返或問之對
曰乘興而來興盡而返何必見戴安道耶安道達
也字

西行別東臺詳政學士

意氣坐相親關河別故人客似秦川上歌從易水濱
塞荒行辨玉臺遠尚各輪漚井懷邊將尋源重漢臣

上苑梅花早御溝楊柳新只應持此曲別作邊城春

意氣見高四篇關河猶關山也春川卽霸水也易水歌見高四篇辨玉用下和事以足玉塞之意輪臺地名在車師西北千里其東則渠犂也漢李廣利伐二師以泅城中井井水盡竭尋源見泊蒲類篇楊柳梅花雖因送別之境亦曲名也故云持此曲

送吳七遊蜀

蜀見費六題註

日觀分齊壤星橋抵蜀門桃花漸別路竹葉瀉離尊
夏盡蘭猶茂秋深柳尚繁霧銷山望迥風高野聽喧
勞歌徒欲奏贈別竟無言唯有當秋月空照野人園

日觀見高四篇蜀有七星橋張儀所造李膺益州
記一日長星二日員星三日機星四日夷星五日
尾星六日冲星七日曲星桃花竹葉俱見尹大篇
勞歌贈別俱見之問篇陳張正別王應令詩青雀
離帆遠朱鷺別路遙維
有當秋月夜夜上河橋

春晚從李長史遊開道林故山

幽尋極幽壑春望陟春臺雲光棲斷樹霞影入仙杯
古藤依谷上野徑約山隈落蓋翻風去流鶯滿樹來
興蘭荀御動歸路起浮埃

漢書谷永曰遙與輕舉登霞倒景陸機前後聲歌
獻酬既已周輕舉乘紫霞註言衆仙會集乘霞而
去荀爽見李膺因爲之御
喜曰今日得攀龍附鳳矣

和王記空從趙王春日遊陁山寺

鳥旗陪訪道鷲嶺治棲真四禪明靜業三空廣勝因
祥河疎疊澗慧日皎重輪葉闍龍宮密花明鹿苑春
雕談荃奧旨妙辨漱玄津雅曲終難和徒自奏巴人

鳥隼曰旗訪道指趙王也鷲嶺見序文遺事註棲
真謂真人所棲也沈休文鍾山詩入解鳴澗流四
禪隱岩曲註大品經云初禪二禪三禪四禪隱此
山岩之曲入解地名禪以靜爲主故曰靜業智度
經混衆有三門一曰空門二曰無相門三曰無作
門謂觀諸法無我無作者受者是三空之名故號
空門大乘經曰欲知過去因今生受者是欲知未
來因今生作者勝如勝國之勝過去之因也王
簡栖頭陀寺碑祥河輟水寶樹低枝瑞應經曰時
連河水流甚疾佛以自然神通斷水涌起高出人

頭令底揚塵使在其中又曰佛后曰入指地池渠
浴畢欲出無所攀池上有樹曲枝下就佛牽而出
頭陀寺碑又云澄法雲於真際則火宅晨涼曜慧
日於康衢則重昏夜曉華嚴經慧日大聖尊久乃
說是法劉蚪註菩薩員淨照均明兩故曰慧日又
北史李士謙善論玄理有客問三教優劣荅曰佛
日也道月也儒五星也六帖山重高海重潤日重
光月重輪龍宮見序文遺事註紫陽真人周義山
遇羨門子乘白鹿佩青髦之節又十洲記苑囿之
中白鹿白鶴皆在焉史記齊人頌曰談天衍雕龍
奭炙轂過髡劉向別錄鄒衍之所言五德終始天
地廣大故曰談天騶奭修衍之文若雕鏤龍文故
曰雕龍過作輶車盛膏器也炙之而膏
愈澤辨口捷給似之巴人見高四篇

冬日野望

故人無與晤安步陟山椒野靜連雲卷川明斷霧銷

靈巖聞曉籟洞浦漲秋潮三江歸望斷千里故鄉遙

勞歌徒自奏客魂爲誰招

晤遇也詩國風彼澤之陂篇彼美淑二姬可與晤
言漢武悼李夫人賦釋輿馬於山椒今奄終夜之
不陽註山椒山陵也莊子齊物論篇南郭子綦謂
顏成子遊曰女聞人籟而未聞地籟女聞地籟而
未聞天籟子遊曰地籟則衆竅是已人籟則比竹
是已敢問天籟曰夫吹萬不同而使其自己已成
其自取怨者誰耶註籟籟也猶云聲也左思吳都
賦擢歌唱簫籟鳴註籟三孔笛也凡孔竅機括皆
曰籟書禹貢篇三江既入三江在蘇州府崑山縣
南九里唐仲初吳郡賦注松江上十里分流東北
入海者爲婁江東南流者爲東江併松江爲三江
口其地今亦名三江口吳越春秋范蠡出遊三江
卽此郭璞山海經註岷山大江所出峽山南江水
所出岷山北江水所出三江皆原出於蜀而注震

澤禹貢但言八耳此與仲初註異勞歌見之間篇
屈原自投汨羅宋玉悲其師見放而作以詞招之
名曰招魂

夕次舊吳

張九韶三吳記東吳蘇州中吳潤州西吳湖州舊吳吳之舊都即蘇州也潤州今鎮江府

維舟背楚服振策下吳畿盛德弘三讓雄圖枕九圍
黃池通霸業赤壁暢戎威文物俄遷謝英靈有盛衰
行歎鴟夷沒遽惜湛盧飛地古煙塵暗年深館宇稀
山川四望是人事一朝非懸劍空留信二珠尚識機
鄭風遙可托關月眇難依西北雲逾滯東南氣轉微

徒懷伯通隱多謝買臣歸唯有荒臺露薄暮濕征衣

楚服楚地也如侯服甸服之服註服事也謂田賦之事也王都曰畿吳畿以吳之舊都言即蘇州也三讓指泰伯也詩商頌長發篇帝命式于九圍註九圍九州也春秋傳魯哀公十三年公會單平公晉定公吳夫差于黃池爭先歎吳人曰於周室我為長晉人曰於姬姓我為伯趙鞅欲與吳戰可馬寅曰肉食者無墨今吳王有墨其以國勝乎太子死乎且夷德輕不忍久請少待之乃先吳人時越入吳殺王子地劉備與曹操戰敗奔孫權操遂東下權遣周瑜魯肅等與備迎擊於赤壁大破之赤壁在今湖廣黃州府城東南十五里鳴夷馬革也子胥諫夫差不聽賜錮鏤之劍以死以馬革裹其尸投之江后范蠡相越滅吳棄官遊五湖自號鴟夷子皮湛盧飛見螢火賦四望見崔駰馬篇吳季札過徐徐君愛其實劍口不敢言札心知欲獻之使還復過徐徐君已死札解劍懸墓而去戰國策

張丑質於燕欲殺之走出境吏得丑丑曰燕
欲殺我者人有言我有寶珠也今我已失之而燕
不信我我且言子奪我珠而吞之王必剗子之腹
吏恐放之伍員得罪於楚欲奔吳至昭關關吏執
之員亦云云吏亦釋之鄭弘探薪何所欲弘識其
有一人見而取之弘即還之問弘何所欲弘識其
神人也曰常患若耶溪載薪為難願旦南風暮北
風後果然故若耶溪至今猶然號鄭公風今名樵
風溼在紹興東二十五里關山同然不應虎對闕
篇夢月註若作關月即與關山同然不應虎對闕
澤亦吳人也西北雲見白雲抱幽石篇秦皇時望
氣者云東南有天子氣故始皇東遊以厭之後漢
梁鴻字伯鸞其妻孟光字貞曜隱於吳依富人皋
伯通廡下為人賃舂其妻具食舉案齊眉通伯異
之舍之於家後病困告其妻曰我死慎勿持我喪
去及卒伯通葬之要離家旁曰要離烈士伯鸞清
高可相近也買臣事見詠懷古意
上裴侍郎篇荒臺露見宿山庄篇

過故宋

故宋地名史記穰侯傳須賈曰割晉國秦兵不
攻而魏必效絳安邑又為陶開兩道幾盡故宋
註此時宋已滅時秦盡得故宋地也故曰故宋
漢為梁國治碭縣后遷治睢陽縣東漢國除晉
改碭郡隋置宋州改縣曰宋城大業初改州曰
梁郡唐初為宋州後為睢陽郡五代梁為宣武
軍唐改歸德軍宋升南京以九祖嘗節度受禪
也治宋城金政府曰歸德後改宋城曰睢陽元
之因

本朝降為宋州以睢
陽縣入屬開封府

舊國千年盡荒城四望通雲浮非隱帝日舉類遊童
綺琴朝化洽祥石夜論空馬去遙奔鄭蛇分近帶豐

池文斂束水竹影漏寒叢園兔承行月川鳥避斷風
故宋城難定從梁事未工唯當過周客獨愧吳臺空

四望見崔駙馬篇雲浮隱帝見詠雲酒臨陽註黃
帝將見大隗于具茨之山方明為御昌寓驂乘張
若謂朋前馬昆闍滑稽后車至於襄城之野士卒
皆迷無所問途遇牧馬童子問途焉黃帝曰異哉
小童請問治天下小童曰予少而身遊於六合之
內子適有脊病有長者教予曰若乘日之車而遊
於襄城之野今予病少痊予且復遊於六合之外
矣治天下亦若此而已予又奚士馬又舉頭見日
事見高四篇蔡邕有琴名綠綺化洽引子賤鳴琴
事見芾明府宅宴詩春秋傳僖公十六年春月而
于宋五隕星也六鷁退飛過宋都風也周內史叔
與使于宋宋襄公問焉曰是何祥也吉凶焉在對
曰今茲魯曾多大喪明年齊有亂君將得諸侯而不
終退而告人曰君失問是陰陽之事非吉凶所由

生也吉凶由人吾不敢逆君故也論語北考識曰
殷或姐已玉馬走宋任昉勸梁武進牋曰是以玉
馬駿奔來微子之去金版出地告龍逢之怒註玉
白也金版見論註陰戲識曰庚子之旦金版剋書
出地中曰臣族雷王禽宋穆公疾召大司馬孔父
立其弟與夷使其子馮出居鄭故左傳云宋殤公
之即位也公子馮出奔鄭鄭人欲納之漢高微時
被酒夜徑大澤中有大蛇當徑拔劍斬之后蛇所
有老嫗哭曰吾子白帝子也化為蛇當道今赤帝
子斬之因忽不見大澤在今徐州豐縣西二十里
今各斷蛇溝束水束帶之水也寒叢猶言寒林林
疎影出如漏然耳謝惠連雪賦梁王不悅遊於兔
園乃置旨酒命賓友召鄒生延枚叟註孝王漢竇
太后愛子景帝母弟有園名曰兔苑孝王卒太后
哀慕之景帝以其苑令民得耕種乃置宮中籍其
租稅以供祭祀其簿籍皆俚語文字故鄉俗所誦
謂之兔園冊行月見遠使海曲篇川鳥斷風即六
鷁退飛事從梁指漢景帝時梁王有異謀公孫勝



羊詭等附之後俱伏誅詩國風黍離篇朱傳云周
室東遷大夫行後過於宗周見宗廟宮室盡為禾
黍憫周室之顛覆徬徨不忍去故
因所見以起興吳臺見宿山莊詩

詠懷

少年識事淺不知交道難一言芬若桂四海臭如蘭
寶劍思存楚金鎚許報韓虛心徒有託循迹諒無端
太息關山險于差歲月闌忘機殊會俗守拙異懷安
阮籍空長嘯劉琨獨未懽十步庭芳歛三秋隴月團
槐疎非盡意松晚夜凌寒悲調絃中急窮愁醉裏寬
莫將流水引空向俗人彈

如蘭見靈泉頌伍員與申包胥為友員奔吳臨別
與之劍曰我必覆楚也包胥曰我必復之后伍員
以吳兵入郢鞭平王尸昭王奔包胥乞秦師敗吳
兵昭王反國張良五世相韓韓亡不愛萬金之產
為韓報讐秦皇東遊至博浪沙中良使力士操鐵
椎擊之誤中副車始皇大驚令天下大索十日不
得阮嘯見遠使海曲篇劉琨晉人字越石守晉陽
為胡騎所圍窘迫無計乃登樓乘月清嘯賊聞之
皆悽然長嘆中夜奏胡笳賊流涕歔歔有懷土之
切向曉復吹之賊並棄圍而走石與段匹磾期計
后勒碑從弟末波納勒賂不進匹磾奔其兄喪琨
遣子羣送之為末波所獲波厚禮之許以琨刺幽
州共結盟襲匹磾遺齊羣書納琨約為內應為碑
邏騎所得碑遂拘琨琨殊無此意自知必死神色
怡然為五言詩贈其別駕盧湛竟為匹磾所縊
率琨余眾依未波朝廷以匹磾尚強冀其平河朔
不為琨舉哀温躋表現忠數歲乃贈太尉答盧湛
書極哀慘見秋日送別詩註十步庭芳見秋菊詩

槐疎見咏蟬序註窮途見蓬萊鎮流水引見高高四篇


邊夜有懷

漢地行逾遠燕山去不窮城荒猶築怨碣毀尚銘功
古戍烟塵暗邊庭人事空夜闌明隴月秋塞急胡風
倚伏良難定榮枯豈易通旅魂勞泛梗離恨斷征蓬
蘇武封侯傳崔駰官不工唯余北叟意欲寄南飛鴻

漢地猶云漢騎胡人指中國也燕山今天壽山賈誼過秦論阿房築愁長城築怨一夫作難而七廟隳身死人手為天下笑碣當是碣字石碑之小者古今原始云秦皇登芝罘山刻石頌功后世碑銘始此然禹已有碑矣老子順化章禍兮福之所倚福兮禍之所伏孰知其極泛梗見浮查篇征蓬見

角河曲篇蘇武使匈奴不屈被留十九年乃歸漢封為典屬國李陵在匈奴答武書曰聞子之歸賞不過三百萬位不過典屬國崔駰與班固傳毅同時齊各常以典籍為業未遑仕進時人或譏其大玄靜將以后名失實駰擬楊雄解嘲作達旨以答之後為竇憲掾察高第出為長岑長自以雖去不得志遂不至官而歸卒于家北叟意見憲臺出繫篇南飛鴻見蕩子從軍賦同道書來鴈飛註燕山漢為幽州治薊縣元鳳初改廣陽郡本始初更廣陽國東漢復為幽州三國魏改燕國晉改范陽國後魏於薊立燕郡又於郡置幽州后周立總管於幽州隋省州入涿郡唐初復為幽州開元中改范陽郡乾元初復為幽州遼初改幽都府後改析津府宋改燕山府金改大興府元改大都路洪武初為北平布政使司太宗封此為燕王後靖難遷都改順天府以大興宛平貳縣附

久戍邊城有懷京邑



擾擾風塵地，遑遑名利途。盈虛一易舛，心跡兩難俱。
弱齡小山志，寧期大丈夫。九微光賁玉，千仞忽彈珠。
棘寺遊三禮，蓬山造八儒。懷鉛慙后進，投筆願前驅。
北走非通趙，西之似化胡。錦車朝促候，刁斗夜傳呼。
戰士青絲絡，將軍黃石符。連星入寶劍，半月上雕弧。
拜井開疎勒，鳴桴動密須。戎機習短蔗，祿祿辭長榆。
季月炎初盡，邊亭草早枯。層陰籠古木，窮色變寒蕪。
海鶴聲嘹唳，城烏尾畢逋。葭繁秋引色，桂滿夕輪孤。
行役風霜久，鄉西夢想徒。霸池遙夏國，秦海望陽紆。
沙塞三千里，京城十二衢。楊溝連鳳闕，槐路擬鴻都。
璧殿規宸象，金隄法斗樞。雲浮西北蓋，月照東南隅。
寶帳垂連理，銀床轉輓轡。廣筵留上客，豐饌引中廚。
漏緩金徒箭，嬌繁玉似壺。秋濤飛逾馬，春水泛仙艫。
意氣風雲合，言忘道術趨。共矜名已泰，詎肯沫相濡。
有志漸雕朽，無庸類散樗。開山漸超忽，形倦歎艱虞。
結網空知羨，圖榮豈自誣。忘情同塞馬，比德類宛騅。
隴坂肝腸絕，陽關亭障迂。迷魂驚落鴈，離恨斷飛鳧。
春去容華盡，年來歲月無。邊愁傷郢調，鄉思繞吳歊。

河氣通中國山途限外區相思若可寄水泮有銜蘆

風塵見江南贈之問篇遑遑猶皇皇也韓文孔聖亦云其遑遑易消息盈虛與時偕行心迹見晚憩田家籍人生十年曰初弱任彥升天監策問朕本自諸生弱齡有志小山見早發雖口篇大丈夫即景春所謂太丈夫也黃帝內傳王母授帝洞霄盤雲九華燈繁二此燈名之始漢武內傳七夕掃除宮掖張雲錦之帷然九微燈夜二唱后西王母駕九色班龍上殿賁臨光形如玉也千仞彈珠見之問篇棘寺掬之以棘如今之棘閣也或曰植棘於庭除之問蓋所以防奸禁偽也禮如十七篇魯高堂隆得之后暇丘蕭奮以授同郡后蒼后蒼授梁人戴德及德從兄子聖沛人慶普於是德為大戴禮聖為小戴禮普為慶氏禮三家皆立博士謂之三禮漢李咸學魯詩春秋公羊傳三禮是也蓬山見寄東臺詳政學士詩左傳僖子使平遠氏之造註造列也所謂為造是也陶潛八儒序曰夫子沒后

散於天下設於中國成百代之原為紀綱之儒居環堵之室華門主竇甕牖繩樞并日而食以道自居也為有道之儒子思氏之所行也衣冠中動作慎大讓如慢小讓如僞者子張氏之所行也顏氏傳書為道為諷諫之儒孟氏傳書為道為疏通知遠之儒漆雕氏傳禮為道為恭儉莊敬之儒仲梁氏傳樂為道以和睦陰陽為移風易俗之儒樂正氏傳春秋為道為屬詞比事之儒公孫氏傳易為道為潔靜精微之儒楊子雲草大玄嘗懷鉛提槩投筆見泊蒲類詩比走見之問篇漢馬援傳耿舒與兄弇書曰馬伏波類西域賈胡到一處輒止以是失利言其征交趾五溪蠻事也刁斗見蕩子篇銅焦註又虞子陽霍將軍比伐詩羽書時斷絕刁斗晝夜驚漢官儀宮城門擊刁斗周廬擊木析黃石符見白雲抱幽石詩連星見螢火賦拜井見靈泉頌桴所以擊鼓禮黃桴士鼓左傳密須氏之鼓魏文典論曰常與平虜將軍劉勳奮威鄧展等共飲宿間展有手臂曉五兵余與論劔良久謂余言

將軍法非也求與余對酒酣耳熱方食芋蕨便以
 為杖下殿數交三中其臂左右大笑祇字與襖同
 寮唳鶴聲也陶弘景詩凄切嘹唳夜傷情城烏句
 見泊江鎮詩詩秦風兼葭篇兼葭蒼蒼白露為霜
 言霜始降而葭尚蒼即引色之意也桂滿句指月
 也詩人多以桂輪指月如張喬月詩盈缺青冥外
 東風苦欲吹何人種丹桂不長出輪枝瘦信詠月
 天漢看珠蚌星橋視桂花灰飛重輦闕落獨輪
 斜梁簡文詠月詩飛輪了無轍明鏡不安臺鄉西
 即西鄉也見崔駙馬詩霸池即霸水見發諸暨詩
 夏國今寧夏是也前漢書地理志河內曰冀州其
 山曰霍藪曰陽紆爾雅秦有陽紆沙塞三千言
 遠也班固西都賦披三條之廣路立十二之通門
 內則街衢洞達則十二門自有十二衢矣京城御
 溝旁植楊柳謂之楊溝鳳闕見秋雲篇長安街道
 皆植槐柳故云槐路又漢元始中起辟雍明堂為
 博士舍列槐樹數行諸生每朔望各持方物交易
 號曰槐市云槐路即此也漢靈帝置鴻都門學諸

為尚書侍中三公舉用辟召或出為刺史太守入
 璧殿以石砌壁如玉也規法也宸象天象也天上
 有白玉堂羣仙所會之處金隄亦以色而言也斗
 極言之也雲浮句見紫虛觀篇月照疑當作日照
 東南隅用天子氣事見次舊吳篇帳垂連理織
 連理木之文於其上如蕩子篇所謂蓮花帳也淮
 南子百尺高樓與天連后園作井銀作床金瓶素
 綆汲寒漿轆轤絞水之輪施於井上刻為轆轤之
 形或作鹿盧字梁劉綽班婕妤怨詩玉闌金井牽
 鹿盧丹梁翠柱飛流蘇豐饌句見初秋登司馬樓
 序城隅註漏刻之法又水置溜中以浮刻漏之箭
 謂之竹箭唐詩所謂竹箭水繁更漏促是也或以
 金為丸從格上流轉而下投銅壺中鏗然有聲謂
 之銀箭亦謂之金箭徐陵賦厭長樂之疎鍾勞中
 營之緩箭是也神異經云東王公與玉女投壺更
 投十枝一千二百枝為一百二十梟設有入不出

者天帝為之啓嗟鼻一作矯矢躍也亦音驕一作
嬌楊大年詩書題狂是藏三尺壺矢誰同賽百嬌
謝無逸詞雙檠杖百嬌壺濤喻馬見度瓜步詩艦
船頭也謝瞻詩榜人理行艦仙艦即仙舟也見之
問篇李仙註意氣風雲道術俱見高四篇莊子大
宗師篇泉涸魚相與處於陸相啣以濕相濡以沫
不如相忘於江湖而其譽堯而非桀也不如兩忘
而化其道雕朽散樗見浮查篇列子陽問篇太行
王居二山方七百里高萬仞本南冀州之南河陽
之北北山愚公者年且九十面山而居懲山比之
塞出入之迂也聚室而謀曰吾與汝畢力平險指
道豫南達于漢陰可乎雜然相許其妻獻疑曰以
君之力曾不能損魁父之丘如太行王屋何且焉
置土石雜曰投諸勃海之尾隱士之北遂率子孫
荷擔者三月叩石懇壤箕畚運於勃海之尾鄰孀
遺男始齒往助之寒暑易節始一反焉河曲智叟
笑而止之曰甚矣女之不慧以殘年余力曾不能
嶺山之一毛其如土石何愚公長息曰女心之固

固不可徹不若孀妻弱子雖我之死有子存焉子
又生孫孫又生子子又有子子又有孫子子孫孫
無窮匱也而山不加增何苦而不平智叟無以應
操蛇之神蛇之懼其不已也告於帝帝感其誠命
夸娥氏之子負二山一措朔東一措雍南冀之南
漢之陰無隴斷焉艱虞見在獄詠蟬篇結網見張
平子墓塞馬見寒夜有懷詩比叟註死地出良馬
武帝使李廣利伐取之比德用驥稱其德意或曰
駒作雛作雛小隴山在鳳翔府隴州西岩高險不
通軌轍漢張衡詩我所思今在漢陽欲往從之隴
坂長又土人歌云隴頭流水鳴聲嗚咽遙望秦川
肝腸斷絕陽關見在軍中贈先還篇玉門關註前
漢書酒泉列亭障至玉門顧徹註亭望敵之所也
障山中小城也顏師古曰漢制每塞山要險處別
築為城因置吏士而為障蔽以打寇謂之侯城此
卽障也張湯傳武帝謂博士曰吾使生居一障能
無使虜入盜平日能於是遣乘障月餘匈奴殺之
驚落鴈見途中有懷篇虛鸞註飛見見紫雲觀序

鄧調見之問篇左思吳都賦荆豔楚舞吳歛越吟
 陳后主聽事詩秦聲本自楊家解吳歛那知謝傳
 憐註吳歌曰歛詩苦葉篇誰誰鳴鴈旭日始旦士
 如歸妻迨水未泮張華鷓鴣賦彼日辰鳧與歸鴈
 又矯翬而增逝咸美羽而豐肌故無罪而皆斃徒
 銜芦以避繳終為戮於斯世註鴈冰泮北歸體肥
 嗜蘆以避繳繳之患
 言欲托之寄相思也

幽繫書情通簡知已

昔歲逢楊意觀光賁楚材穴疑丹鳳起場似白駒來
 一命淪驕餌三緘慎禍胎不言勞倚伏忽此邁遑迴
 驄馬刑章峻蒼鷹獄吏猜爭縑非易辨疑璧果難裁
 際拙慚周羨端憂滯夏臺生涯一滅裂岐路幾徘徊

青陸芳春動黃沙旅思催圓扉長寂寂疎網尚恢恢
 入窅方搖尾迷津正暴腮覆盆徒望日蟄戶未驚雷
 霜歇蘭猶敗風多木屢摧地幽蠶室閉門靜雀羅開
 自憫秦冤痛誰憐楚奏哀漢陽窮鳥客梁甫卧龍才
 有氣還衝斗無時會鑿坏莫言韓安國長作不然灰

蜀人楊意得幸漢武薦司馬相如所為文由此得
 進觀光見之問篇春秋傳蔡聲子通使于晉還如
 楚令尹子木與之語問晉大夫與楚訕賢對曰皆
 卿林也如杞梓皮革自楚往也晉有姻族而用楚
 材實多山海經距齊州以南戴日為丹穴丹穴之
 山有鳥五采而文曰鳳詩小雅白駒篇皎皎白駒
 食我場苗繫之維之以永今朝註托言賢者所乘
 之駒食苗而繫維之使其人因不得去也禮一命

齒于鄉里家語一命而俯言始受君命為官也驕
餌見高四篇孔子觀于周廟有金人焉三緘其口
而銘其背曰磨堯有古之慎言人也曰無多言多
言多敗無多事多事多害倚伏見邊夜有懷詩易
屯如遯如桓典為御史嘗乘驄馬官宮貴戚為之
語曰行行止止避驄馬御史到都為中尉嚴酷行
法不避貴戚列侯宗室見都側目號曰蒼鷹漢薛
宣守臨淮民有持縑者出遇雨而因以自蔽有一
人后至求分蔽其半既別遂爭之聞于宣宣命斷
為二而分之因罪求分者張儀從楚相飲已而相
亡璧門下意儀掠笞數百不服釋之儀妻曰吁子
無讀書遊說安得此辱儀曰視吾舌尚存否及相
秦檄楚相曰吾不盜汝璧今且盜而城美里城各
在今河南彰德府湯陰縣北九里一名牖城北臨
美水紂以鄂侯女不喜淫殺之而及鄂侯九侯爭
又醢之文王聞之而歎遂囚之羑里桀囚湯於夏
臺莊子養生篇吾生也有涯謂所稟之分量各有極也知
隨無涯始已註生涯謂所稟之分量各有極也知
謂人心無限量也莊子吾滅裂而耕則其實亦滅
裂而報爭岐路見紫雲觀篇莊子徬徨乎其側徘徊
徊乎其下又見下文謝玄暉詩青陸日所行之道
春行青陸猶言北陸南陸也黃沙邊塞地皆黃沙
圓扉獄戶以圓木為扉也老子任為章天網恢恢
疎而不漏司馬遷報任安書猛虎在深山百獸震
恐及在檻穽之中搖尾而求食積威約之漸也交
州記龍門水深百尋大魚登此化龍不過者曝腮
點額血流此水恒如丹池謝玄暉觀朝雨詩戢翼
希驪首乘流畏曝腮動息無兼遂岐路多徘徊覆
盆見螢火賦禮記月令仲春之月雷始發聲蟄虫
啟戶始出韓詩外傳孔子聞哭聲甚悲乃皋魚也
問之曰木欲靜而風不止子欲養而親不在遂自
刎司馬遷報任安書李陵既生降隕其家聲而僕
又俱之蠶室註密室如飼蠶之室腐刑者下之恐
通風致死也雀羅見高四篇秦寃衝斗俱見螢火
篇楚奏見之問篇趙壹字元叔漢陽西縣人抵罪
幾至死友人救之得免乃貽書謝恩作窮鳥賦以

馬元集言
四十五
貽之諸葛亮隱隆中作梁甫吟曰步出齊城門遙
望蕩陰里里中有三墳纍纍正相似問是誰家墓
田疆古冶氏力能排南山文能絕地理一朝被讒
言二桃殺三士誰能為此謀相國齊晏子註齊景
公有士三人田開疆古冶氏公孫接恃功恣行無
憚公患之晏子請公餽之二桃令計功而食田古
論功先食公孫自刎田古慚亦自刎焉孔明出齊
城門作是吟以歎之鑿坏見酬思玄上人篇不然
灰見螢火篇漢陽非今之漢陽乃漢郡各治冀縣
三國魏置秦州晉改漢陽為天水郡治上街尋廢
復置秦州宋齊復為天水郡隋廢郡為秦州大業
初復為天水郡唐復為秦州天寶初改天水郡乾
元初復為秦州后移治成紀宋開禧為天水軍治
天水縣金為鎮遠軍治成紀元復為秦州以成紀
縣省入今因之改屬鞏昌府梁父太山下小山名
漢以名縣始皇封太山立石下禪梁父即此也父
音甫故又作甫在今泰安州東南一百一十五里
蔡邕琴韻曰梁甫悲吟周公越裳操曾了耕太

山遇雪旬月不得歸作梁
山歌后因為梁父之曲

寒夜獨坐遊子多懷簡知已

故鄉眇千里離憂積萬端鶉服長悲碎蝸廬未卜安

富鈞徒有想貧鋏為誰彈柳秋風葉脆荷晚露文團

晚金薰岸菊餘佩下幽蘭伐木傷心易維桑歸去難

獨有孤明月時照客庭寒

子夏家貧衣若懸鶉人曰子何不仕曰諸侯之驕
我者吾不為臣大夫之驕我者吾不復見魏焦光
字孝然結草廬於河間號蝸牛廬呻吟其中后野
火燒之乃露寢雪中袒臥人視之並如故后百餘
歲卒張氏世為功曹晨起有鳩從承塵飛下功曹
曰鳩為我禍耶當往承塵上為我福耶即入我懷

駱丞集註

卷之三

四六

中遂入懷探之得銅鈎因帶之官至數郡子孫或
至九卿后張氏婢受蜀賈賂竊鈎以去張漸衰或
告賈人曰天命不可力求也乃張氏遂復昌故關
西稱張氏傳鈎云又吳越春秋闔閭令國中作金
鈎令曰若善鈎者賞百金有貪賞者殺二子以血
釁鈎遂命曰吳鈎此則劍也貧缺見懷古上裴侍
郎詩幽蘭伐木見酬思玄上人維桑見送閻五序
陶淵明為彭澤令賦歸去來詞歸隱末二句意見
送吳七
遊蜀

叙寄員半千

半千字榮期王義方嘗曰五伯歲一賢者生子
宜當之因改今各半千劉凝十世孫凝因齊受
禪奔魏自比伍員改姓員唐謠云令公四俊苗
李崔員以后證先員音運陸龜蒙誤讀作先韻
其詩曰賴得伍員騷思少夫差剛免似荆懷宋
人小說龜蒙博學誤讀以此按字書員有真先

運三韻如生員之員方員之員皆先韻但字皆
从口不人么俗从么非也鄙語云私和去吉勾
句吕台如何通用半千羈非通書史舉童子對
詔高第長事王義方以邁秀見賞凡人科舉皆
中上書自陳願得天下英才與權所長有一居
先臣當伏死都市不報調武陟尉矯令殷子良
旨發票賑民刺史大怒下之獄薛元超責太守
釋之俄舉岳牧對三策舉高第武后擢正諫大
夫忤旨遷水部郎中武三思忌之出刺蘄濠二
州半千事五君有清白節年老不衰樂山水自
放卒吏民
哭野中

薄宦三河道自負十餘年不應驚若厲祇為直如弦
坐歷山川險吁嗟陵谷遷長吟空抱膝短翮距冲天
魂歸滄海上望斷白雲前鈎名勞拾紫隱跡自談玄

不學多能聖惟思鴻寶仙斯志良難已此道豈徒然
嗟為力筆吏耻從繩墨牽岐路情難狎人倫地本偏
長揖謝時事獨往訪林泉寄言二三子生死不來旋

既籍詠懷詩反顧望三河詳見春霽早行篇註籍於魏末晉文王之代慮禍此詩多刺時人情簿逐勢利晉文王河內人故托稱三河其地謂河南河內河東也乾之九三曰君子終日乾乾夕惕若厲無咎唐人以若厲為句如韓文公讀禮記儒行以聞流言不信其行為句也漢順帝末童謠曰直如弦死道邊曲如鉤反封侯袁淑效曹子建樂府五侯競書幣羣公亟為言義分明於霜信義直如弦詩十月之交篇高岸為谷深谷為陵謂遷易常處也此二句亦指人情言之孔明隱於隆中抱膝長吟短翮見懷古上裴侍郎魏說趙欲共尊秦為帝以却其兵魯仲連往見魏使新垣衍口彼秦者棄

禮義而尚首功之國也彼即肆然而為帝於天下則連有蹈東海而死耳不願為之民也衍起再拜曰吾乃今知先生天下士也不敢復言帝秦矣又孔子觀滄海之橫流慨然歎曰文王既沒文不在茲乎白雲拾紫談玄俱見高四篇多能聖指孔子也漢宣帝信神仙方術淮南王有枕中鴻寶苑秘書言神仙使鬼丹砂為金之術及鄒衍重道正命方世人莫見而劉更生父德武帝時治淮南獄得書更生勿誦讀以減死論沈佺期詩靜夜思鴻寶清晨朝鳳京沒黠責張湯曰天下謂刀筆吏不可為公卿果然必湯也今天下重足而立孟子大匠不為拙工改廢繩墨猶言法度也岐路見紫雲觀篇地偏見秋日山行篇李陵答蘇武書長與足下生死辭矣即此詩末二句之意

棹歌行

漢武帝幸河東祀戶土作秋風辭曰秋風起兮白雲飛草木黃落兮鴈南歸蘭有秀兮菊有馨



懷佳人兮不能忘泛樓船兮濟汾河橫中流兮揚素波蕭鼓鳴兮發棹歌歡樂極兮哀情多少壯幾時兮柰老何棹歌行本此

寫月圖黃罷凌波拾翠通鏡花搖菱日衣麝人荷風葉露舟難蕩蓮疎浦易空鳳媒羞自託鴛翼恨難窮

秋帳燈光翠倡樓粉色紅相思無別曲併在棹歌中

梁江淹別賦慚幽宮之錦瑟悔臺上之流黃張載擬四愁詩佳人遺我筒中布何以報之流黃素註后周靜帝令宮人黃眉墨粧至唐猶然温飛卿有豹尾車前趙飛燕柳風吹散娥間黃之句馮偉壽春雲怨詞宮黃額試王荆公亦云漢宮嬌額半塗黃已起于漢又幽性錄神女智瓊額黃則效兩粧之者也凌波見詠美人篇度信鏡賦臨水則池中月出照日則壁上菱生梁庾肩吾尋周弘靖詩石

鏡菱花發桐門琴曲秋衣麝衣之香也荷衣之色也左傳魯僖公三年齊桓公與蔡姬乘舟于圃蕩公公懼變色禁之不可公怒歸之未之絕也蔡人嫁之明年遂侵蔡伐楚為召陵之盟司馬相如以琴音挑卓文君曰鳳兮鳳兮歸故鄉遨遊四海求其凰文君喻其音遂自奔相如于寶搜神記宋大夫韓朋妻美宋康王奪之朋怒王奪之因自殺妻乃陰腐其衣襟與王登臺自投而下左右攬衣不勝手遂死遺書于帶曰願與韓氏死而葬王怒異之二塚相對經宿忽有樹生二塚上根交枝連有鳥如鴛鴦各棲樹朝暮悲鳴而舞其音感人

傷祝阿王明府

有序

阿春秋時齊桓公與魯會柯而盟即此後為祝阿戰國末屬秦漢置東阿縣屬東郡晉屬濟北國隋屬北齊郡唐初屬濟陽郡後屬鄆州宋屬東平府元因之今改屬兗州徐廣曰史記齊之

東阿縣繪帛所出故曰阿縞子虛賦被阿錫漢房中歌曳阿錫如淳曰阿細繒錫細布

夫心之悲矣非關春秋之氣聲之哀也豈移金石

之音何則事感則萬緒興端情應則百憂交軼

是以宣尼舊館流襟動激楚之悲孟嘗高臺承睫

下聞琴之淚

禮孔子之衛遇舊館人之喪入而哭之哀出使子貢脫駢以賻之子貢曰於門人之喪未有所脫駢脫駢於舊館無乃已重乎孔子曰吾鄉也入而哭之遇於一哀而出涕予惡夫涕之無從也小子行之孫綽徐君墓頌徘徊立側淒焉流襟楚詞招魂篇宮庭震驚發激楚些枚乘七發於是發激楚之清風揚鄭衛之皓樂註激楚曲名悲歌也孟嘗君謂雍門周曰先生鼓琴能令

我悲乎周曰于秋萬歲后高臺傾曲池墮墳墓

平嬰兒豎子樵採其上躑躅其足而歌曰夫以孟嘗君尊貴乃若是乎孟嘗君遂泣下增哀睫

目邊毛也列子焦螟飛而集於蚊睫弗相觸也雍門在今徐州城東南五十里

祝阿王明府毓得丹穴襲吉黃裳靈基峙金闕之峯

層源瀨玉輪之坂既而鴻飛漸陸將聘平與之龍鶴

鳴在陰爰絆朝歌之驥乃當名縣闕月德貫陳星豈

徒遽切夢瓊掩沈連石

丹穴見幽繫書情穴疑丹鳳起註易坤六五黃裳元吉象曰黃裳元吉文在中也東方朔神異經北方中有金闕高百丈詳見軍中贈先遠篇玉輪坂地名洛江之水所經易漸九三鴻漸于陸夫征不



復婦孕不育象曰離羣醜也汝南許劭與兄處俱
知名汝南人稱平輿之淵有二龍鶴鳴在陰見王
明府參選詩此取陰字淮南子曾子至孝不過勝
母墨子雖樂不入朝歌鄒陽上吳王書里名勝母
曾子不入邑號朝歌墨子回車子建與吳質書墨
翟不好妓何為過朝歌而迴車乎闕月陳星俱見
贈之問篇春秋傳魯聲伯夢涉洹或與已瓊瑰食
之泣而為瓊瑰從而歌曰濟洹之水贈我以瓊瑰
歸乎歸乎瓊瑰盈吾懷乎懼不敢占也還自鄭王
申至于狸賑而占之曰余恐死故不敢占也今衆
繁而從余三年矣無傷也言之之莫而卒淮南子
日出於暘谷浴於咸池拂於扶桑晨明登於扶桑
之上爰始將行是謂朏明至於曲阿是謂朝明隱
于曾泉是謂早食次于桑野是謂晏食臻於衡陽
是謂禺中對于昆吾是謂正中靡于鳥次是謂小
遷至于悲谷是謂脯時迴于女紀是謂大遷經于
隅泉是謂高春頓于連石是謂下春爰止羲和爰
息之螭是謂懸車薄于嶠泉是謂黃昏淪于蒙谷

是謂定昏日人嶠嶠經細柳入虞泉之地曙于蒙
谷之浦日西垂景在於樹端謂之桑榆註連音欄

山陰地也

平與古沈子國戰國屬楚后屬秦漢置平輿縣以
汝南郡治此後廢隋復置王世充置輿州唐州廢

元省入汝陽縣故城在

汝寧府城西汝水之南
朝歌古邑名本紂所都武王分其地北為邶南為
鄘東為衛春秋時邶鄘皆入於衛戰國屬魏秦屬
河東郡漢為汲縣地屬河內郡曹魏置朝歌郡屬
冀州晉改汲郡后魏改義州后周改衛州隋改汲
郡唐復為義州尋改衛州屬河北道宋因之
金改河平軍元改衛輝路今為府屬河南

嗟乎輪銷桂魄驪珠毀貝闕之前斗散紫氛龍劍沒

延平之水 某 夙承嘉惠曲荷恩光留連嘯歌從容風

月撫心陳迹泣血漣如

漢武悼夫人賦秋氣慘以淒淚兮桂枝落而銷亡
註以桂枝芳香喻夫人也愚按此乃以月言之蓋
花殘月缺之意也驪珠見高四篇貝闕見泊河曲
篇劉公幹贈從弟詩鳳凰集南岳徘徊孤竹根於
心有不厭奮翮凌紫氛註紫氛天氣也雷煥發劍
之后斗牛間紫氣漸散餘見螢火篇詩小雅白華
篇嘯歌傷懷念彼碩人註云使我嘯歌傷懷而念
之也風月懷舊之意易屯之上六乘馬班如泣血
漣如漣垂
涕之貌

然而始終者萬物之大歸生死者百年之常分雖則

知理之可有而未曉情之可無聊綴悲歌敢貽同好

諸君或締交三益列宰一同或叶契筌蹄投心膠漆

如此肩於千里遽傷魂於九原既切芝焚彌深蕙歎

蓋言四始同賦七哀庶蘭室流薰襲遺芳而化德故

蓬心深拙效庸音於起予觸目多懷周增流動

陸機弔魏武夫始終者萬物之大歸生死者性命
之區域是以臨喪隕而復悲觀陳根而絕哭今乃
傷心百年之際興哀無情之地意者無乃知哀之
可有而未識情之可無乎張蔚與蔣詡牟仲為三
益之友左傳子產曰天子之地一圻大國一同註
方百里曰同筌蹄見高四篇膠漆見靈泉頌千里
見竇六郎宅宴又見樂大夫挽詞白馬故人註戰
國策淳于髡一日薦七人齊宣王曰寡人聞千里
一士是比肩而至也九原亦見樂大夫篇陸機歎
逝賦信松茂而栢悅嗟芝焚而蕙歎本淮南子巫
山之上順風縱火紫芝與蕭艾俱死栢悅蕙歎四
始見閻五篇五際註陳思王贈弟仲宣有七哀詩

阮瑀王粲亦有七哀詩蘭室見
早秋出塞篇蓬心見發諸暨詩

洛川真氣上重泉惠政融合章光後烈繼武嗣前雄
契與良難驗生涯忽易窮翔鳧猶在履狎雉尚馴童
錢滿荒階綠塵浮虛帳紅夏餘將宿草秋近未驚蓬
烟晦泉門夕日遠夜臺空誰堪孤隴外獨聽白楊風

洛川真氣指王明府得洛水之秀氣也東觀漢紀
王阜為重泉令鸞集學宮阜使掾汝豐為張雅樂
擊磬鸞舉足垂翼應聲而舞翺翔懸庭留十餘日
乃去易坤之六三日含章可貞或從王事無成有
終晉辛曠與皇甫謐書含光烈於千載之前吐英
聲於萬世之後詩大雅下武篇昭茲來許繩其祖
武註武王之道昭明如此來世能繼其跡生涯見
幽繫書情篇鳧履見鄭安陽篇狎雉馴童見華明

府宅宴詩沈約哀詩高車塵未滅珠履故餘聲
階綠錢滿客位紫苔生言人跡罕到蒼苔不踐帳
上虛光也苔錢見出石門篇禮檀弓曾子曰朋友
之墓有宿草而不哭焉註墓上草根陳宿是期年
之外可無哭矣蓬至秋而飛見泊河曲篇泉門夜
臺見樂大夫挽詞北土塚上多種白楊陶潛挽歌
詞荒草何茫茫白楊亦蕭蕭
又見丹陽刺史挽詞青松註

五言絕句

在軍登城樓

城上風威冷江中水氣寒戎衣何日定歌舞入長安

書武成篇一戎衣而天下大定唐薛仁貴定天山
還將士歌日將軍三箭定天山將士長歌入漢關
即此
詩意

於易水送人一絕

此地別燕丹壯髮上衝冠昔時人已沒今日水猶寒

地名事蹟俱見高四篇

抵燈杖

稟質非貪熱焦心豈憚熬終知不自潤何處用脂膏

詠塵

凌波起羅襪貪風染素衣別有知音調聞歌應自飛

凌波見詠美人詩染素衣見途中有懷詩知音見贈高四篇聞歌見塵灰篇

翫初月

月滿光恒缺乘昏影漸流自能明似鏡何用曲如鈎

曲如鈎見叙寄員半千篇宋孝武齋中望月詩褰幕蕩暄氣入夜漸流清齊虞羲詠秋月初生似玉鈎裁滿

如團扇

詠照

鏡也

寫月無芳桂照日有花菱不持光謝水翻將影學冰

花菱見棹歌行鏡花搖菱註周庾信詠鏡詩玉匣聊開鏡輕灰暫拭塵光如一片水影照兩邊人月生無有桂花開不逐春試桂淮南竹堪能見四隣博物志削冰令圓舉以向日以艾承其影則有火出鏡有陽燧見瑩火篇故云學冰

詠鷺雜言

時年
七歲

鷺鷥鷺曲項向天歌白毛浮綠水紅掌撥青波

七言古風

上吏部侍郎帝京篇有啟

漢光武改常侍曹為吏部曹
主選舉是吏部尚書之始

某啟昨引註日垂索鄙文拜手驚魂承恩累息楚

翬丹質在荆南以多慚遼豕白頭望河東而載惡

書周公拜手稽首註拜手首至手也稽首首至地也尹文子楚人握山雞路人問之曰此何鳥

也對日鳳凰也路人曰今始見鳳凰乎請價千金弗與加倍與之方欲獻諸王經宿而死路人

不遑惜其千金惟恨不得獻王王聞之感其欲獻已召厚贈之過買鳳之金十倍翬即雉也以

其丹質遂以為鳳耳荆南今荆州也光武討王郎彭寵發突騎轉糧食前後不絕負功望高帝

接之不能滿幽州牧朱浮與之書曰臣見遼東有豕生子白頭適欲獻之道遇羣豕皆白以子

之功論於朝廷遼東豕也寵遂反攻浮可馬相如封禪文以登介丘不亦惡乎註心慚日惡音

反女六

某散樗易朽蟠木難容雖少好讀書無謝高鳳而

老不曉事有類揚雄徒以易象六爻幽贊適乎政

本詩人五際比興在乎國風

散材蟠才俱見浮查篇高鳳字文通好學妻之
田晒麥於庭令鳳護雞天暴雨鳳誦經不覺潦
水流麥妻還怪問鳳始知之楊脩荅曹楨書曰
脩家子雲老不曉事疆著一書悔其少作若北
仲山周旦之徒則皆有愆乎蓋指劇秦美新之
作也易繫詞曰昔者聖人之作易也幽贊於神
明而生者參天兩地而
倚數五際見閻五官篇

故體物成章必寫情於小雅登高能賦豈圖容於
大夫蓋欲樂道遺榮從心所好非敢希聲刻鵠竊
譽雕虫至若質醜行以自媿銜庸音於苟進固立
身之岐路行已之外篇矣

登高能賦見北眺春陵篇鍾會有遺榮賦謝靈運詩彭薛裁知耻責公未遺榮言彭祖薛方不

仕為知耻責禹見王陽登用而彈冠非遺榮者馬援兄子嚴敦並好譏議通輕俠援在交趾還書戒之曰云龍伯高敦厚周慎口無擇言謙約節儉廉公有威吾愛之重之願汝曹效之杜季良豪俠好義憂人之憂樂人之樂父喪致客數郡畢至吾愛之重之不願汝曹效也效伯高不得猶為謹勅之士所謂刻鵠不成尚類鶩者也效季良不得陷為天下輕薄子所謂畫虎不成反類狗者也雕虫見初秋司馬樓宴詩質讀曰贊班固張禹傳安昌貨殖朱雲作謀註謀醜也去韻岐路見紫雲觀篇

君矣蘊明略以佐時虛靈臺以照物觀梁父之曲
識臥龍於孔明聽康衢之歌得飯牛於甯戚是用
異人翹首俊乂歸誠

曹植誄王粲伊尹顯考奕業佐時本張衡歸田賦遊都邑以永久無明略以佐時靈臺見高四篇梁父曲見幽繫書情詩劉備聞人歌此曲問誰所為曰臥龍也遂三往顧之甯戚齊人飯牛扣角而歌曰南山燦白石爛生不逢堯與舜禪短布單衣纜至胛長夜漫漫何時旦桓公聞之舉以為大夫才過千人日俊才過百人日又

猥以庇賤之姿謬奉清通之盼雖仲由之瑟終闕響於丘門而宋玉之謠讜均音於郢路敢忘下里輕冒上呈庶道叶起予陳卜商之四始恐吾幾失子効然明於一言拜手增慚憂心如醉謹啟

宋玉郢路下里俱見之問篇詩序子夏所作故云卜商之四始字見閻五篇五際註左傳

將適其縣見魏子曰辛來昔叔向適鄭謾幾惡欲觀叔向從收器者往立於堂下一言而善叔向問之曰必然明也下執其手以上曰昔賈大夫惡其妻美三年不言不笑御以如皋射雉獲之其妻始言而笑賈大夫曰我不能射汝遂不言不笑射之不可以已也如是夫今子少不揚子若無言吾幾失子矣言之不可以已也如是夫遂如故知今女有力於王室晉是以舉汝行乎敬之哉無墮乃力

山河千里關城郭九重門不覩皇居壯安知天子尊

九重見高四篇車敷洛陽道詩洛陽道八達洛陽城九重重關如隱起雙闕似芙蓉詩邦畿千里陳后主詩日月光天德山河壯帝居孫叔通起朝儀羣臣以次上壽無敢喧嘩失禮漢高歎曰吾今日乃知皇帝之貴也

皇居帝里嶠函谷鷄野龍山侯甸服五緯連影集星
纏八水分流橫地軸秦塞重關一百二漢家離宮三

十六桂殿陰岑對玉樓椒房窈窕連金屋

嶠山各函谷關各左傳嶠有二陵詳見北魏春陵
篇漢書井十一度至柳三度爲鷄首之次雍州之
分鷄野卽鷄首之分野也唐都關中秦之故地班
固西都賦於是睠秦嶺賦北阜挾鄠霸據龍首三
秦記龍首山六十里頭入渭水尾達樊川土赤不
毛隋以長安狹小改作新都於龍首山遷焉在今
西安府城北十里禹貢五百里甸服百里賦納總
二百里納銍三百里納結服四百里粟五百里米
五百里侯服百里采二百里男邦三百里諸侯註
甸服畿內之地甸田服事也以皆田賦之事故謂
之甸服五百里者王城之外四面皆五百里也賦
納總五甸甸服五等之事侯服者侯國之服甸服

外四面又各五百里也百里采三甸侯服三等之
事五緯五星也漢高入秦五星聚東并戴延之西
征記關內入水一涇二渭三灞四滻五潞六瀋七
灃入瀆地軸見高四篇漢書齊人婁敬說高祖曰
秦地披山帶河四塞以爲固卒然有急百萬之衆
可立具也高帝遂都關中田肯賀上曰秦形勝之
國也帶河阻山地勢便利其以下兵於諸侯辟高
屋之上建瓴水也故持戟百萬秦得百二焉正義
曰關中東有黃河函谷蒲津龍門合河等關南有
南山及武關峽關西有大隴山關大震烏蘭等關
北有黃河南塞是謂四塞之地班固西都賦離宮
三十六三輔黃尚云上林有建章承光十一宮平
樂蘭觀二十五宮凡三十六所未央宮在西長樂
宮在東桂宮明光宮在比西都賦自未央而連桂
宮岑樓之高銳似山者三輔黃圖長樂宮有椒房
前殿註天子之房以椒塗壁辟除穢氣皇后所居
亦然或曰取其溫或曰取椒蕃衍子孫之義也西
都賦窈窕繁華更盛迭貴漢武帝兒時姊戲武帝

馬之集言
卷之二
五八
曰兒欲得婦否因指其女曰阿嬌好
否帝曰若得阿嬌當以金屋貯之

三條九陌麗城隈萬戶千門平旦開複道斜通鳩鵲

觀交衢直指鳳凰臺劔履南宮入簪纓北闕來聲名

冠寰宇文物象昭回

班固西都賦披三條之廣路立十二之通門周禮國方九里旁三門每門為大路故曰三條又云九市開場貨別隧分即所謂九陌也又云張千門而立萬戶漢武作建章宮千門萬戶複道為甬道中行外不見也周昭王時脩塗國獻丹鵲一雌一雄孟夏取鵲鳩為羽一名條融一名反影漢武取以名觀鳳凰臺見蕩子篇三代時佩玉秦始皇令人帶劔上殿去劔履惟賜乃得用之漢高賜蕭何劔履上殿入朝不趨是也漢光武圖二十八將於南宮雲臺此在洛陽者西都亦有之也簪纓功臣之冠

其上有纓以別羣臣寰宇猶言宇宙詩雲漢篇傳彼雲漢昭回于天按一統志云鳩鵲觀在甘泉宮

今西安府涇陽縣西北百二十里甘泉山上本秦林光宮漢武增廣之又名雲陽宮內有竹宮壽宮

迎風觀及鳩鵲觀

鉤陳肅蘭祀璧沼浮槐市銅羽應風迴金莖承露起

校文天祿閣習戰昆明水朱即抗平臺黃扉通戚里

西都賦周以鉤陳之位衛以嚴更之署註鉤陳紫宮外星宮衛之位象之祀堂廉也書顧命四人綦弁執戈上刃夾兩階祀蘭祀猶所謂蘭臺也或曰階廉滑利如蘭葉也璧沼即璧池也漢元始中起明堂辟雍為博士舍列槐樹數行諸生每朔望各持萬物交易號曰槐市史記漢武元狩二年作蜚廉柱觀音義曰蜚廉神禽也能致風氣晉灼曰蜚廉身如鹿頭如雀有角而蛇尾豹文漢武以銅鑄

象置觀上因名蜚廉觀桂觀即桂宮二輔黃圖云
二觀俱在長安城中近北宮金莖桐柱也西都賦
抗仙掌以承露擢雙立之金莖三輔故事云元鼎
二年春作栢梁臺承露盤盤高二丈大七圍以
銅爲之上有銅仙人銅手捧銅盤玉杯以承雲
表之清露和玉屑飲之云可長生在西安府城西
北二十里建章宮內神明臺上西都賦又有天祿
石渠典籍之府瑞應焉曰天祿者純靈之獸五色
光耀洞明王者道備則至漢書靈帝紀鑄黃鍾四
天祿蝦蟆註天祿獸也今南陽縣有宗資墓旁有
兩石獸其高八尺角而麟分鼠曳尾過壯大左曰
天祿右曰辟邪字皆刻膊上漢有天祿閣即因此
獸立名閣貯秘書劉向曾校書其上太乙下觀之
楊雄亦於此校書劉棻坐事誅詔連及雄王莽使
收之雄從閣上投下即此漢武通使身毒國爲昆
明所閉故欲伐之以昆明有滇池方三百里於是
除千夫五大夫不欲者出馬以故吏弄法皆謫令
伐棘上林穿昆明池以習水戰郵客舍也漢制王

侯就封之國朝會京師各有旅邸門皆施朱故曰
朱邸抗如抗礼之抗史記梁孝王世家大治宮室
爲複道白宮連屬於平臺註臺不過高者曰平臺
門上有窓者曰扉黃扉天子之扉戚里貴戚之里
也

平臺戚里帶崇墉炊金饌玉待鳴鍾小堂綺帳三千
萬大道青樓十二重寶蓋雕鞍金絡馬蘭窓繡柱玉

盤龍綺璇題粉壁映鏘金鳴玉王侯盛

前漢書史玄字子叔以宣帝大母家封平臺侯食
二千五百戶弟史高字子長封樂陵侯史魯字子
同封將陵侯上文平臺是言宮室此連戚里言之
則以外戚作意矣詩作篇其崇如墉張平子西京
賦若夫翁伯濁質張里之家擊鍾鼎食連騎相過
鮑明遠結客少年揚行擊鍾陳鼎食方駕自相求

公孫卿言仙人好樓居黃帝時爲十二樓以候神
人武帝乃作蜚廉觀十二樓鮑明遠詩鳳樓十二
重四戶八綺窓綉榻金蓮花桂柱玉盤龍註綉柱
柱衣綉作黃鵠文楊子雲其泉賦璇題玉英淵蛸
護蠖之中註題樓榭
頭也皆以玉飾之

王侯貴人多近臣朝遊北里暮南隣陸賈分金將燕

喜陳遵投轄正留賓趙李經過密蕭朱交結親

左大冲詠史詩南隣擊鍾磬北里吹笙竽又阮籍
豕懷北里多奇舞孝標廣絕交論陸大夫宴喜西
隣郭有道人倫東國註師延紂樂師作北里之舞
靡靡之樂南隣猶南陌也呂后欲王諸呂陸賈自
度不能爭廼病免以好疇善地往家焉有五男乃
出千金分五子令爲生產賈常乘車馬歌琴侍者
十人寶劍直百金與其子約曰過汝家汝給人馬
酒食極飲十日而更亦如之所死家得寶劍車騎

侍從者一歲中以往未他客不再過數擊鮮毋父
溷汝爲也后因陳平燕居深念勸令交驩周勃乃
以五伯金爲絳侯具樂飲勃亦如之平乃以奴婢
百人車馬五十乘錢五百萬爲賈飲食賈以此遊
漢公卿間聲名籍甚詩六曰篇吉甫燕喜註謂燕
飲喜樂也陳遵豪俠嗜酒閉門留客取車轄投之
井中雖有急不得去阮籍咏懷詩西游咸陽市趙
李相經過顏延年註以此爲漢成帝后趙飛燕婕
妤李平班史谷永傳又爲趙李報德復怨楊升菴
云趙李卽成帝小臣若飛燕婕妤好豈可言經過可
見延年之誤劉會孟謂安知非實有此人不必求
其誰何亦非也唐王維亦有日夜經過趙李家豈
唐時亦實有此人乎后詩話補遺又云趙李乃何
並傳陽翟輕俠趙李欵后皆爲並所殺按謝靈
運景隆法師誄云諒趙李之咸陽程鄭則趙李非
云孰是歡慰程鄭趙李以趙李對程鄭則趙李非
一人且谷永傳云成帝久無繼嗣數爲微行多近
幸小臣趙李從微賤專寵皆皇太后與諸舅夙夜

馬之集言
所常憂按此傳當以小臣爲句不可以趙李爲小
臣也升菴詆頽劉之博不免有失而其誤自蹈之
甚矣考據之難矣味谷永傳趙李似指飛燕平二
家平既立爲婕妤好上曰始衛皇后亦從微起乃賜
姓衛平班婕妤好所進侍者也在飛燕未幸前肅育
朱博爲友著聞當代時人爲之語曰蕭朱結綬玉
貢彈冠后蕭朱有隙不終
故王丹曰蕭朱隙其末

丹鳳朱城白日暮青牛細幘紅塵度俠客珠彈垂楊

道倡婦銀鈎採桑路

魏武與楊彪書今贈足下四望通幘七香車二乘
青牛犇二頭籍田賦微風生於輕幘今纖埃起於
朱輪潘尼迎大駕詩歸雲乘幘浮妻風尋帷入梁
簡文春日想上林詩香車雲母幘駛馬黃金羈又
傷離詩明香豈還憶青笳逆后塵註幘車上張也
所以禦熱如今之幘網色也班固四都賦紅塵四

合烟靈相連陳易縉俠客控絕影詩仙掌層臺浮
麗日長揪廣路起紅塵俠客見送鄭少府入遼篇
珠彈見之問篇此言其侈如所謂金丸也潘岳美
姿儀詞藻絕麗尤善哀誄之文少時嘗挾彈出洛
陽道婦人遇之皆連手縈繞投之以果滿車而歸
枚乘梁玉兔園賦若乃大郊采桑之婦人兮袿裼
錯紆連袖方路鈎采桑籠鈎也
以銀爲之采桑路又卽見下文

倡家桃李自芳菲京華遊俠盛輕肥延年女弟雙飛
入羅敷使君千騎歸同心結縷帶連理織成衣春朝
桂樽樽百味秋夜蘭燈燈九微翠幌珠簾不獨映清
歌寶瑟自相依且論二十八年是寧知四十九年非

李夫人得幸漢武帝弟延年亦大幸時人爲之語
曰一雌共一雄雙飛入紫宮邯鄲有女子名羅敷

適邑人千乘王仁后為趙王家令羅敷出采桑趙
 王悅而欲奪之羅敷乃彈箏作陌上桑之曲以自
 明日日出東南隅照我秦氏樓秦氏有好女自名
 為羅敷羅敷善采桑採桑城南隅青絲為籠繩桂枝
 為籠鉤觀者見羅敷下擔採髭鬚少年見羅敷脫
 巾着綃頭耕者忘其耕鋤者忘其鋤使君從南來
 五馬立踟躕羅敷年幾何二十尚未滿十五頗有
 余使君謝羅敷寧可共載否羅敷亦致辭使君一
 何愚使君自有婦羅敷自有夫東方千餘騎夫婿
 居上頭同心結以五色為結同心而下垂者曰同
 心結如今之流蘇也古人皆以此相贈以見親狎
 之意隋煬帝父文帝崩之夕封小金合遺賜文
 帝陳夫人夫人以為為鴻懼甚發之乃同心結也其
 夜丞焉連理見久成邊城篇連理帳註九微見有
 懷京邑篇幌書帳也遽伯王行年五十而
 知四十九年之非又見詠懷上裴待郎篇

古來榮利若浮雲人生倚伏信難分始見田竇相移

奪俄聞衛霍有功勳未厭金陵氣先開石槲文朱門

無復張公子霸陵誰畏李將軍

倚伏見邊夜有懷蕭曹攄感舊詩富貴他人合貧
 賤親戚離廉藺門易軌田竇相奪移晨風集茂林
 栖鳥去枯枝註田蚡漢景帝后同母弟灌嬰漢文
 帝后從兄子也嬰為將軍時蚡未貴跪起如子姪
 孝景末蚡益貴幸新欲用事卑下賓客進名士貴
 之欲以傾嬰后因灌夫罵坐蚡收之嬰救夫不得
 夫遂告蚡陰事蚡因言嬰短嬰卒坐棄市衛青漢
 武衛后同母弟伐匈奴有功霍去病衛青姊子霍
 光兄也后青無功不得益封而去病日貴門下多
 去事去病輒得官爵金陵見宿山莊蕭衛靈公卒
 葬沙丘宮穿塚得石槲有銘云不憑其子靈公奪
 我里子韋日靈公之為靈也久矣又見樂大夫挽
 詞開白日註漢成帝微行自稱富平侯張放家人
 時有童謠日燕燕尾涎涎張公子時相見燕燕指

趙飛燕也詳見后卷檄文燕啄皇孫註霸陵李將軍見別李嶠詩

相顧百齡皆有待居然萬化咸應改桂枝芳氣已銷
亡栢梁高宴今安在

百齡桂枝見挽丹陽刺史詩栢梁臺名漢武帝太后延神君祠之宮中至是神君求出乃營栢梁臺舍之以香栢為梁香聞十里在長安城北關內今在西安府城西北一十四里未央闕大

莫矜一旦擅豪華自言千載長驕奢倏搏風生羽
翼須臾失浪委泥沙黃雀徒巢桂青門遂種瓜

搏風見螢火篇戰國策莊辛諫楚王曰鄭必危矣王獨不見黃雀俯啄白粒仰栖茂樹鼓翅奮翬自以為與人無爭不知夫公子王孫左挾彈右謳先以其頸為的晝遊茂樹夕調酸鹹耳青門種瓜見

高四篇東陵瓜註

黃金消鑠素絲變一貴一賤交情見紅顏宿昔白頭
新脫粟布衣輕故人

劉休玄儼惠連詩色滋畏沃若人事亦消鑠本鄒陽獄中上書魯聽季孫之說逐孔子宋信子冉之計囚墨翟夫以孔墨之辨不能自免譏諛而二國以危何則眾口燥金積毀銷骨又本國語伶州鳩曰眾心成城積毀銷骨墨子見染絲嘆曰染於蒼則蒼染於黃則黃五入之則為五色故染不可不慎非獨絲也國亦有染湯染伊尹紂染惡來也貴賤交情見高四篇白頭新元螢火篇公孫弘為相食故人高賀以脫粟覆以布被賀怨曰何用故人富貴為脫粟布被我自有的怒而去語人曰弘身服貂蟬衣麻桌內厨五鼎外膳一殺其儉詐也弘聞之慚曰寧逢惡賓不逢故人

故人有堙淪新知無意氣灰死韓安國羅傷翟廷尉

韓安國事見螢火
翟廷尉見高四篇

已矣哉歸去來馬卿辭蜀多文藻楊雄仕漢乏良媒

三冬自矜成足用十年不調幾遭廻

歸去來見寒夜獨坐司馬相如字長卿蜀人楊雄字子雲亦蜀人仕漢成帝官不過郎中位不過執戟后附新莽為大夫張釋之為騎郎十年不得調三冬見用見高四篇

汲黯薪逾積孫弘閣未開誰借長沙傳獨負洛陽才

汲黯事見春霽早行公孫弘既相於是起客館開東閣以延賢人一日欽賢館以待大賢次日翹才館以待大才次日遊士館以待國士躬自菲薄俸祿皆以給之后李蔡嚴青翟趙周石慶繼踵丞相

客館丘墟而已至賀屈髦時壞以為馬廐庫奴婢室矣賈誼洛陽人少有才為絳灌所疾出為長沙

王大傳梁武帝詔劉孺與張率賦詩時二人並醉未及成帝取孺手板題戲之曰張率東南美劉孺洛陽才投筆便應就何事苦遲回

洛陽成周地名居洛水北故曰洛陽春秋屬晉戰國屬魏秦屬三川郡漢為河南郡治東漢都於此改洛為雒以當火德魏復為洛陽晉因之隋遷都治河南縣唐改洛陽為永昌尋復舊宋初河南洛陽二縣並置金以河南縣省入洛陽縣元仍舊金因之屬河南府

疇昔篇

少年重英俠弱歲賤衣冠既託寰中賞方承膝下歡
遨遊霸陵曲風月洛陽端且知無玉饌誰肯逐金丸

馬之集言
英俠與遊俠同見鄭少府入遼篇禮人生十年曰
幼學二十曰弱冠賤衣冠輕冠冕也寰中賞得名
也膝下歡事親也霸陵見別李嶠詩洛陽即洛陽
城也東漢舊都風月所會所謂京洛多佳麗者也
玉饌見初秋登司馬樓篇漢韓王信入匈奴至頽
當城生子因名頽當后歸漢其孽孫韓嫣得幸武
帝與共卧起好彈以金為丸一日所失十餘長安
兒童聞嫣出即競逐拾之長安語曰若飢寒逐金
丸

金丸玉饌盛繁華自言輕侮季倫家五陌爭馳千里
馬三條競駕七香車掩映飛軒乘落照參差步障引
朝霞池中舊水如懸鏡屋宇新粧不讓花

史記呂不韋說華陽夫人曰夫人不以繁華時改
本阮籍詠懷昔口繁華于安陵與龍陽梁沈約三

日詩洛陽繁華子長安輕薄兒晉散騎常侍石苞
之子崇字季倫極富於財與王后之兄愷鬪富競
以繁華相高輕侮謂繁華過之也五陌見帝京篇
漢文帝時人有馱千里馬者又九方臯相千里馬
嘉其善走一日千里也三條七香車俱見帝京篇
王榭失舟至烏衣國主人命飛雲軒送之令榭坐
其中閉目少息須臾至家落照日也石崇與王愷
鬪富愷作紫步障四十里崇作錦步障五十里朝
霞步障之色陳僧慧標詠水
詩舟如空裏泛人似鏡中行

意氣風雲倏如昨歲月春秋屢迴薄上苑頻經柳絮
飛中園幾番梅花落當時門客今何在疇昔交遊已
踈索莫見憔悴損容儀會得高秋雲霧廓

意氣風雲見高四篇薄音博迫也如宋師未陣而
薄之薄謂周廻相迫耳柳飛花落喻富貴失時門

客何在用衛青事見挽樂大夫詩交遊疎索亦生
死翟公羅之意也高秋霧廓亦與時衰謝之語

淹留坐帝鄉無事積炎涼一朝披短褐六載奉長廊

賦文慙昔馬執戟幕前揚揮戈出武帳荷筆入文昌

帝鄉見高四篇披褐見鏤雞子詩懷玉註奉長廊
居廊廡下甲官也昔馬指司馬相如前揚揚雄也

雄為郎中自成哀平三世不徙官執戟郎中之職
也韓信曰臣事項王官不過郎中位不過執戟是

也潘岳誅夏侯謹執戟疲揚長沙投賈汲黯傳上
嘗坐武帳中應邵曰帳幟為武士之象也孟康置

兵闌五兵於帳中又
見孫長史篇玉帳註

文昌隱隱皇城裏由來奕奕多才子潘陸詞鋒絡繹

飛張曹翰死縱橫起卿相未曾識王侯寧見儼徒勞

倦負薪何處逢知己

潘岳陸機曹植俱見帝京篇張疑張華也華字茂
先文學才識各重一時為晉司空賈后命管機要

后為趙王倫所殺負薪用朱買臣事見裴
侍郎詩知己見春霽早行篇太行道註

判將運命賦窮通從來奇舛任西東不分永棄同芻

狗且復飄飄類重蓬容鬢年年異春花歲歲同榮親

未盡禮狗主欲申功

莊子大運篇孔子西遊於衛顏回問師金曰以夫
子之行為奚如師金曰惜乎而夫子其窮哉曰何

也師金曰夫芻狗之未陳也盛以篋衍巾以文繡
尸祝齋戒以將之及其已陳也行者賤其首春蘇

者取而爨之而已將復取而盛以篋衍巾以文繡
遊居寢於其下彼不得夢必且數昧焉今而夫子

亦取先王已陳芻狗取弟子游居寢卧其下故伐
柯於宋削迹於衛窮於商周是非其變耶困於陳
蔡之間七日不火食死生相與鄰是非其味耶飄
飄見洛濱對雪篇重蓬猶累蓬也見泊河曲篇

脂車秣馬辭鄉國榮轡西南吏邛夔王壘銅果不易

攀地角天涯眇難測鶯囀蟬吟有悲望鴻來鴈度無

音息陽關積霧萬里昏劍閣連山千里色

詩遑脂爾車又漢廣篇言秣其馬漢武令張騫因
蜀犍為發問使四道並出出驢山冉出徒出邛夔
皆各行一二千里左思賦包玉壘以為宇郭璞江
賦玉壘作東別之標註玉壘山名在今成都府灌
縣西北二十九里左思蜀都賦外負銅梁於岩渠
內函要害於膏腴註銅梁山名在岩渠梁縣鶯蟬鴻
鴈偕寫四時之景陽關見久戍邊城篇劍閣亦山
名晉張載字孟陽至劍閣以蜀人恃險好亂因著

銘以作戒曰岩岩梁山積石峩峩遠屬荆衡近綴
岷嶓南通邛夔北達褒斜狹過彭碣高踰嵩華唯
蜀之門乍固乍鎮是曰劍閣壁立千仞窮地之險
極地之峻世濁則逆道清斯順順益州張敏奇之
上其文武帝刻之於劍閣山在今保寧府劍州北
三十里兩崖峻拔鑿石架閣而為棧道連山絕險
秦司馬錯由此道伐蜀銅梁山在今合州南五里
銅梁縣在州南九十里本巴國地楚襄公滅巴封
其子為銅梁侯秦漢為墊江縣地長安中始置銅
梁縣在今縣北列宿與后移涪江南岸又移東溪
壩元移今治并巴州縣入焉今屬合州隸重慶邛
一統志云漢武平西南夷冉駹之屬皆震恐請臣
置吏乃以邛都為越巂郡晉宋因之北齊謂之獫
狁郡后周置嚴州隋改西寧州后復為巂州大業中
又更越巂郡唐初復為巂州又改越巂郡至德初
沒於吐蕃真觀中收復太和又為蒙詔所據元
初置建昌路又立羅羅斯宣慰司以統之今為行
都司隸四川道夔古夔侯國為夷僚所居漢武為

犍為牂牁二郡地唐為羈縻馴騁浪瀉四川總名白馬湖部屬戎州都督宋蛮王屯湖內元置馬湖路今改府隸四川

蜀路何悠悠岷峯阻且脩迴腸隨九折迸淚忽雙流

寒光千里暮露氣二江秋長途看束馬平水見沈牛

蜀見鄭安陽篇題註岷山名在茂州羌之列鷲村一名鴻蒙即隴山之南首故稱隴蜀又名汶焦山其附曰羊膊江水所出山高六十里望見成都脩長也詩孔脩且張司馬遷報任安書是以腸一曰而九迴黃河九折故以迴腸隨之也迸亦雙也成都府有雙流縣故以淚言之二江一名汶江一名流江經府城南七里蜀守李冰穿二江通成都皆可行舟漑田萬頃一由永康過新繁入成都謂之外江一由永康過邛入成都謂之內江又名錦江史記齊桓公束馬懸車登太行山至卑耳山司馬

相如上林賦沈牛塵麋平子西京賦然後釣魴鱧纒鯁鮒摟紫貝搏睿龜溢水豹馬潛牛澤虞是濫何有春秋註潛牛沈牛也能沈沒水中亦謂之水牛恐非指此成都河邊有鐵牛七李冰所造今二沈于河在府城南三十五里名石犀又四川嘉定州犍為縣南二十里有沈犀山昔有犀牛於此山下渡江而沈后說為是

華陽舊地標神制石鏡娥眉真秀麗諸葛才雄已號

龍公孫躍馬輕稱帝五丁卓犖多奇力四士英靈用

文藝雲氣橫開八陣形橋影遙分七星勢

華陽秦之郡名秦昭襄王有華陽君芋戎又太子妃曰華陽夫人慈湖玉幼學集覽云華陽在鄭州晉城南建安馬智舒云未詳所在楊升菴云大江自滿堰至犍為有五津曰白華津萬里津江首津

涉海津江南津出華陽國志上下文地名俱在成
 都恐即今華陽縣也娥眉即蜀娥眉山周迴千里在
 今嘉定州諸葛號龍見幽縈書情篇蜀都賦公孫
 躍馬而稱帝劉宗下輦而自王公孫述字子陽茂
 陵人為清水長有能名遷導江卒正治臨邛南陽
 宗成起兵狗漢中以應漢眾數萬人述遣使迎之
 成等至成都虜掠暴橫述謂郡中豪傑曰天下同
 苦新室思劉氏久矣故聞漢將軍到馳迎道路今
 百姓無辜而婦人係獲此寇賊非義兵也乃詐為
 漢使者拜述將軍兼益州牧擊成殺之而并其眾
 及更始遣李宝狗蜀漢遣其弟拒擊破走之遂自
 立為蜀王光武未即位已稱帝吳漢伐蜀述敗死
 五丁見鄭安陽篇蜀都賦蔚若相如皜若君平王
 褒曄曄而秀發揚雄含章而挺生幽思綯道德摛
 藻揆天庭考四海而為雋當中葉而擅名此即四
 士也註三子著述皆是君平嚴遵也作老子指歸
 故云用文藝八陣諸葛孔明所作凡三一在沔陽
 之高平舊壘一在廣都之八陣鄉一在魚復永安

宮南江灘水上其法六十四陣天衝十六陣居兩
 端地軸十二陣居中間天前衝四陣居右后前衝
 四陣居左地前衝六陣居后風八陣附天雲八陣
 附地陰遊兵二十四陣在六十四陣之后一統志
 云在夔州城南者六十四方陣法也在成都府新
 都縣北三十里牟弥鎮者一百二十有八當頭陣
 法也在漢中府沔縣東南一十里定軍山下者二
 百五十有六下營法也其陣聚細石為之各高五
 尺皆布列相當中間相去九尺正中間南北巷悉
 方廣五尺各六十四聚或為人散亂及為夏水所
 沒水退復如故又有二十四聚作兩層其後每層
 各二十聚桓温伐蜀經之以為常山蛇勢七星橋
 見吳七
 遊蜀篇

川平煙霧開遊戲錦城隈墉高龜望出水淨鴈文迴
 尋姝入酒肆訪客上琴臺不識金貂重偏惜玉山頽

成都記錦里城呼為錦城以江山明麗錯雜如錦
 張儀築成都大城屢頽忽有大龜出於江儀以問
 巫巫曰隨龜築之果就功遂名龜城一名龜化衡
 山有迴鴈峯鴈至此不得過迴翌而返詩靜女其
 姝註美也琴臺見鄭安陽篇阮孚字遙德為常侍
 以金貂換酒為有司所彈晉元帝宥之孚咸子也
 玉山頽見紫雲
 觀贈道士篇

他鄉苒苒消年月帝里沈沈恨城闕不見猿聲助客
 啼唯聞旅思將華發我家迢遞關山裏關山迢迢不
 可越故園梅柳尚余條春來勿使芳菲歇

楚詞老苒苒而將至兮恐脩名之不立司馬彪贈
 山濤詩苒苒三光馳逝者一何速陸機出西城詩
 靡靡年時改苒苒無已及註皆云漸進貌或作苒
 苒義同猿聲見鄭安陽篇斷猿註關山見蕩子從

軍賦楚詞芳草歇而不披潘岳悼亡詩流芳未及
 歌遺桂猶在壁謝靈運詩首夏猶清和芳菲亦未

芳歇

非見蕩子篇蕪
 蕪註歇止也

解袂欲言歸執袂愴多違北梁俱握手南浦共沾衣
 別情傷去蓋離念惜光輝捐鄉有何記木落鴈南飛

李陵別蘇武詩携手上河梁遊于暮何之徘徊岐
 路側恨恨不能辭南浦見之間篇去蓋用傾蓋字
 捐鄉離鄉土也漢武秋風辭秋風起兮白雲飛草
 木黃落兮鴈南歸蘭有秀兮菊有馨懷佳人兮不
 能忘

飛鳥轉南陸春來酒應熟相將芸閣望青溪且用藤

孟泛黃菊十年不調爲貧賤百日屢遷隨倚伏祇爲
湏求負郭田使我再干州郡祿

南陸見詠蟬篇西陸註芸草葉香可以辟蠹芸閣藏書之閣也一云當作菌閣楚辭菌閣兮蕙樓謝

玄暉詩尋雲陟累榭隨山望菌閣註菌香草也或曰連菌之義青溪見高四篇十年不調見帝京篇

蔡邕亡命江海積十二年董卓聞其名而辟之稱疾不就卓怒罵曰我能族人邕懼應命到署祭酒

甚見敬重三月之間周歷三臺遷爲侍中及王允誅卓邕驚歎允收殺之倚伏見邊夜有懷詩蘇秦

曰使我有洛陽田二頃安能負六國相印梁劉孝標與宋元思書園空桑麻田無負郭

百年鬱鬱少騰遷萬里迢迢入鏡川涘江沸潮衝白霧淮海長波接遠天叢竹眠朝露孤山起暝烟賴有

邊城月常伴故人懸

漢高謂蕭何曰吾亦欲東耳安能鬱鬱久居此乎鏡川卽上文水如懸鏡之意詩所謂伊人在水之

涘注水次涯也

東南美箭稱吳會名都隱軻三江外塗山執玉應昌期曲水開襟重文會仙鏘流音鳴鶴嶺寶劍分輝若蛟瀨未看白馬對蘆芻且覺浮雲似車蓋

史記東南之美者有會稽之竹箭焉吳虞翻與少府孔融書并示以所著易註融答書曰聞延陵之

理樂觀吾子之論易乃知東南之美者非徒會稽之竹箭也吳會見白雲抱幽石篇三江見冬日野

望篇大禹會諸侯於塗山執玉帛者萬國晉武嘗問摯虞三月三日曲水之義虞對曰漢章帝時平

康徐肇以三月初三生女至三日俱亡村人以爲
 惟乃招携之水濱洗被遂曰水以泛觴束皙進曰
 虞小生下足以知昔周公成洛邑曰流水以汎酒
 故逸詩云羽觴隨波又秦昭王以三日置酒河曲
 見金人捧水心之劍曰今君制有西夏乃霸諸侯
 因此立爲曲水二漢相緣皆爲盛集也王羲之蘭
 亭序言言其地有崇山峻嶺茂林脩竹因以爲曲
 水流觴諸賢畢集卽開襟文會之事也馬卽曰鑄
 鳴鶴取在陰之義見王明府參選篇吳都賦控清
 引濁混濤并瀨註水淺而急曰瀨若蛟瀨取化劍
 之義也蘆芻所以釀酒杜詩黃羊飯不羶蘆酒筍
 爲筒註吸而飲之若今之啞酒也又名釣藤酒又
 疑當作壚騶南史齊謝幾卿性通脫會意便行不
 拘朝憲嘗預樂遊苑宴不得醉而還因詣道邊酒
 壚停車褰幔與車前二騶對飲時觀者如堵卿處
 之自若漢明帝於東都城外立精舍以處攝摩騰
 竺法蘭爲白馬寺騰以白馬馳經初止鴻臚寺故
 云浮雲似車蓋見紫雲觀篇崑經所載塗山者四

一會稽一渝州一濠州一當塗禹安塗山在今鳳
 陽府懷遠縣東八里與荆山對峙此山西南有禹
 墟及禹會村鯀廟在焉東岐塗山詩樵鯀已入黃
 熊廟烏鵲猶朝禹會村指鯀化黃熊乃濠州塗山
 也

江南節序多文酒屢經過共踏春江曲俱唱采菱歌

舟移疑入鏡棹舉若乘波風光無限極歸楫礙池荷

謝靈運憶山中詩采菱調易急江南歌不緩楚人
 心昔絕越客陽今斷註采菱江南俱曲各使信有
 哀江南賦事見下章張協七命淵若唱淮南之曲
 榜人奏采菱之歌歌曰乘鳧舟兮爲水嬉臨芳洲
 兮援雲芝陳釋慧標詠水曾添疎勒井經涌貳師
 營玉津花色亮銀溪錦噴明舟如空裏泛人似鏡
 中行持將符上
 善利得動高情

眺聽烟霞正流盼即從王事歸
 艦傳芝田花發屢徘徊
 金谷德明重遊衍登局南適
 啗梁叟馮軾西征想
 潘椽岸間萃岳聳疑蓮水激
 龍門急如箭

艦見父戌邊城篇東方朔曰西王母乘靈光輦適東王公之舍稅步景馬遊於芝田食芝田之草註方丈山有數十方頃田種芝草課計頃畝如種稻狀石崇金谷序曰余以元康之年從太僕卿出為使持節監青徐諸軍事征虜將軍有別廬在河南縣界金谷澗中或高或下有清泉茂林衆果竹植藥草之屬莫不畢備又有水碓魚池土窟其為娛目歡心之物備矣時征西大將軍祭酒王翔當還長安余與衆賓共往澗中晝夜遊宴屢遷共坐或登高臨下或列坐水次時琴瑟笙筑合載車中道路並作及住令鼓吹迭奏遂名賦落以叙中懷或不能者罰酒三斗感性命之不永俱凋落之無期

故列序詩人官號姓名年紀又鴛詩着后后之好事者其覽之哉德明即明德賢人也梁庾信字子山因侯景亂臺城奔江陵元帝承制除為御史中丞聘西魏屬大將南討留長安累遷開府儀同三司后南北通好流寓各許還國惟信與王褒措不遣信嘗有鄉關之思作哀江南賦有云霸陵夜獵猶是舊時將軍咸陽布衣非獨思歸王子潘椽即潘岳也作西征賦云歲次玄樛月旅蕤賓丙丁統日乙未御辰潘子憑軾西征自京徂秦註左傳楚子玉謂晉侯曰請與君之士戲君憑軾而觀之陸機狹斜行鳴玉豈樸儒憑軾皆俊民太華山峯奴蓮華故名太華龍門水急如箭見晚泊河曲篇金谷在河南府城西十三里地有金水自太白源南流經此谷一名梓澤傍有清源臺即絲珠墜樓處

人事謝光陰俄遭霜露侵
 偷存七尺影分投九泉深
 窮途行泣玉憤跖未藏金
 茹茶徒有嘆懷橘獨傷心

淮南子吾生也有七尺之形吾死也有一棺之土
陸機挽歌昔為七尺軀今成灰與塵九泉見挽冊
陽刺史詩窮路見早發諸暨詩泣玉見贈之間篇
詩谷風篇誰謂茶苦其井如薺註婦人言已為夫
所棄其苦有甚於茶故視茶如薺之甘菜也又漢
書刑法志法藝秋茶壞橘見早發諸暨橘性註又
陸績七歲謁袁術懷橘數枚辭術墮地術曰陸
即作客而懷橘乎績曰欲歸遺外術大奇之

年來歲去成消鑠懷抱心期成廖落挂冠裂冕已辭

榮南畝東臯事耕鑿賓階客院常疎散蓬徑柴扉終

寂寞自有林泉堪隱棲何必山中事丘壑

王莽殺其子宇滅中山孝王后家殺敬武公主及
汜鄉侯何武故司隸鮑宣等數伯人北海逢萌謂
友人曰三綱絕矣不去禍將及人即解冠挂東都
城門歸將家屬浮海客於遼東詩大田篇倣載南

畝陶淵明歸去來辭登東臯以舒嘯堯時有老人
含哺鼓腹擊壤而歌曰日出而作日入而息耕田
而食鑿井而飲帝力何有於我丘壑見秋日山行篇丘中一絃註

我任青門外家臨素滻濱遙瞻丹鳳闕斜望黑龍津

荒津通獵騎窮巷低樵輪時有桃源客來訪竹林人

青門見高四篇東陵瓜註滻水名在今西安府城
東十五里源出藍田縣合金谷水北流入灞丹鳳
闕見帝京篇黑龍水名淮南子女媧煉五色石以
補蒼天斷鰲足以立四極殺黑龍以濟冀州積蘆
灰以止淫水桃源見酬高玄上人詩竹林見餞駱四詩

昨夜琴聲奏悲調旭旦含嘔不成笑果乘驄馬發囂

詩復道郎官稟綸誥冶長非罪曾縲綯長孺然灰也

經溺高門有閣不齒封峻筆無聞欲敷妙

詩苦葉篇旭日始旦註旭日初出貌韓昭侯日吾聞明主愛一頓一笑莊子西施村心而頓註蹙眉也駮馬見幽繫書情詩綸誥禮緇衣篇王言如絲其出如綸詳見三卷上廉使啓龍縛註公冶非罪長孺然灰俱見螢火賦篇

適離京兆謗還從御府彈炎威資夏景平曲况秋翰

畫地終難入書空自不安吹毛未可待挫尾且求殮

京兆尹張敞為妻畫眉都人稱京兆眉撫為御府所彈帝聞而問之敞對曰閨門之內夫婦之私猶有過於此者漢宣頗用法令路溫舒上尚德緩刑書諺云畫地為獄議不入刻木為吏期不對此皆疾吏之風悲痛之詞也晉殷浩連年北伐師徒屢敗糧械俱盡桓溫因朝野之怨上疏廢為庶人自

此大權悉歸於溫浩與溫齊名而心競不相下溫嘗輕之浩既廢黜雖愁然不形詞色嘗書空作咄咄怪事四字吹毛求疵謂求細過於毛髮之間也挫尾見幽繫書情篇

丈夫坎壈多愁疾契闊屯遭盡今日慎罰寧憑兩造

詞嚴科直挂三章律鄒衍銜悲衝燕獄李斯抱怨拘

秦格不應白髮頓成絲直為黃沙暗如漆

坎壈見裝侍郎詩詩擊鼓篇死生契闊註隔遠之意易屯之上六屯如適如乘馬班如泣血連如書康誥惟乃丕顯考文王克明德慎罰呂刑兩造具備師聽五詞註兩造兩爭者皆至也周官以兩造聽民訟具備詞證皆在也師衆也五辭麗於五刑之辭也漢高入關悉除秦苛禁與民約法三章曰殺人者死傷人及盜抵罪餘不問鄒衍燕人下獄剖胷而死秦相斯為趙高所誣父子相哭曰吾復

思之集言 卷之六十一
欲與汝牽黃犬上東門逐狡兔
得乎遂夷三族三族秦格也

紫禁終難叫朱門不易排驚魂聞葉落危魄逐輪埋

霜威遙有勵雪衽更無階含冤欲誰道飲氣獨居懷

紫禁難叫所謂叫天闈於九重者也字出楚詞見後封禪表魯褒錢神論無德而尊無勢而熱排金門入紫闈驚魂聞葉落見螢火賦漢和帝分遣八

使巡行天下張網獨埋其車輪於洛陽都亭曰豺

很當道安問狐狸遂劾奏梁冀無君之心十五事

云危魄者言已之魄又影輪消挂魄之意也雪衽如雪耻之雪

忽聞驛使發關東傳道天波萬里通涸鱗去轍先遊

海幽禽釋網便翔空舜澤堯曦方有極讒言巧佞儻

無窮誰能跼踖依三輔會就商山訪四翁

涸鱗見春霽早行詩堯曦猶堯日也日色曰曦詩小雅正月篇謂山蓋高不敢不踞謂地蓋厚不敢

不踖踖曲背踖累足也三輔見送陳文林篇四翁即四皓見梁大官篇

行軍軍中行路難

行路難古曲名見發諸暨詩註

君不見封狐雄虺自成羣馮深負固結妖氛玉璽分

兵徵惡少金壇授律動將軍

楚辭招魂篇封狐千里雄虺九首註封狐大狐也健走千里求食也虺亦蛇也九首一身九頭也引

此以喻匈奴猶左氏言封豕長蛇耳史記漢武徵行上林苑中惡少年欲攻之又徵惡少為兵金壇

見和孫長史篇

將軍擁旄宣廟略戰士橫戈靜夷落長驅一息背銅

梁正指三危登劍閣

銅梁劍閣見疇昔篇

閣道迢遙起戍樓劍門遙裔俯靈丘邛關九折無平

路江水雙原有急流

諸葛亮治邛閣息民休士三年而後用之註蜀中道險高深谿谷皆架木為棧道構閣以通往來謂之棧閣劍門見鄭安陽入蜀篇邛關九折見費六還蜀篇雙源見之問篇

征役無期返他鄉歲月晚杳杳丘陵出蒼蒼林薄遠

途危紫蓋峰路溢青泥坂

湖廣衡州府衡山縣西三十里有衡山寰宇記宿當翼軫度應機衡其山盤繞八百里有十二峯十洞十五巖三十八泉二十五溪九池九潭九共而峯之最大者五日祝融紫蓋雲密石廩天柱唯祝融最高紫蓋峯每見雙白鶴迴翔其上青泥坂在今平陽府蒲州東南十五里仲條山伯樂逢驥驥困鹽車處俗名青石槽亦謂之虞坂宋沈田子由武關進屯青泥即此又陝西漢中府略陽縣西北一百五十里有青泥嶺而過多泥淖宋陽粹中題青泥驛詩山猶連蜀道人已作秦音未知是何青泥坂也

去去指危牢行行入不毛絕壁千里險連山四望高

行行見幽繫書情篇驂馬註諸葛孔明出師表五月渡瀘深入不毛四望見送之間篇

中外分區宇夷夏殊風土交趾枕南荒昆彌臨北戶

川源饒毒霧溪谷多淫雨行潦四時流崩崖千歲古

交趾南夷地昆彌北狄酋名漢武以江都王建女細君為公主妻烏孫昆莫以為夫人公主自治宮室居歲時一再與昆莫會昆莫年老言語不通公主悲愁思歸作黃鵠之歌天子憐之使人問遺昆莫死其孫岑娶又妻公主代立為昆彌註昆彌王號也岑娶娶公主公主上書詔許之

漂梗飛蓬不暫安捫藤引葛陟危巒昔時聞道從軍

樂今日方知行路難

漂梗見浮查篇飛蓬見泊河曲篇王仲宣從軍詩從軍有苦樂但問所從誰所從神且武焉得久勞師古樂府左延年從軍詩從軍何等樂一驅乘雙駁鞍馬照人白龍驥自動作

滄江綠水東流駛炎洲丹徼南中地南中南斗映星

河秦關秦塞阻煙波三春邊地風光少五月瀘中瘴

癘多朝驅疲斥堠夕息倦樵歌向月響繁弱連星轉

太阿

駛見晚憇田家篇一作駛與快同見魏志酉陽雜俎河水色渾駛流尸子黃河下龍門其流駛竹箭元好問詩駛雨東南來趙松雪有駛雪帖字音快駛馱名馬也生七日起其母炎洲見遠使海曲篇環海註丹徼見蕩子篇馬謖謂孔明曰南中特其險遠不服久矣今雲南等州之地是也瀘水名孔明出師表五月渡瀘非今瀘州乃古之江陽水今名金沙江即黑水也故以盧名沈黎古志孔明南征由今黎州路四百餘里至兩林蠻自西林南琵琶部三程至雋州十程至濫水四程至弄棟即姚

州也今金沙江在滇蜀之交一在武定府之江驛
 一在姚安之左却孔明所渡即左却琵琶地一作
 風琶兩林今印部長官司斥堠巡警之處斥拆也
 堠候也夜則擊拆日則伺候以警盜賊候有壞臺
 故或從土也左傳周公相王室以君天下於周為
 睦分魯公以大路大旂夏后氏之璜封父之繁弱
 註封父古諸侯繁弱大弓也上林賦響繁弱滿白
 羽寶劍有九惟韓為衆一日棠谿二日墨陽三日
 合伯史記作合賻春秋后語作合相四日鄧師五
 日宛馮六日龍泉七日太阿八日莫邪九日干將
 莫邪于將匠名餘皆以韓地名之蘇秦曰韓卒之
 劍戟皆出於冥山棠谿墨陽合賻鄧師宛馮龍淵
 太阿皆陸斷牛馬水截鵠鴈連星
 即連牛也見螢火賦劍影埋豐註

重義輕生懷一顧東征西伐凡幾度夜夜朝朝班鬢
 新年年歲歲戎衣故

一顧見宋之問篇又烈女傳鄭子晉者楚成王之
 夫人也成王登臺子晉不顧王曰顧吾與汝千金
 遂行不顧曹植所謂一顧
 千金重何必珠玉賤也

故人霸城隅遊子滇池水天涯望轉遙地際行無已
 徒覺炎涼節忽復離寒暑物華非不知關山千萬里

霸城見早發諸暨註滇池在雲南城一名昆明
 池廣五百里史記滇原廣未狹似倒流故云滇詳
 見帝京篇古詩行行重行行與君生別離相去萬
 里餘各在天一涯東邊日垂西邊日際梁柳惲贈
 吳錫詩離念已鬱
 陶物華復如此

棄置勿重陳征行多苦辛且悅清笳梅柳曲詎憶芳
 園桃李人

笳見蕩子篇梅柳曲名張騫入西域傳笳曲西京
唯德摩訶兜勒二曲李延年因胡曲更造新聲二
十八解乘輿以爲武樂後漢以給邊將和帝時萬
人將軍用之魏晉以來唯存黃鶴隴頭出塞入塞
於揚柳黃覃子赤之揚望行人一
十四曲蔡邕益琴爲九絃彈之

絳節紅旗分白羽丹心白刃酬明主但令一被君王

知誰憚三邊征戰苦

絳赤色節以旄牛尾結絡成節注於旗竿之上蘇
武卧起持漢節節旄盡落是也其制本於武王牧
野之誓右秉白旄以麾後人因執以爲信與兵及
使外國皆用之古者節長一尺二寸秦漢以下改
爲旌幢之形後世漸長數尺釋名以爲節毛上下
相重取象竹節亦以示人臣盡節操之義唐以後
藩鎮皆授節鉞白羽扇也見邊城
落日篇上文所引滿白羽乃箭也

行路難幾千端無復歸雲憑短翰空餘望日想長安

平子思文賦憑歸而遐逝兮夕余宿乎扶桑潘岳
懷舊賦仰晞歸雲傳毅七檄仰歸雲遨遊綈李克
詩來若迅風散逝爲歸雲征短翰見
送閻五官詩望日長安見高四篇

艷情代郭氏答盧照鄰

照鄰字昇之范陽人十歲從曹憲王義方授蒼
雅調鄧王府典籤王謂人曰此吾之相如調新
都尉病棄官居大白山餌方士玄明膏會父喪
號嘔丹輒出由是疾甚客東龍門山手足俱廢
自以高宗尚吏已獨儒武后尚法已黃老
后封嵩山求賢已廢疾作五悲赴水死

迢迢芊路望芝田耿耿函關恨蜀川歸雲已落涪江
外還鴈應過洛水瀍

謝靈運江中贈詩可憐誰家婦綠流洗素足明月
 在雲間迢迢不可得註迢迢遠也芊草盛貌陸機
 文賦清麗芊眠註光色盛貌一作矜綿望山谷青
 矜矜也見說文轉作芊綿韋莊詩可憐芳草更芊
 眠芝田見疇昔篇眇眇亦遠也遠視不明曰眇困
 關函谷關也秦時在靈寶縣左右絕崖十丈中僅
 容一車漢將軍揚僕取為關外人移新安縣東一
 里蜀見費六題註蜀川指曠野之地萬夫之川非
 指水也歸雲見行路難篇涪江在重慶府巴縣水
 流東南合梓州之射江還鴈用蘇武事見蕩子篇
 灑水名源出河南府洛陽縣穀城山東流入洛處
 為偃師縣書洛誥我乃十澗水東灑水西惟洛食
 灑水近洛故云洛水灑也禹貢伊洛灑澗亦
 以灑近洛言之東京賦沂洛背河左伊右灑

洛水傍連帝城側帝宅層甍垂鳳翼銅鉞路上柳千
 條金谷園中花幾色

洛陽舊城始築於周公十澗水東灑水西為王城
 周亡秦以十萬戶封呂不韋復增廣之東漢魏西
 晉元魏皆都於此隋煬帝大業元年大營東京名
 曰新都唐太宗欲復修之為張元素諫止故云帝
 城也洛陽縣志洛水南去縣治二里源出洛陽縣
 冢嶺出東流經本縣至成臯入河故曰傍連國語
 宰周公曰譬之如室既鎮其甍矣又何加焉劉休
 玄擬張協詩水鶴巢層甍山雲潤柱礎註甍棟也
 層上下相承也簷阿連於棟上華采軒翊如垂鳳
 翼也銅駝始皇所鑄舊在長安宮城西門外魏明
 帝自長安徙至洛陽宮門前晉惠帝時關內侯索
 靖知天下將亂指銅駝曰會見爾在荊棘中至晉
 成帝二年趙王石虎徙於鄴晉武大元六年符堅
 復遷還長安五胡志符堅滅燕趙后自長安至諸
 州皆夾道樹槐柳二十里一亭四十里一驛行者
 取給於途百姓歌之曰長安大街夾樹楊槐下走
 朱輪上有鸞栖英彥雲集誨我萌黎蕭子顯春別
 詩翻鸞度燕雙比翼楊柳千條共一色金谷見疇

昔篇

柳葉園花處處新洛陽桃李應芳春妄向雙流窺石

鏡君住三川守玉人

成都府有雙流縣石鏡見疇昔篇三月見途中有懷詩註衛玠美風神乘車過洛陽市見者以為玉人雙流本漢蜀郡廣都縣地晉置寧蜀郡后周郡廢隋初改廣都為雙流縣取二江雙流為名唐復於此置廣都縣至元省廣都入焉

此時離別那堪道此日空牀對芳沼芳沼徒遊比目

魚幽徑還生拔草心

空牀見蕩子篇題註爾雅比目魚以左右分不比不行又云卷施草拔心不死郭璞卷施贊卷施之

草拔心不死屈平嘉之諷詠以此取類雖通輿有遠邇梁王僧孺贈顧倉曹詩夙昔今何在生平棄不論譬如卷施草心謝葉空存註南越志寧鄉縣草名卷施拔心不死江淮間謂之宿莽又見至汾水成篇宿莽註劉希洛陽公子行詞此日遨遊邀來公子傍詩意與此相似

流風迴雪倘嬈娟驥子魚文實可憐擲果河陽君有

分貨酒成都妾亦然

曹子建洛川神賦髣髴兮若輕雲之蔽月飄颻兮若流風之迴雪章華賦形嬈娟以嬋媛兮若流風之靡草左思蜀都賦若夫王孫之屬郤公之倫從禽于外巷無居人並乘驥子俱服魚文註拒譚新論善馬者曰薛公得馬惡貌而正走名驥子魚獸名似猪東海有之其皮肯上班文腹下純青可為

弓韃矢服潘岳美姿儀詞藻絕麗尤善哀誅之文
 少時嘗挾彈出洛陽道婦人遇之皆連手縈繞投
 之以果遂滿車而歸卓文君既奔相如與之成都
 賣酒文君當壚相如穿犢鼻裋褐器於市文君父
 卓王孫耻之與錢百萬遂之長安因揚意見武
 帝以詞賦待幸仕至大中大夫竟以病消渴死
 莫言貧賤無人重莫言富貴應須種綠珠猶得石崇

憐飛燕曾經漢皇寵

史記陳勝口王侯將相寧有種乎綠珠石崇愛妾
 崇使交趾以珍珠一斛買之後趙王倫嬖人孫秀
 求之不與誣崇為亂使收之崇謂綠珠曰我因汝
 得罪綠珠自投樓下而死飛燕本長安宮人初生
 不舉三日不死乃收養之及壯屬陽阿主家學歌
 舞體輕能呈掌上之舞故號飛燕成帝微行過主
 家見而說之召入大幸有女弟復召入
 俱為婕妤貴傾后宮飛燕竟立為后

良人何處醉縱橫直如循默守空名倒持新謙成慊

慊翻將故劍作平平離前吉夢成蘭兆別後啼痕上

竹生

陸機為陸思遠婦作詩雖為三載婦顧影愧虛名
 新謙見蕩子篇題註梁蕭子雲春思詩詎能憐故
 素絲為泣新謙曹植九愁賦愁慊慊而繼懷恒慘
 慘而情挽梁王僧孺擬上山採靡蕪詩迴持昔慊
 慊變作今悠悠梁元帝送西歸內人詩昔時慊慊
 愁應去今日勞勞長別人魏文燕歌行念君客遊
 多思腸慊慊思歸戀故鄉漢宣帝微時娶許廣漢
 女後即帝位將立后公卿皆心議霍光女未有所
 言帝乃詔求微時故劍大臣知指白立許倏仔為
 后鄭文公有賤妾曰燕估夢天使與已蘭曰余為
 伯儵余而祖也以是為而子以蘭有國香人服媚
 之如是既而文公見之與之蘭而御之辭曰妾不

才幸而有子將不信敢徵蘭乎公曰諾生穆公名
之曰蘭后穆公有疾曰蘭死吾其死乎吾所以生
也曰蘭而卒舜崩二妃泣之沮竹成班遂為班竹
今湖廣永州府道州南五十里有班竹巖相傳二
妃泣舜處

別日分明相約束已取宜家成誠勗當時儼弄掌中

珠豈謂先摧庭際玉悲鳴五里無人問腸斷三聲為

誰續思君欲坐望夫臺端居懶聽將雛曲

馬梵賀人生子曰欣得掌上之珠王導謂謝安曰
子弟亦何預人事而欲其佳曰如芝蘭玉樹欲使
其生於庭階耳揚虞卿過小妓英墓云別我已為
泉下土思君猶如掌中珠則不惟以子言之也悲
鳴二句見鄭安陽入蜀篇斷猿註望夫臺在塞名
俗言王昭君所築更信枯樹賦將雛集鳳比翼巢

鸞臨風亭而喚鶴對月峽而吟猿成公綏嘯賦又
似鴻鴈之將雛羣鳴號乎沙漠滄岳笙賦含切譚
諧雍雍喑若羣雛之從母也陳張正得梧桐棲
威鳳詩丹山下威鳳來集帝梧中欲舞春花將
飛秋葉空影照龍門水聲入洞
庭風別有將雛曲翻更合絲桐

沈沈落日向山低蒼前歸燕並頭棲抱膝當窓聽夕

兔側耳空房聽曉雞舞蝶臨階祇自舞啼鳥逢人亦

助啼

劉孝綽詩誰能對雙燕冥冥守空牀莎雞一名促
織一名夕兔古樂府野雞毛羽好不如家雞能報
曉新人雖如花不如舊人能績麻梁庾肩吾冬曉
詩隣雞聲已傳愁人竟不眠曹子建棄婦篇石榴
植前庭綠葉搖標青丹華灼烈烈耀彩有光榮光
好燁流離可以處淑靈有鳥飛來集拊翼以悲鳴

悲鳴夫何爲丹華實不成拊心長嘆息無子當歸
寧有子月經天無子若流星天月相終始流星沒
無精猶遲失所宜下與瓦石並憂懷從中求嘆息
通雞鳴及側不能寐逍遙於前庭此詩甚似此二
段 瑾音崔
上聲光明也

獨坐傷孤枕春來悲更甚娥眉山上月如眉濯錦江

中霞似錦

娥眉見疇昔篇濯錦江
見送陳文林錦水註

錦字迴文欲贈君劍壁層峰自亂紛平江淼淼分青

清長路悠悠間白雲

臧榮緒晉書竇滔妻蘇氏善屬文符堅時滔刺秦
州被徙流沙蘇氏思之織錦爲迴文詩寄滔循環

宛轉讀之辭甚淒切劍壁帥劍門見軍中行路難
篇白雲見高四篇迴文詩云仁聖懷德聖虞唐真
妙妙顯重榮章臣賢惟配英皇倫足離飄浮江湘
湘津河隔塞殊山梁民士感曠怨路長身微閱已
處幽房人賤爲女有柔剛親所懷想思誰望純清
志潔齊冰霜新故或億殊面墻春陽熙茂雕蘭芳
琴清流楚激茲商奏曲發聲悲摧藏
音和詠思惟空堂心憂增慕懷慘傷

也知京洛多佳麗也知山岫遙虧蔽無那短封卽踈

索不在長情守期契

曹植名都篇名都多妖女京洛出少年韓非子佳
麗也者邪道之分也戰國策宮中佳麗好玩又云
趙天下善爲音佳麗人之所出也嚴安疏佳麗珍
惟順子耳目謝玄暉鼓吹曲江南佳麗地金陵帝
王州逶迤帶綠水迢遞起朱樓曹植贈丁儀詩壯
哉帝王居住佳麗殊百城梁劉孝綽古意詩燕趙多

佳麗白日照紅粧簡文洛陽道詩洛陽佳麗所沈
約詩洛陽大道中佳麗實難比踈索猶蕭瑟也梁
蕭子雲詩綠楊垂長溪便橋限清格相去能幾許
一水終踈索言無寄書即思不在長守期約耳

傳聞織女對牽牛相望重河隔淺流誰分迢迢經兩
歲誠能脉脉行三秋情知唾井終無理情知覆水也
難收不復下山來借問更向盧家字莫愁

述異記天河之東有美麗女人乃天帝之子機杼
之工年年勞役織成雲霧綃縑之衣辛苦殊無權
悅容貌不暇整理天帝憐其獨處嫁與河西牽牛
之夫婿自後竟廢織社之功貪權不歸帝怒責歸
河東但使一年一度與牽牛相會古樂府迢迢牽
牛星皎皎河漢女織織濯素手札札弄機杼終日
不成章涕泣零如雨河漢清且淺相去詎幾許盈
盈一水間脉脉不得語隋史賀若弼謂高頴曰何

脉脉耶註脉脉兩目相看不相親之意梁王僧虔
爲人傷近而不見詩獨我一心人同鄉不異縣異
縣不成隔同鄉更脉脉脉脉如牛女幽幽寄一語
唐人詩話千里井不反唾引南朝宋計吏瀉到殘
草於公館井中且自言相去千里豈當重來及其
復至熱暍汲水遽飲不憶前所棄草草結其喉而
死俗因相戒千里井不反到遂訛爲唾耳然作唾
字亦通太公先娶馬氏家貧馬氏求去聽之後封
營丘馬氏復來太公覆水於地令收之曰覆水已
難收矣漢何進欲誅宦官弟何苗謂進曰始其從
南陽來俱以貧賤依省內致富貴國家事何容易
覆水不收宜深思之且與省內和也梁武帝河水
之中歌河中之水向津流洛陽有女名莫愁十三
能織錦十四采桑南陌頭十五嫁作盧家婦十六
生兒似呵侯盧家蘭室桂爲梁中有鬱金蘇合香
頭上金釵十二行足下絲履五文章珊瑚掛鏡爛
生光平頭奴子挈履箱人生富貴何所望何不早
嫁東家王今湖廣承天府漢江西石城有莫愁村

二云嘗進入楚宮未知孰是下
山人見蕩子從軍賦題註

代女道士王靈妃贈道士李榮

玄都五府風塵絕碧海三山波浪深桃實千年非易

得桑田一變已難尋

十洲記玄洲有大玄都仙伯真公所治五府亦仙
所居也碧海見高四篇齊威宣燕昭使人入海求
蓬萊方丈瀛洲三山此求仙之始三山別有員海
繞之水正黑謂之冥海無風而洪波百丈不可得
往來上有九老仙人九天真王宮蓋太上真人所
居惟飛仙能到耳蟠桃蟠屈千餘里千年一開花
千年一結實食之令人長生西王母指東方朔謂
漢帝曰此桃三熟此兒已三偷矣按麻姑謂張方
平曰自接待以來見東海三為桑田矣到
蓬萊水乃淺於往者豈復將為陵陸乎

別有仙居對三市金闕銀宮相向起臺前鏡裡伴仙

娥樓上簫聲隨鳳史

成都市一歲之中二月望日鬻花木蠶器於其地
者曰蠶市五月鬻香藥於宮闈曰藥市鬻器用者
曰七寶市謂之三市晉都洛亦有二市一在城西
南一在城南一在城東此指成都言之也金闕銀
宮見軍中贈先還知已篇王充論衡弄請不死藥
於王母弄妻嫦娥竊以奔月是謂蟾蜍楊升菴云
嫦娥因常儀占月而誤也古音皆以儀為娥音如
蓼莪作蓼儀之類是也近世有詩云竊藥奔月計
已窮藁砧應恨洞房空當時射日弓猶在何事無
能近月宮此詩雖戲足破嫦娥之謬矣方言秦晉
之間凡好而輕者謂之娥自關而東河濟之間謂
之媯列子娥媯靡曼鳳史見蕩子篇江總姬怨詩
莫輕小婦狎春風羅襪也得步阿宮雲車欲駕應
相待羽衣未去幸須同不學蕭史還樓上會逐端

駱丞集注

卷之三十一

八

織戲
月中

鳳樓迢遞絕塵埃鶯時物色正徘徊靈芝紫檢參差

長仙桂丹花重疊開

鶯時春時鶯鳴之時也檢芝也張鷟奏章云芝
沈發彩宣鳳藻而騰文蘭檢浮香潤龍縑而動色
註檢文書草也說文檢書也也監檢本芝蘭之莖
葉書因檢東之義而以芝蘭美之耳參差長短不
齊之貌詩參差荇菜仙桂見高四
篇桂有丹黃白三種丹者為上品

雙童綽約時遊陟三鳥聯翩報消息盡言真侶出遨

遊傳道風光無限極輕花委砌惹裾香殘月窺窗覘

幌色

顏修內傳橋頭二子曰璋曰瑤師事仙人盧子
於隆慮山棲霞谷服飛龍藥一丸三年不飢魏武
帝詩西山有雙童不飲亦不食莊子逍遙篇藐姑
射之山有仙人居焉肌膚若冰雪綽約若處子不
食五谷殮風吸露乘雲氣御遊龍而遊乎四海之
外其神凝使物不庇厲而年谷熟註綽約柔弱貌
又在宥篇綽約柔乎剛強註音昌畧反即綽也曹
植飛龍篇晨遊太山雲霧窈窕忽逢二童顏色鮮
好乘彼白鹿手翳芝草楚辭三鳥飛以自南覽其
志而欲化願寄言於三鳥今去颺疾而不得註三
鳥本當時所見無定名也寄此鳥申其離思耳又
郭憲洞冥記武帝夢月臺有三青鴨化三小童皆
著青綺文襦各握鯨文大錢五枚置帝几前身止
輕重名輕影錢曹子建辨道論曰三鳥被致不如
百官之美也註神仙至當有鳥先導當以楚辭
為正記后二事以廣異聞砌階石幌書帳也

箇時無數併妖妍箇裏無窮總可憐別有眾中稱黜

帝天上人間少流例洛濱仙駕啓遙源淮浦靈津符遠澁

黜帝謂天帝下黜為人猶言謫仙也仙駕見洛濱對雪憶謝二篇遠澁地名左傳楚遠越縊于遠澁註水邊土人所止曰澁楚詞朝余馬兮江皋夕濟今西澁聞佳人兮召子將騰駕兮借逝江文通效陸機詩流念辭南澁衙怨別西津或云郭璞筮則以澁作筮矣謬甚浦津字義似見詠水題註

自言小小慕幽玄只言容易得神仙佩中邀勒經時序簫裏尋思復幾年

韓詩外傳鄭交甫過漢皋遇二女祆服珮兩珠交甫與之言曰願請子之珮二女解珮與之去十步探之則亡矣迴顧二女亦不見楚詞遺余佩兮澧浦曹植神女賦願誠素之先達解玉佩而要之

裏尋思本鳳史意見蕩子篇

尋思許事真情變二八容華識少選漫道燒丹止七飛空傳化石曾三轉

曹植美女篇借問女安居乃在城南端云云釋詩篇南國有佳人容華若桃李朝遊江北岸夕宿瀟湘沚又容華漢女官名秩比二千石尸子鬱攸之司九變七化皆火爲之紀註靈丹九轉而成故不止七化也淮南子禹治水化爲熊以通輶轅之道塗山氏見之而慙遂化爲石禹曰歸我子於是石破北方而啓生其石在嵩山見漢書註竟地卽化石也劉義慶幽明錄陽羨小吏吳龕有主人在溪南嘗以一日掘頭舟過水溪內忽見一五色浮石取內牀頭至夜化成一女子又武昌北山上有望夫石相傳貞婦從其夫遠役赴國難携弱子餞送登山立望化而爲石又永州城南八十里石如

人郡國志淮南王安敗至此化為石又如江郎之石之類皆云化成皆襲說也詩栢舟篇我心匪石不可轉也

寄語天上弄機人寄語河邊值查客乍可忽忽共百年誰使遙遙期七夕想知人意自相尋果得深心共

一心

弄機指織女與值查客俱見高四篇韓安國傳安國始貴后稍疏下遷衛青等新幸有功益貴安國默默也又為虜欺失亡多甚自愧幸罷歸乃東徙屯意忽忽不樂數月嘔血死期七夕見前篇

一心一意無窮已投漆投膠非足儼只將羞澀當風流持此相憐保終始相憐相念倍相親一生一代

雙人不投丹心比玄石誰將濁水况清塵只言桂下

留期信好欲將心學松薜不能京兆畫娥眉翻向成

都騁騶引

膠漆見靈泉頌又古詩以膠投漆中誰能別離此曹植七哀明月照高樓流光正徘徊上有愁思婦悲嘆有餘哀借問嘆者誰言是宓子妻君行踰十年孤妾常獨知君若清路塵妾若濁水泥浮沉各異勢會合何時諧願為西南風長逝入君懷君懷良不開妾身當何依尾生與女子期於橋下水至不去抱橋柱而死虞子陽詩寒露拂凌若女蘿辭松栢薜榮不終朝蜉蝣豈見名註薜木槿花朝生暮死也京兆娥眉見疇昔篇京兆諺註司馬相如貧困與臨邛今王吉友善往見之臨邛富人卓王孫聞令有客大為具席王孫有女文君新寡曉音樂相如因以琴心挑之文君夜奔相如遂與馳歸

青牛紫氣度靈關尺素頰鱗去不還連苔上砌無窮

綠脩竹臨壇幾處班

青牛句見送陳文林陸道士篇浮氣註又漢武內傳封君達龍西人服黃連五十餘年入烏犇山服水銀百餘年還鄉里如二十年者常乘青牛故號青牛道士漢世書札相遺或以絹素疊成雙魚古樂府客從東方來遺我雙鯉魚上有長相思下有長相憶周弘讓答王褒書猶冀蒼鴈頰鯉時傳天素清風明月但寄相思後世乃謂魚能傳書非也階石不行則有蒼苔江總為姬怨詩自悲行處綠蒼生何悟啼多紅粉落靈運直中書省詩紅藥當階翻蒼苔依砌上班竹見前篇啼痕上竹生註

箇時空牀難獨守此日別離那可久梅花如雪柳如

絲年去年來不自持初言別去空偏在何悟春來春

更思

空牀句見蕩子篇題註何遜范雲聯句洛陽城東西却作經年別昔去雪如飛今來花似雪又梁元帝別詩門前楊柳亂如絲直置佳人不待

春時物色無端緒雙眠孤枕誰分許分念嬌鶯一種

啼生憎燕子千般語朝雲旭日照青樓遲暉麗色滿

皇州落花泛浮靈沼垂柳長長拂御溝

宋玉高唐賦楚襄王遊高唐夢美人曰妾巫山氏之神也朝為行云暮為行雨朝朝暮暮巫山之下註朝雲喜晴暮雲喜雨故云朝雲暮雨詩春日遲遲暉日色也謝眺詩京洛佳麗遊春色滿皇州詩王存靈沼謝元暉鼓吹曲飛薨夾馳道垂柳陰御溝

駱... 集註

卷之二

九

御溝大道多奇賞侯客妖容遞來往寶騎車花鐵作
錢香輪驚水珠為網

侯客見孫長史篇置驛五侯註車花鐵作錢以鐵為花粧車也網當作輞車輪像邊橫木也以鐵作珠釘飾之今堅耐不磨也或曰如螢火賦所謂懸珠之網謂以珠為車帳然於香輪驚水之文欠通

香輪寶騎競繁華可憐今夜宿娼家鸚鵡杯中浮竹

葉鳳凰琴裏落梅花

繁華見疇昔篇鸚鵡螺名琢以為盃竹葉見送尹大詩琴之為言禁也以禁止邪心庖犧氏始造趙飛燕琴名鳳凰落梅古樂府曲其詞云念爾零落逐風颺徒有霜花無霜實

許葦多情偏送欸為問春花幾時滿一回鳥語說衆

諸自過鶯啼說長短

衆諸長短判不尋千回百過浪關心何曾舉意西鄰

玉未肯留情南陌金

朱玉登徒子好色賦臣東家之子增之一分則太長減之一分則太短著粉太白施朱太赤此女登牆三年窺臣臣至今未許此云西隣玉指宋玉也秋胡子久出遊歸遇婦人採桑於道以金遺之不愛及歸乃其妻也南陌字見前篇莫愁註

南陌西隣咸自保還轡歸期須及早為想三春狹斜

路莫辭九折叩關道

江總問怨詩願君關山及早度念妾桃李片時妍阮嗣宗咏懷詩捷徑從狹路電勉促荒淫古樂府

有長安有狹邪之句故陸機梁武有長安洛陽狹
斜機意言世路險狹邪僻正直之士無所措手足
武帝行已見春霽早行篇調中婦註又隋後主越
王侗楊叛兒歌青春正陽月結絆戲京華龍驤玉
珂馬鳳軫繡香車水映臨橋樹風吹夾路花日
昏歡宴罷相將歸狹斜九折見費六還蜀篇

假令白里似長安肯使青牛學劍端蘋風入馭來應
易竹杖成龍去不難

蘋風見淄州毛司馬秋九詠掩青蘋遊清
風陶陽氣蕩春心竹杖成龍見出石門篇

龍駸去去無消息鸞鏡朝朝減容色君心不記下山
人妾欲空期上林翼

宋范泰鸞詩序屬賓王養一鸞三年不鳴夫人曰
鸞見類則鳴懸鏡照之中

畫鏡乃日鸞鏡不知何義
鳳凰之佐雞身赤毛色被五采鳴五音人君
退有度親踈有序則至或以鸞為鳳非也下山人
見上篇上林翼用蘇武事見蕩子篇一鴈註不崇
昭君詞願設飛鴻翼乘之以還
征飛鴻不我顧佇立以屏營

上林三月鴻欲稀華表千年鶴未歸不分淹留桑路
待祇應直取桂輪飛

華表見紫雲觀篇梁吳筠古意詩賤妾思不堪採
桑渭城南帶減連枝繡髮亂鳳凰簪又曹植美女
篇美女妖且閑采桑岐路間又帝京篇羅
敷註桂輪見久戍邊城篇桂滿夕輪孤註

憶蜀地佳人

東西吳蜀關山遠魚來鴈去兩難聞莫恠嘗有千行

淚只爲陽臺一片雲

梁吳筠別夏侯故章詩新知關山別故人河梁送
沈約送友人詩君東我亦西街悲涕如霰江總別
袁昌州詩宥子嘆愁窮此別異西東關山嗟陸葉
岐路闕征蓬別鶴聲聲遠愁雲處處同關山見宥
子篇魚雁只上篇庾信寄玉琳詩玉關道路遠金
陵信使踈獨下千行淚開君萬里書陽臺一片雲

見上篇
朝雲註

